

**NATIONAL ASSEMBLY OF  
SEYCHELLES**

*Wednesday 24<sup>th</sup> March, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**SEYCHELLES INSTITUTE OF  
SCIENCE, TECHNOLOGY &  
INNOVATION**

**MR SPEAKER**

Bonzour tou Manm e bonzour nou piblik an deor ki swiv nou. Nou pe reprean travay lo *Appropriation Bill 2021*. E nou a pas dan *Committee Stage*, e nou a envit delegasyon Minis ek son bann zofisyen.

Bonzour Minis Devika Vidot ki zwenn nou ankor en fwa ozordi e avek PS Damien Thesee pou Finans e Madanm Noella Vinda osi dan Minister Finans. Nou pe pran Bidze *Seychelles Institute of Science, Technology & Innovation*.

E lo zot delegasyon nou annan Madanm Angeline Antat, *Principal Secretary pou Entrepreneurship and Industry*. Mr Xavier Estico *Chief Executive Officer* pou sa lenstiti e Angela Marie son *Private Secretary*.

Bidze pou *Seychelles Institute of Science, Technology and Innovation* I trouve lo paz 613 ziskan 618 pou en total R4,626,000. Nou ava envit Minis pou pran laparol. I annan enn pti *statement* apre I a fer en lentrodiksyon lo sa Bidze. Minis?

**MINISTER DEVIKA VIDOT**

Bonzour Mr. Chair. Bonzour tou Manm Onorab. Bonzour tou dimoun ki a lekout. Mr Chair, si ou permet mwan mwan ti a kontan fer en ti klarifikasyon lo *statement* ki mon ti fer dan Lasable an se ki konsern *citizenship* avek lenvestisman.

Sa akoz mon vwar pou dir in annan, in atir en kantite latansyon dan medya. Kestyon ti ganny poze par Onorab Gabriel yer. A sa pwen mon santi ki I enportan ki mon fer resorti ankor enn fwa ki Polisi Gouvernman se ki napa... sa pozisyon anver donn sitwayennte etranzer. I pa en lavenir ki nou pe pourswiv a okenn repriz.

Setadir, *be it* pou lenvestisman ouswa anba seksyon 5(1) of the *Immigration Decree*. So, sa I definitivman en *practice* ki nou pa pe al antre ladan e nou fermeman krwar dan sa pozisyon. Sa pozisyon pa pou sanze.

**(APPLAUSE)**

### **MINISTER DEVIKA VIDOT**

E petet a sa pwen letan mon pe fer refleksyon lo deba ki nou'n fer yer, mon pe mazinen en pe dan sa laliny, en kantite manm in eksprim konsern, *Leader of the Opposition*, Onorab Loizeau e detrwa lezot Manm ki'n koz en pe lo bann gro biznes, biznes bann *foreigners* ki pe antre Sesel ki pe an konpetisyon avek Seselwa.

Me a sa pwen la I fer mwan kalkile, me eski vreman sa bann etranze, zot etranze menm e zot napa en paspor Seselwa? So, sa I en keksoz ki dan Minister nou bezwen regarde. So possibleman se ki san bann dimoun zot annan sitwayennte e zot annan permisyon pou fer sa bann biznes parey en nenport Seselwa.

E petet si zot ti a ed mwan, si I annan okenn konplent en pe spesifik ki zot kapab anmenn kot mon biro, e nou kapab regard ladan an se ki konsern konpetisyon avek Seselwa. Mersi.

Aprezan Mr Chair mon pou *proceed* avek lentrodiksyon pou nou Bidze bomaten. Yer mon ti entrodwi Bidze, mon ti entrodwi mon Minister ek nou de departman. Nou'n pas lo

Bidze pou SBS, nou'n pas lo Bidze SIB. SIB nou'n eksplik zot enn pti pe lo son rol, fasilitasyon, promosyon. Departman Lenvestisman ki vwar lanvironnman biznes dan Sesel. SBS son rol kot I antre pou soutenir lobzekatif Minister, pou ki nou pe *focus* en pe plis lo prodiksyon lokal ki pe viz ver leksportasyon.

So kot I ti antre dan sa lankadreman SBS ti bezwen la pou fer sir ki standar I la, pou ki sa pwen leksportasyon zot arive kapab fer li. Byen sir parey mon'n fer resorti yer I annan serten defayans.

E sa nou pou bezwen al travay lo la. Alors bomaten, mon pou koz en pe lo inovasyon ki mannyer I pou pe siport nou Minister, pou atenn sa lobzekatif ki nou annan pou pei. Sa se fer bann biznes vin pli rezilyan an servan inovasyon e teknolozi.

Savedir promouwvar en pe resers ek devlopman dan pei ki ava, ki a viz ver itilizasyon nou bann resours naturel, ki an labondans dan Sesel ki pa pe - ki an bokou lenstans i pa pe ganny servi to *the maximum*.

Nou pe koz par egzanp kannel ki nou pa pe servi li to *the full potential*. Byento mon pou - Minister pou sortie ek en striktir ouswa en Lezislasyon ki nou pou revive sa lendistri e bokou plis ankor.

Avan mon terminen, eskize, parey lanons in ganny fer par Prezidan, *NISTI* pou pe ganny entegre dan Minister, Sekretarya, pa Sekretarya me Departman Lantreprenarya; donn linovasyon sa lenportans, sa promosyon I bezwen an se ki konsern biznes dan Sesel. Mersi.

### **MR SPEAKER**

Mersi. Nou a komans avek lantreprenaryon nou bann Manm. Mon repel bann Manm pou reste direk, concise dan zot entervansyon e panel osi dan zot repons. Enn lenstans...wi (*silence*) Mersi nou a pran kestyion bann Manm. Nou a komans avek Onorab Labonte.

### **HON ANDY LABONTE**

Bonzour Mr Chair. Bonzour Minis ek *panel*. Bon mon kestyion I baze lo zot manda. I menn parey lazans ki ti la yer konsernan *Seychelles Bureau of Standard*. Petet zot manda I plizoumwen pou devlopman pei e pou ede dan sosyoekonomik.

E ler nou pe koz sosyoekonomik enn bann mezir ki nou servi se *GDP, Life Expectancy, Literacy* e *level of employment* dan pei.

So ki zot pe mazin fer pou petet enform, petet vin en pe pli pre - sirtou kote kot lekol, pou fer ki nou zenn I en pe pli

enterese e konpran pli byen ki nesesite teknolozi e servi li dan fason ki I vreman merite?

E mon dezyenm kestyion I al plizoumwen lo ‘*material and supply*’ anba ‘*clothing and bed linen*’ ki mon ti vwar I R20, 000 lannen 2020, la mon war ki I 0. Petet si ou ti kapab eksplike kwa sa *bed linen*, si zot annan lili laba ki zot servi?

Apre mon dezyenm I ‘*other uses and services*’ kot ankor *laundry* ti 4,000 e la mon war pou dir I zero. Petet eksplike sa bann diferan e la I napa alokasyon? Mersi.

### **MR SPEAKER**

Mersi Onorab. Minis ou a diriz ou delegasyon lekel ki pou reponn.

### **MINISTER DEVIKA VIDOT**

Mersi Mr Chair. Mr Chair mon krwar mon a kapab reponn sa bann kestyion. E si I annan okenn klarifikasyon en pe pli spesifik, alor CEO I kapab *take over*.

An se ki konsern devlopman ledikasyon, alors nou pe sey adopte en model, kot nou pe fer bann lazans oubyen bann fonksyon bann Departman Gouvernman, pa *overstep* lo kanmarad.

Nou annan en manda pou promouvwar ledikasyon, me ensi byen Minister Ledikasyon dan son manda, e avek vizyon nouvo Minis pou

Ledikasyon, ki in fer resorti dan Lasanble avek zot tou, se I promouvwar lilitizasyon teknolozi dan ledikasyon.

Alors nou pou plito *pass on* avek li pou pa pe fer en *duplication* lo sa kote, me byensir nou ava annan en *certain level of input* an se ki konsern sa.

Akoz ledikasyon nou konnen I komans ptipti. Savedir nou pou angaz. Nou pou an kolaborasyon, me selman se Minister Ledikasyon ki pou *take the lead* lo la.

Ou dezyenm kestyon, an ski konsern '*bed linen*' e *the related expenses*. Parey zot pa ti okouran *NISTI* ti pe *occupy* en blok apartman ki ti sitye Bel Ombre. Lannen pase zot ti komans *occupy* sa dan Out si mon pa tronpe, dezyenm lanmwatye lannen pase. *Prior to that*, zot ti pe fer zot en sistenm kot ti pe travay, *working from home*. E se pou sa rezon ki ti annan sa bann depans.

### **MR SPEAKER**

Wi. Klarifikasyon si ou annan Onorab Labonte, vitman.

### **HON ANDY LABONTE**

Wi Mr Chair, Minis petet 20,000 konmsi pou '*bed linen and everything*,' konmsi kwa zot ti pe *accommodate* sa bann travayer laba dan sa landrwa?

Akoz mon war I en pe tro bokou R20,000 pou vreman sa alokasyon.

Apre dezyenmman, rezon ki mon pe demande lo kote lekol parey nou war la *COVID*. *COVID* li menm li I pe donn nou en legzanp akoz ki teknolozi I enportan.

E ler nou pe war se tre pe lekol ki vreman, ki pe kree bann *APP* pou kapab konekte zot bann etidyan e vi ki *NISTI*, zot pe ganny en alokasyon Bidze petet zot ti kapab *empower* bann lekol, pou ed zot pou ki zot kapab kree bann *APPS* pou kapab ed bann etidyan ki zot pe mazinen pou sa?

### **MR SPEAKER**

Mersi Onorab. Wi Minis?

### **MINISTER DEVIKA VIDOT**

Mersi Onorab. Mersi Mr. Chair. Mersi Onorab pou ou kestyon. Sertennman an term kapasite wi I annan. Mon ava pas laparol avek *PS* ki annan detrwa komanter adisyonnelle pou fer an se ki konsern sa.

### **PS ANGELIQUE ANTAT**

Bonzour Chair. Bonzour Manm Onorab e tou dimoun a lekout. Pou reponn sa kestyon lo kote lekol e se pou sa rezon ki ou war ki *NISTI* pou tonm koman en divizyon anba Departman Lendistri e Lantreprenarya. An se

moman *NISTI* I annan bokou programm ki pe fer dan lekol, tel ki *STEM* e I annan bann konpetisyon inovasyon ki I fer.

E nou lo nou kote nou osi annan sa konpetisyon Lantreprenarya ki nou pe fer pou 2an la. E nou osi annan en travay ki nou pe fer la ek lekol, pou entegre lantreprenarya avek *financial education*. Nou pe fer sa an partenarya avek Labank Santral, pou ki nou kapab entegre lantreprenarya avek *financial education* dan lekol dan *curriculum*.

So, tousala I bann travay ki pe deza pe ganny fer. I annan bann programm ki deza egziste. Petet Mr Estico I kapab donn zot en pe plis lenformasyon lo *STEM* avek son konpetisyon. Me I deza la.

Me ki Minis pe dir se I ki nou bezwen *at least* les lekol pran sa bann programm zot osi, pou ki in vin en keksoz ki repetitive, ki zot osi I kapab fer, kordinen.

Me *NISTI* a la koman sa *oversight* pou asire ki I dan sa vizyon *science, technology and innovation* ki pei pe al ladan, ki pou ki I aport sa *KPI*, oubyen sa mezir dapre nou vizyon koman en Minister, koman en pei.

### **MR SPEAKER**

Mersi. Minis eski Mr Estico pou azoute keksoz?

### **CEO XAVIER ESTICO**

Mersi Mr Chair. Mersi Manm Onorab. Mersi Mr Chair pou sipleman lo repons ki'n dir. I tre enportan sa kestyon, akoz sa I en keksoz ki nou'n - I baze lo levidans. Letan nou ti lans nou Polisi Lasyans, Teknolozi ek Linovasyon, nou ti anmas bann levidans, vwar ki mannyer bann lekol zot performance I ete lo kote lasyans, bann size lasyans, teknolozi, lasyans ek matematik.

E I annan en sistem ki apel *STEM*, Lasyans, Teknolozi ek Linovasyon e Matematik. Sa ti en programm ki nou pran li o serye I dan nou Polisi. Nou lobzektif fondamantal se ki pou redonn bann lekol sa lentere, sa motivasyon dan lasyans, teknolozi ek lasyans teknolozi ensere dan lasyans. Akoz? Akoz se sa bann lekol ki pou vin kad demen ki pou dan lendistri.

E sa I pa sorti dan en fason vid. Nou regarde si ou pou donn bann lekol e kit zot avek bann *skills* ek bann *knowledge*, ki zot pa pou servi demen. Nou nou'n idantifye en *set of teknolozi apropiye* ki zot bezwen ekspoze avek. Nou travay an kolaborasyon avek Minister Ledikasyon kot lekol I dan zot responsabilite.

Me tou nou bann aktivite in nou'n fer depi 2016 ziskan

ozordi I bann aktivite ki nou apel ekstrakerikiler. Sa bann zanfan I antre dan sa bann aktivite apre lekol, me an konsiltasyon avek Minister Ledikasyon.

Ozordi nou annan nou 6 lekol ki annan en *fully STEM* programm segonder. E nou'n deza osi ki invizid ki, nou entrodwir bann teknolozi parey robotik.

Nou'n entrodwir '*artificial intelligence*' se sa ki nou apel bann teknolozi emerzan. Sa vedir demen sa bann zanfan pou - sa bann *youths* I sorti zot pe servi. Nou'n entrodwir zot avek bann *block chain coding*, bann langaz ki zot kapab servi avek bann sistem nimerik.

Nou pe kontinyen travay avek sa bann lekol pou zot *empower zot*. E se sa ozordi zour si zot vwar dan Beau Vallon in nobou fer sa. Beau Vallon ti premye lekol ki ti antre dan nou programm. Ou konpran? Alors ozordi zot annan sa bann *skills* pou zot kapab transformen.

E nou ankouraz bann lekol, pou pa zis asize avek sa bann *skills*. Regarde kot zot dan kominote kote zot kapab servi sa bann *skills*. Lans Anse Royale school i a pe montre ki mannyer zot kapab servi lenerzi renouvlab, pou zot redwir kou elektrisite dan zot lekol.

I annan bokou linisyativ ki sorti dan sa bann programm. Nou pou kontinyen travay avek Minister Ledikasyon lo en nivo ekstrakerikiler. Me selon nou, mwan koman CEO *NISTI* mon asiz lo komite *STEM Education*, nou pe pouse depi ki zot entrodwi *STEM* dan zot *curriculum*.

Alor I a konplimant nou zefor ki nou'n deza komanse ekstra. Ozordi zour mon kapab dir ki tou sa bann zanfan ki'n partisip dan programm, I annan en gran mazorite ki'n pran bann karyer ki relasyonnen avek *STEM*. Mersi.

### **MR SPEAKER**

Mersi CEO. Nou a kontinyen, Onorab Gabriel.

### **HON CONRAD GABRIEL**

Mersi Mr Chair. *Welcome* Minis ek ou delegasyon. Mon al direk dan zot '*strategic priorities*' bullet No. 5, zot annan pou zot "*establish an innovation eco-system by developing a BTI.*" Petet mon ti a kontan panel I eksplik nou enn ti pe ki mannyer zot pou materyaliz sa? Ki I *entail* en prensip, an zeneral?

I annan en zafer *Regional Blue Economic network*. Eksplik nou ki mannyer zot pou enplimant sa programm? Eski zot pe pran bann zenn an

konsiderasyon? E mon panse la pou nou profite, donn bann zenn en novo souf. Redonn zot sa lespwar. Dir nou ki mannyer zot pou *go ahead* ek sa? E an prensip donn nou - lekel zot bann partner ekonomik ki pou siport zot?

Mon trwazyenm pwen Mr Chair anba zot '*consultancy fee*' zot pa'n met okenn larzan, ki mannyer zot pe panse pou fer sa travay, pou promot sa *capacity building* an zeneral pou relev sa sekter dan li menm? Mersi.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Annefe zis en *overall comment* anvi ki *NISTI* pe ganny entegre avek Minister, osi I pou annan bann sanzman an term priyorite ki nou pe vin avek. Me selman pou legzersis Bidze I pa'n posib pou fer sa resorti. Me sa lobzektif ki la I *still* valab.

An se ki konsern sa *BTI*, sa I sa *incubator* ki yer mon'n koz detrwa fwa lo la. Nou pe ganny en *Grant*, sa vedir *funds from a aletranze through FAPA* e I pou ede. E sa larzan I pou ale pe viz ver etabli en lespas, kot I ava annan bann *work stations* e *provision of* bann lekipman.

E osi I pe fer bann provizyon pou fer peyman pou bann *consultancy*, I ki I ava anmenn sa lankadremman pou annan sa *soft component* kot I ava anmenn sa lentelizans.

E osi sa lespas, sa *physical* landrwa kot sa bann zenn - e mon plito krwar ki sa programm, sa legzersis I pou viz ver bann zenn, i a laporte tou dimoun. Me selman nou pe plito anvizaze ki se bann zenn ki pou enterese pou antre ladan. Mersi.

### **MR SPEAKER**

Mersi. Onorab Naidoo.

### **HON SATHYA NAIDOO**

Bonzour Mr Chair. Bonzour Minis ek ou delegasyon. Bonzour koleg Onorab ek tou dimoun ki a lekout. Minis parey ou'n fek fer resorti '*strategic priorities*' I pou pas atraver bann revizyon. Akoz byen sir mon krwar pa si avek sa Bidze, zot pou kapab akonplir tou sa ki'n ganny liste.

Alors lo kote stratezik an term linovasyon, eski keksoz pou ganny senplifye? Akoz mon santi ki *NISTI* ki dan lepase in sey fer keksoz ki pa kapab neseserman reflekte en pe larealite, ki nou pe viv ladan ozordi.

En senp pti legzanp ou kapab fer en *ID card reader* kot en dimoun I antre dan nenport

ki departman olye ranpli laplikasyon, zis fer pase en, son *ID* I ganny tou lenformasyon.

So, mon santi ki *NISTI* I devret revwar son manda anba ou Minister byensir, pou kapab donn bann dimoun ordiner akse avek inovasyon ki kapab ganny fer a en letan ki tro kourt.

E lo kote sa *Grant*, eski I annan en sonm ki atase avek lakantite dimoun ki zot osi targete pou kapab akomod zot ladan?

Lo kote *Board allowance* mon war en sonm in ganny *allocate*. Eski pou sa lannen zot pe al pran sa *allowance*, lezot departman partou kote zot in fer sa sakrifis?

E lo sa *Board* konbyen dimoun kip e asiz lo sa *Board*? Eski bann endividé I annan lekspertiz dan sa domenn ki *NISTI* I anvizaze kouver? Mersi.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Sertenman an se ki konsern priyорите parey mon'n koze, *NISTI* I pou bezwen revwar son priyорите e viz ver kominate biznes pou le moman. So, nou pou sambre en pe plis lo sa.

Parey ou konnen I osi annan *DICT* ki I en antite Gouvernman. E osi annan sa bann ekspertiz kot li osi I annan sa bann posibilité, kot I travay avek bann Departman. E I *come up* avek sa bann kalite teknolozi ou kapab dir, bann fason fer.

Lo nou kote nou plito, pou le moman, akoz nou konnen ki annan sa mankman, so, nou pe *allocate* sa resours ver kominate biznes *primarily*. An se ki konsern *the sum of Grant* mon ava pas ek *PS*, I a donn ou egzakteman sa *sum of Grant* 1 milyon Dolar.

In ganny donnen atraver *Blue Economy*. So, I annan serten eleman, serten konponan ki *NISTI* pou antreprann. Departman Lantreprenarya in osi ganny *allocate* en serten konponan. Me son sonm spesifik mon ava pas laparol.

An se ki konsern *Board* akoz ki *NISTI* pe ganny abzorbe dan Minister, so I pou nepli annan en *Board of Directors*. In *terms of* lo lakantite manm ki ti annan, mon pa asire lo *figures* egzakt, mon ava rod sa klarifikasiyon enn pti moman. And mon ava pas laparol avek *PS* ava donn ou larepons. Mersi.

### **MR SPEAKER**

Mersi. PS Wi.

**PS ANGELIQUE ANTAT**

Thank you Chair. Mersi Onorab pou ou kestyon. Sa programm ki nou apel li *Fund for African Private Sector Assistance* in ganny donnen par AfDB e I ganny divize an 4 konponan. Premye konponan I pou amelyor bann oportinite pou bann pti e mwayen antrepriz e sa I ganny zere par nou departman atraver Departman *Blue Economy*.

E li in ganny *allocate* 100mil Dolar. Dezyenm konponan I annan pou fer avek *R and D, technical capability and setting up of* sa *DTI* ki nou fek koz lo la. Li I ganny zere par *NISTI* e in ganny li 205,000 Dolar atraver AfDB, e Gouvernman I bezwen fer kontribisyon 95,000 Dolar. E *NISTI* in deza already met bokou resours finansyel pou sa kontribisyon.

E konponan 3 I annan pou fer avek formasyon. Apre pou nou enkilke sa kiltir lantreprenarya. E sa I ganny zere par Departman kot nou e sa in ganny 280,000 Dolar. E parey mon'n dir I ganny zere ver Departman *Blue Economy*.

E I annan en konponan nimo 4 ki *project coordination, oubyen project management*. Sa I ganny zere par - Departman *Blue Economy* e, li in ganny 125,000 Dolar e Gouvernman

I bezwen fer en kontribisyon 105,000 Dolar. E an tou I fer sa 1milyon, kot kontribisyon AfDB I 800,000 Dolar e Gouvernman I 200,000 Dolar.

**MR SPEAKER**

Mersi. Minis ou pou ...?

**PS ANGELIQUE ANTAT**

Apre pou klarifye I annan 9 manm lo *Board NISTI*. Thank you.

**MR SPEAKER**

Mersi. Onorab Loze.

**HON JOHAN LOZE**

Mersi Mr Speaker. Mr Speaker, mon'n vwar dan nouvel ki *NISTI* zot in ganny kado en *3D Printer* si mon pa tronpe? I annan bann *websites* parey... [amputeecoalitiong.org](http://amputeecoalitiong.org), [enablinthefuture.org](http://enablinthefuture.org) avek [3Dprintnih.org](http://3Dprintnih.org) ki *National Institute of Health*, Lanmerik, zot fer *available free editable designs online pour prosthetics;- 3d printable prosthetics be it lanmann, lebra, lipye, lazanm it's freely available 3D printable prosthetics*. Sa I enn.

Dezyenm, ou annan ou sa *greater maker community out there*, ki bann dimoun ki involve dan *3D printing*, ki zot osi zot fer *available* en kantite *blueprints*.

Enn ki mon kapab nonmen ki annan *practical use*, I annan enn ti *doodad* ki ou met anba ou *mask*, ki zis donn en pe zistans ant ou nennen, ou labous avek sa *mask disposable*. E sa I en keksoz ki *3D printable* li osi.

Mon kestyon mwan, eski *NISTI* zot santi ki zot kapab entrodwir sa teknolozi, demokratiz li, fer li *available*, edik nou pep lo son *usefulness*?

E fason ki I kapab ganny itilize, ki nou osi Sesel nou kapab *foster* en *maker community*? E nou kapab annan bann landrwa parey kot *Rehab Centre*, mon krwar I apele laba, kot nou edik sa bann marmay.

Ki dan plas kontinyen edik zot dan fason tradisyonnal pou fer protez, posiblement zot osi laba dan North East Point anmenn zot dan sa novo fason fer, sa lemonn teknologik, kot nou a var vwar zot pe *print*, *3D print* bann *prosthetics* ki *workable* zot osi? Mersi Mr Speaker.

### **MR SPEAKER**

Mersi Onorab. Minis Wi.

### **MINISTER DEVIKA VIDOT**

Mersi Mr Chair. Mersi Onorab pou ou - pa neseserman ou kestyon, me plito ou sizesyon ki ou'n met devan nou.

Byensir nou *welcome* bann lespri koumsa.

An se ki konsern sa *3D printer*, mon pa tro okouran sirkonstans ki sa ti ganny donnen avek Minister.

E ki ti son bi or whether sa ti ganny donnen dan from en *Grant* or donasyon ensidswit. So, pou sa CEO I a kapab donn en pe plis leklersisman lo la. Me ki mon kapab dir, se ki Gouvernman e lafason ki nou pe fer keksoz I se ki, nou pe sey, nou dan en laliny kot resours pou ganny *allocated* dan bann landrwa, kot nou vwar kot I annan sa pli bon potansyel, sa pli bon lenpak.

So, si sa fason ki ou'n sizere I ava en fason kot nou arive pou achieve sa, then definitivman sa I en keksoz ki nou a viz anver. Mon ava pas laparol enn pti moman avek CEO, ki ava donn enn pti pe plis leklersisman. Mersi.

### **MR SPEAKER**

Wi mersi. CEO.

### **CEO XAVIER ESTICO**

Mersi Minister. Mersi Mr. Onorab Loze. Mersi pou sa, mon krwar sa I en sizesyon valab. E dan sa sirkonstans I mon retournen pou dir sa *printer* dan son lobzektif, ki nou pou kouver tou bann teknolozi emerzan. Li I en teknolozi emerzan.

Nou pa pe entrodwir li zis pou sa. I dan nou *STEM programme* ki I annan en ledikasyon pou edike sa bann zanfan konman zot ganny ekspoze e konpran sa teknolozi.

Wi sa I en demann ki nou ti fer avek Profeser Cummings, *John Hopkins University* e li son laboratwar inn fer nou kado sa masin ki'n ariv kot nou lannen pase. Me parkont nou ti fer serten fas teknik ki nou ti bezwen son lasistans ek son laboratwar. *Remote* li pou nou kapab kalib re sa masin.

Letan nou'n al piblik sa masin I pe fonksyonnen. I vre I byen ki ou dir akoz I kapab *3D print* bokou lobze e prototip. E nou, nou pe dir vi ki nou annan en sel masin nou bezwen met li dan nou lespas.

Lobzektif fondamantal dan nou *BTI* pou annan en lespas *make a space* ki zenn I kapab vini aprann sa masin, konn servi li e osi servi li pou fer bann prototip ki zot kapab met dan zot biznes.

Parey bann *craftsmen*, zot anvi vvar en keksoz an *3D* I kapab fer prototip, I byen I bokou dan zafer bann ki ou'n mansyonnen pou bann reabilitasyon. Me pou le moman nou annan enn.

Si apre I annan lezot antreprenor zot anvi entrodwir sa masin zot deza, nou la pou, nou konnen mannyer pou

mannye li e nou annan osi kapasite pou siport sa teknolozi.

Permet mwan pou en minit pou retrous kot Onorab Naidoo. Nou *NISTI* zafer ki zot in, sa sityasyon *QR code* sa, sa lontan nou'n entrodwir. Sa in vin atraver pa ni menm *NISTI* se atraver en zanfan seconder dan nou *Innovation Challenge* ki ti anmenn sa lide. Nou'n siporte en *reader*. Nou'n entrodwi sa dan *NISTI*, e nou'n nepli servi sa.

Nou'n entrodwir sa kot *Vice-President's Office*. Nou'n entrodwir li kot *President's Office*. E la granmersi ki *DICT* in met li, in atomiz li atraver aplikasyon. I annan bokou plis prodwi servis *digital* ki *NISTI* in entrodwi ki piblik pa *aware*, akoz nou pa pe fer piblisite.

Nou travay dir dan *background*, pou siport bokou bann lezot organizasyon al ver bann sistenm ki nou develop. Menm *SIB* nou annan en *Customer Research Management* ki nou'n entrodwir, e sa ki pe ed *SIB*. Nou pe fer en kantite louvraz dan *background*.

Nou annan en lot sistenm ki apel *ABS*, *Access Benefit Sharing* ki nou pe develop. Nou'n ganny larzan avek *UNDP* pou fer sir ki Sesel pa perdi son bann benefis. Akoz letan sa site I kapab *track*

tou bann keksoz, ki sorti dan ziridiksyon Sesel.

Nou'n develop en sistem *e-commerce* pou bann fermye. Nou'n anmennen pou ganny finance. I annan en kantite prodwi ki nou pe fer *NISTI* avek nou lekip ki nou annan la, ne Selman kekfwa nou pa'n kapab met a laporte piblik. Mersi.

### **MR SPEAKER**

Mersi CEO. Onorab William.

### **HON WAVEN WILLIAM**

Mersi Mr Chairman.

Mr Chairman, mon ti a kontan demann avek *CEO*, par lefe ki mon war ki zot Bidze pe ganny koupe par 1.5milyon, eski sa pou permet zot *achieve* zot lobzektif, lobzektif *NISTI*? E mon lot pwen se ki par lefe atraver entervansyon ki Mr Estico in fek dir la, eski zot pou pibliye e fer konnen pep Seselwa kwa ki zot pe fer?

Akoz lenformasyon ki ou pe donn nou la, sa lenformasyon I pa a laporte piblik la, e ki demars zot pe fer pou fer sir ki pep I ganny lenformasyon?

Mon dernyen kestyon Mr Chairman, se ki mon anvi koz lo latab 5 lo performans. Mon anvi si *CEO* I kapab klarifye enn pti pe, letan I pe koz lo "*the number of successful commercialized ventures per year?*"

Ler mon regard zot target pou 2020, eski sanmenm tou ki zot gannyen? E mon lot kestyon I "*number of incubates reaching commercialization per year,*" dan konbyen? Esaki zot annan en kantite ki zot gannyen prezan sa sif zot donn nou? Lo ki fason zot baz sa bann sif?

Akoz pou nou I enteresan, akoz nou pe vot lo Bidze, anmenn tan nou pe demann nou lekor kestyon se ki *what exactly is happening* dan sa bann sekter? Letan zot met sa bann kalite lenformasyon lo presizyon lo vreman ki travay pe ganny fer. Esaki I annan en kantite? Vwala ki zot kapab realize baze lo resours ki zot gannyen? Mersi.

### **MR SPEAKER**

Mersi Onorab. Minis, wi?

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Ankor mon anvi zis fer resorti, pou dir an liv avek sa restriktirasyon. Par egzanp mon adres ou trwazyenm kestyon dabor epi *CEO* a adres lezot de. An se ki konsern sa bann *KPIs*, sa bann *outcome indicators* tousala pou sanze anliny avek sa novo stratezi ki nou pe vin avek.

Me petet ti a bon pou mon fer resorti a sa pwen ki sa

I parmi enn bann rezon akoz mon santi ki *NISTI* - Gouvernman in realize ki *NISTI* I bezwen ganny restriktire e vin anba Minister, pou ki nou donn sa lenportans e nou kapab viz sa bann resours, anver bann keksoz ki *attainable*, ki *achievable*.

So, nou pe fer sa dan laliny pou kree lefikasite. *And better utilization of bann resources*, parske dan *NISTI* I annan en tim dimoun ki annan en kantite dimoun ki *very skilled*, bann *expert* dan zot domenn, ki *lacking at ministerial level*, so nou bezwen sa.

E le bi se ki nou pou arive ede pou *achieve* bann target ki'n ganny *set rather, then I pa pe* ganny *attain*. Mon a pas laparol avek CEO brefman pou li fer sa de kestyon.

### **MR SPEAKER**

CEO, wi.

### **CEO XAVIER ESTICO**

Mersi Minis. Mersi Onorab William. Wi pou vizibilite ki nou pe fer kekfwa nou pa'n fer ase, nou realize akoz ki I fer, nou ganny en lartik I sorti dan zurnal, nou al lo televizyon piblik I blyie. Me keksoz letan I reste nou isi nou'n develop en *website*.

E lo nou *website* tou sa ki bann aktivite zot kapab swiv lo nou *website*. I

*www.nisti.sc*. Nou *website* in lanse, nou'n pran en pe letan pou *build* sa *website* e in lanse dan dernyen *quarter 2020*.

E nou ankor pe kontinyen *corporate* pou met lenformasyon lo la. I annan en kantite keksoz ki'n nou'n fer kekfwa ki'n nou pa'n kapab fer piblik konnen. Swa si I sorti dan *NASYON*, I sorti dan zurnal zot vwar Estico. Me selman pou kit sa lenformasyon, sa *trail of information* nou *website* I sa *platform*.

E kote bann *incubate* nou'n met serten *KPI*, me Selman par kont parey nou dir nou *BTII* en keksoz depi 2016 ki nou ti'n anvizaze, I en nesesite I annan. Me si ozordi ou demande I pa'n annan - nou pa'n oule al ladan. In annan *delay* pou serten rezon ou bezwen lespas.

Lespas I pa'n konsistan dan *NISTI*. Nou'n komans en landrwa nou'n bouze Bel Ombre. Letan nou pe al enplimant sa lespas, lefe I vin en *emergency* pou lekol nou bezwen sorti. E rezilyans *NISTI* enn an nou'n nobou kit *NISTI* ansanm travay *from home* atraver teknolozi.

Nou'n osi fer en *case study* syantifik pou servi leksperyans ki nou'n partaz avek Minister Lanplwa, bann Polisi si demen I annan sa posibilite travay *from home*.

E la ki, e menm letan nou ti ganny sa nou'n rod larzan pou met dan *incubator*, nou ti ganny 9 milyon.

Letan nou'n sorti Bel Ombre zot in pran sa 5 milyon nou'n re debourye pou ganny sa larzan anba ADB. La nou annan en lespas. La nou kapab mezir nou bann *KPI* akoz nou kapab dir konbyen in antre. Konbyen nou'n sivre ansan komerlizasyon.

Me selman parkont dan sa lespas menm konmsa, nou'n *accommodate* serten bann dimoun ki'n ven kot *NISTI*, ki'n nou'n esey ede pou *cubate* zot nide ki I annan ki'n ven *successful*.

Nou pa kapab *drag* lo sa. Nou kapab pran en lalis fer ariv kot Lasamble. I annan dimoun ki deza pe komans komersyalize avek nou sipor. Mersi.

### **MR SPEAKER**

Mersi. Wi Minis.

### **MINISTER DEVIKA VIDOT**

Mersi Mr. Chair. Onorab eskize mon realize mon pa'n adres ou premye kestyon *in regards to budget cuts*. Ki'n arive se ki sa lespas ki ti pe ganny *rent by NISTI* okour lannen pase ti pe kout en sonm environ 150mil par mwan.

Alor sa lannen nou'n fer sa *shift* kot *NISTI* la I aprezan

pe lwe en lespas pli bon marse. Se pou sa ki ou war en in fer en gran rediksyon. Epi akoz sa *shift* nou pe ganny bann *savings* ankor ki ale ansanm avek sa. Mersi.

### **MR SPEAKER**

Mersi. Ou bezwen klarifikasyon Onorab?

### **HON WAVEN WILLIAM**

Mr Chairman, mon anvi par lefe ki nou pe koz larzan e nou konnen la pe koupe, eski zot annan en fon, koman en *Trust fund* ki dizon en dimoun prive I kapab kontribye ladan pou siport zot? Eski zot annan ... pe mazin dan sa direksyon ouswa zot pa pe fer sa pou le moman?

### **MR SPEAKER**

Mersi Onorab. Minis.

### **MINISTER DEVIKA VIDOT**

An se moman mon pa okouran okenn fon petet Minister Finans I kapab siport mwan enn tip e lo la. Me mon okouran ki ti annan en *Innovation fund* ki ti *available* oparavan, me an ski konsern en dimoun prive pe fer en kontribisyon, sa petet mon bezwen lasistans Minister Finans pou donn enn ti pe leklersisman lo la. Mersi

### **MR SPEAKER**

Mersi. PS ou ti a kontan azoute.

### **PS DAMIEN THESEE**

Bonzour Mr Chair, tou Manm Onorab. *Currently* sa ti zis en *operational administrative fund*. I pa'n ganny kree anba okenn *act as such*. So I *purely operational*. So, si I annan lentansyon ki nou aksepte donasyon *then it needs to be formalized*. Be selman *PFM Act* depi nou'n reviz li an 2012, nou pe demotize *creation of* sa bann kalite fon konmsa *as much as possible*. So, mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Mr Chair. Bonzour Mr Chair. Bonzour Minis. Bonzour PS, CEO tou Manm Lasanble, tou dimoun ki pe ekoute.

Mr Chair, si mon memwar I servi mwan byen, an 2015, *NISTI* ti ganny konsevwar e ti form parti Minister ki ti apel *Ministry of Industry, Entrepreneurship Development & Business Innovation*.

An 2016 an realizan *cross-cutting nature of science and technology* dan nou bann sekter, *NISTI* ti ganny *elevate* e ti ganny mete anba biro Vis-Prezidan, zisteman pou kapab fer ki lasyans ek teknolozi I

*permeate* dan tou bann sekter nou pei, sekter lekonomi.

La nou war li pe tourn en divizyon dan en Minister, dan en departman. I pou nepli en lenstiti mon sipoze. *CEO* - kestyon pou *CEO*, eski ou santi ki sa I en progresyon pou sa lorganizasyon ki ou'n *head* depi o komansman?

Dezyenm kestyon, mon tin ganny en konpran ki *NISTI* I sipoze annan en pe plis *link* avek Liniversite Sesel. Eski ki sa I pou le ka? Eski sa bann louvraz resers ki zot pe fer eski I pou *fit in* byen dan Liniversite Sesel, kot mon pa ankor tro konpran, koman *applied research* dan Liniversite Sesel I dekoul dan nou bann diferan sekter ekonomik?

Trwazyenm kestyon, eski, ki bann progre *CEO* ou'n war depi nesans *NISTI* petet ou'n koz en ti pe lo la, me selman spesifik bann progre ki ou'n war *NISTI* in kapab anmennen, an term lasyans ek teknolozi dan diferan sekter enportan nou pei an zeneral? Mersi bokou Mr Chair.

### **MR SPEAKER**

Mersi Onorab. Wi *CEO*.

### **CEO XAVIER ESTICO**

Mersi Onorab. Ou premye kestyon striktirasyon *NISTI* I bouze, en desizyon ki Gouvernman in pran e I annan *statement* nou Minister, ki'n

fer kler ki lenportans lasyans ek teknolozi, I zwe dan sa moman enportan. Nou realize ki nou dan en moman kritik e transformasyon e kreasyon larises I fondamantal pou nou sorti kot nou ete.

Lefe ki nou retourn anba Minister, I pa en progre ouswa en mars aryer. I adres en nesesite nasyonal. Lasyans, teknolozi I deservi. E si nou an dyalog akoz nou pou sorti en *standalone* nou pe vini, nou pe adapte. Minis in fer resorti ki I rekonné potansyel *NISTI*, sa *skill* ki I annan, sa bann ekspertize pou li *channelli* dan son Minister.

E nou, nou pe travay ek Minis pou nou kapab *deliver*. I en prosesis. I annan en kantite keksoz pou aziste *along the way*. Me selman mon krwar lantant I tre enportan. Se lantant, korperasyon, sinerzi I tre enportan.

E enn keksoz ki nou'n ganny en pe difikilte avan se sa, ki mannyer nou entegre? Akoz ou konnen nou annan en latitud en pe ki dan nou kiltir, se nou apel sa bann *silo*.

Letan ou pe vini I mon domenn. Pa vini ou. Me nou'n fer bokou progre avek bokou sekter par egzanp, lagrikiltir. Nou'n develop sa sistem pou fermye. Nou'n koz ek son Minis. Minister Lanvironnman, ou koman

Minis, mon konnen ou'n korpore avek nou, ki nou'n entrodwir atraver ou menm. Arive prodwi teknolozi pou redwir polisyon dan prodiksyon sarbon. Ou konpran?

E ou konnen nou'n dir bann lalyann anvaisan olye les li dan lafore, nou kapab servi teknolozi ki transform sa bann lalyann anvaisan an valera-zoute. E nou'n ganny sipor Lanvironnman. Nou'n kapab travay avek Minister Lanvironnman.

Dan letan *COVID* nou'n al travay avek Minister Lasante pou develop bann aplikasyon pou *contact tracing*. Be la anba Minister, Minis avek son pouvwar politik, ek son *clout* parey nou dir, I kapab ed nou pou nou cross sa laliny kot nou ti ganny difikilte pou entegre. Ou konpran?

Nou menm nou tousel nou gannyen en pe difikilte pou entegre. Ou konpran? Par egzanp menm nou ek *DICT*, ou konnen linovasyon san lenformatik nou pa kapab arive fer. Be nou bezwen kapab ki mannyer nou kapab fer nou travay pli byen avek *DICT*.

Akoz nou osi nou pe fer bann sistem *digital*, ki konmsi I annan sa lentegrasyon. Sesel ki I manke, I mank sa sinerzi. E

mon krwar anba direksyon Minis I la pou ed nou penetre e osi vin pli efikas.

Dezyenm pa kot liniversite, definitivman resers I vast. Nou relasyon ek liniversite in develop li. Liniversite I fer bann formasyon akademik, e bann etidyan I fer bann resers akademik. Ki nou tou nou fer. E sa - Nou en zenn liniversite, me dan tou liniversite I annan sa konponan ki apel *academic freedom*.

Sa etidyan I annan sa drwa swazir son *area research* ki li I anvi fer. Me nou *NISTI* koman nou pa akademik nou *focus* se ki bann - nou ankouraz bann resers aplike ki al direk dan lendistri. E kote nou fer?

E sa I en gran mankman. En gran mankman. Si ou demande, I annan kapasite pou resers ek devlopman Sesel? I pa gran.

E nou *NISTI* pou nou kapab konpran kote nou ete, nou'n fer en odit tou laboratwar. Akoz resers bokou I fer dan laboratwar. An 2018 nou'n montre ki kapasite nou annan. E I annan bann antreprenier ki anvi prodwi valer pli azoute.

Me kote I pou fer? Ki kapasite? E kot kapasite I manke nou *NISTI* nou'n deza fer bann Bilateral parey Sid Lafrik ou a kapab al fer sa

bout valer-azoute e ou konpran, pou donn valer sa prodwi pou ariv lo en marse pli eleve.

Nou'n fer bokou travay dan *background* mannyer nou pou entegre valer - sa bann lasenn valer ki ou pa kapab fer Sesel. En legzanp kler letan I met en *ban* en restriksyon lo eksportasyon *kernel*. Ki kantite kapasite sa bann antreprenier I annan pou transform sa *kernel* pou bann valer pli azoute?

Nou *NISTI* nou donn sipor. Ou pa kapab fer bout Sesel, kote ou ale ou fer? Kote ou gannyen? Sa nou siorte. I annan ozordi ki'n al deor pe retourn sa prodwi dan lekonomi. Se sa bann lyen ek lenstitisyon lokal.

Me kot I manke nou deza pe ouver laport, pou al pli devan dan la rezyon kot apre, nou osi kapab ede avek bann, nou'n entrodwi nou avek bann lasosyasyon dan *SADC*; par egzanp bann madanm dan biosyans.

Ozordi zour I annan bann madanm ki al partisip dan sa programm ki pe met prodwir lo kosmetik. Nou'n travay avek liniversite, nou'n fer formasyon bio, nou apel sa *phytomedicine*. *NISTI* I liniversite *SBS*. E tou bann *herbalis* Sesel, bann dimoun ki fer prodwi plant I annan sa teknik pou fer

transformasyon. I annan ki'n servi sa e ozordi, zot pe met prodwi kosmetik lo *market*. E se sa ki nou oule kontinyen ranforsi. Mersi.

### **MR SPEAKER**

Mersi CEO. Onorab Hoareau.

### **HON JOHN HOAREAU**

Mersi Mr Chair. Mr Chair mon kestyon I sivre ki'n ganny demande lo *building*. Anfen, mon rekonnet ki dizon bann pei parey Langlet pou zistans ki zot in arive ozordi *in terms of* vin en pei develop, zot in pas atraver bann staz *industrial revolution* an 18enm syek.

E sa I annan bann lenstitisyon ki'n *spearhead* en pe bann devlopman teknolozi, bann devlopman aplikasyon teknolozi osi.

So Sesel pou nou al pli devan nou bezwen serten inovasyon, serten devlopman teknolozi ki ganny mete a laporte sirtou lendistri. Alors an relasyon ek sa ki mon pe dir, I neseser ki *NISTI* I annan li en laboratwar permanan pou fer son bann *trial*.

Eski, Mr Estico ou pe fer demars an se moman ki ou kapab ganny en landrwa permanan, ki ou kapab annan en laboratwar permanan pou ou kapab anmenn sa kalite demars syantifik, pour ki a benefisyé nou lendistri lokal?

Dezyenmman Mr. speaker, Mr Chair, an se ki konsern bann *diaspora* ki mon konnen a aletranze zot annan en *vast amount of knowledge outside of Seychelles* sirtou bann dimoun parey Profeser Cummings ensidswit. Ki nou pe fer? Oubyen ki zot pe fer pou kapab anmas en pe sa bann resours ki sa bann *diaspora* I annan, pou fer dekoule en pe dan nou teknolozi isi Sesel e dan nou devlopman pei?

Trwazyenmman, mon ti a kontan konnen, Mr Estico, an se ki konsern *Innovation Hub* avek programm *OASIS* ki zistans zot arive lo la? Si ankor sa lannen pou annan ankor keksoz dan sa laliny? Mersi.

### **MR SPEAKER**

Mersi Minis lekel ki pou komanse?

### **MINISTER DEVIKA VIDOT**

Mersi Mr. Chair. Mersi Onorab pou ou kestyon. Onorab, an se ki konsern ou premye kestyon, petet ti a bon pou mwan pou eksplik enn pti git dan ki laliny nou pe sey ale an se ki konsern linovasyon.

E rol ki *NISTI* ki la, I pou en Divizyon dan Minister, ki rol I zwe anver kominate biznes dan Sesel. So, lide se pou promouvwar sa bann

*thinking* an term laboratwar ensidswit.

Me parey ou konnen Gouvernman I annan limit resours ki I annan. So, nide se ki pou ankouraz e montre lakominote biznes poudir ki annan sa mankman. E sa I en landrwa kot zot kapab *venture in*.

So, sa I pou plito e nou pou ankouraze sa I kapab ven en keksoz prive, sorti dan sekter prive plito ki Gouvernman I angaze ladan.

E *by virtue* ki I pou en keksoz prive I pou anmenn bokou plis devlopman dan sa sekter. An se ki konsern *diaspora* mon'n koz en pe lo *Scheme, SIB* ti la.

Byensir sa I enn bann benefis ki nou ekspekte gannyen *through* sa *Scheme*, an menn tan avek bann envestisman – nou bann diferan lenvestisman ki sa bann dimoun I kapab anmenn a laporte Sesel.

Zistans kot proze *OASIS Innovation lab* in arive, ankor sa I bann keksoz ki bann proze ki nou bezwen revwar. La ki *NISTI* I vin en divizyon, nou bezwen revwar sa bann proze parke, eski la I annan sa nesesite pou nou fer li?

Sa I bann keksoz ki, I bann konversasyon, bann dyalog ki nou pe fer, diskite. Parske nou bezwen fer sir ki sa fonksyon ki *NISTI* pe fer anba

sa Divizyon anba Minister I ed nou *achieve* lobzektif of Minister. Mersi.

### **MR SPEAKER**

Mersi. Kekfwa, wi CEO oule azout keksoz? Fer li bref silvouple.

### **CEO XAVIER ESTICO**

Tre bref mon a adres kestyon Onorab Hoareau. Wi lo kote lespas laboratwar, nou'n realize en mankman dan *RMB*. Akoz Sesel SBS I fer son manda standar akreditasyon e meteorolozi.

Minister Lasante I annan laboratwar pou fer sir ki tou keksoz ki ganny prodwi I *fit for consumption*. Be sa dimoun kan I pe develop son prodwi kote I ale I teste, toulezour I aziste.

Nou ti'n fer provizyon letan kekfwa ti vizite nou ti montre dan sa *building* I annan en lespas ki nou'n ti'n idantifye. Be si ou napa en lespas pou fer laboratwar, ou napa sa kapasite pou *build* kote ou pou fer?

Par egzanz Minis in dir ki sekter prive. I annan prive ki pe fer zot laboratwar, me pe servi zot prop, par egzanz I annan *Animal Feed* zot annan zot prop laboratwar.

Me selman nou bezwen osi pou ou arive konekte avek sa revolisyon endistriyel, ki nou apel *fourth industrial*

*revolution*, nou fer gran zefor ki nou ferm sa *gap*.

Be sa pou ven desizyon Gouvernman pou fer klima yer nou ferm sa *gap* ek resours ki nou annan? Nou ki nou'n fer antretan se ki, sa *gap* ki'n ouver, la nou pe sey form li avek kolaborasyon dan rezyonal ek bann laboratwar ki kapab siport nou.

Bann antreprenier I struggle ek zot prodwi, akoz I pa arive a sa oter ki I pou kapab achieve sa kalite.

Dezyenmman, *diaspora* nou depi 2016 nou pe *capture* bann *diaspora*, ki kapab ed nou e Profeser Cummings I en legzanp kler ki annan 3an ki I pe travay ek nou. Ozordi in fer nou, in travay ek nou group zanfan ki fer *robot*. I pe ed nou avek *3D printing*. Nou osi annan en liniversite ki annan en Profeser Berlouis ki'n vini zot anvi travay, zot anvi al dan *renewable energy*.

Nou pe gete, I annan *Doctor Shamlaye, Zurich University* lo *Material Science*. I annan en *diaspora* ki kapasite pou enkli *STEM* dan ledikasyon e fer zot konekte. Nou *search* sa bann *network*. Akoz en *diaspora* parfwa I pa pou kapab etabli li Sesel. Me *remotely* nou kapab servi li.

Me osi *OASIS* ti osi en proze kot I en *soft landing ground*. *OASIS* zot vini travay ek en group Seselwa, zot en

Profeser, zot ale me selman sa bann *skill, knowledge* I reste.

*OASIS* in ganny stranded akoz in zis bann proze ki lo papye, me napa finansman ki'n vini.

Nou *partner Finland* in sey de fwa pou sey *raise funds* dan *EU*. Me akoz I an deor *EU* I pa pe vini. Nou *NISTI* nou annan bann bon nide nou'n mete ki ekosistennm.

Si nou ti'n pouse sa stratezi *NISTI* 5an, ozordi nou ti bezwen pe *reap* serten *benefit*. Me la I letan pou nou dir e ki en lenstitisyon lasyans, teknolozi, eski I pou pouse ki Sessel I pa tonm deryer dan sa *Industrial Revolution?* Se sa ki nou bezwen gete. Mersi.

### **MR SPEAKER**

Mersi CEO. Onorab Ghislain.

### **HON CHANTAL GHISLAIN**

Mersi Mr Chair. Bonzour tou dimoun. Bonzour Minis avek ou bann delegasyon e tou dimoun a lekout.

Mr Chair, letan mon'n ekout bann larepons k pe ganny donne, mon pe vwar ki *NISTI* pe konsantre avek zanfan lekol *and all*.

And nou tou nou konnen ki nou bann zanfan in ne dan en letan, kot preski tou keksoz I nimerik oubyen *digital* parey nou familye avek. Depi pti bann zanfan I fasilman e zot

vreman doue avek manipil preski tou keksoz *gadget* nimerik, e zot konn sa koman zot 10 ledwa.

Mon kestyon I ki fason ki *NISTI* I kapab servi talan nou bann zanfan dan domenn nimerik, pou vreman e reelman develop nou kapasite nou bann travayer?

Dezyenmman, ki fason ki *NISTI* I kapab ede ouswa eski zot annan kapasite pou ede dan kreasyon en bon *platform* pou laprantisaz e lanseyman vertyel, ki tou zanfan Sesel, pe enport son sityasyon ekonomik son fanmir, sa zanfan I kapab ganny akse fasilman avek?

E apre mon trwazyenm kestyon I annan pou fer avek nou lafors travayer vreman ki dan domenn tourizm, ki la pli par sa bann biznes zot pa pe fonksyonnen, ouswa zot war zot pe al mor, ki *NISTI* kapab fer ouswa I pe fer?

Eski zot annan kapasite pou antre ladan, pou kapab sanz sa latmosfer dizon pou fer sa bann novo biznes *renovate* e ed zot pou vin avek bann novo nide, e nide inovativ pou kapab an menm tan ed pei diversifye dan zot bann aktivite ekonomik? Mersi.

### **MR SPEAKER**

Mersi. Minis, wi.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. *Basically*, ou trwazyenm kestyon mon pou abord li premye. Se egzakteman se vizyon ki nou annan pou *NISTI* avek sa Minister.

Se esansyelman, espesyalman dan sa moman kriz, nou santi ki resours I merit ganny *allocated* avek, to bann *capacity building* redonn a laporte bann biznes.

Gid zot dan bann fason fer, donn zot bann ransennyman, fer bann *fairs*, bann ledikasyon esansyelman, pou kapab fer sa bann biznes kapab debout lo zot menm.

E I osi annan en lapresyasyon teknolozi ki nou bezwen fer zot ganny en konpran. Fer zot konpran benefis teknolozi I kapab anmennen dan fer biznes. I annan parey mon'n mansyonnen yer, *increase* zot prodiksyon, ki I a fer ki I annan en *direct impact* lo zot profi.

Redwir kou ki atase avek *running* zot bann loperasyon. Sa osi I ava ede avek fer monte zot profi. So, esansyelman sa I sa bi prensipal dan sa *merger*.

An se ki konsern ledikasyon, menm parey sa langazman ki nou pou fer pou lantreprenarya. Ou konnen

lantreprenarya, ou pa pou kapab koz sa mo lantreprenarya san pe mansyonn linovasyon.

So, nou annan en programm ki viz ver ledikasyon pou bann zenn, pou komans a en tre zennaz. E sa nou pou partner avek Minister Ledikasyon, pou nou pran sa programm pou nou enkorpor li dan *curriculum*. E nou vreman kontan Minister Ledikasyon I *very pro-active* an se ki konsern teknolozi.

E si I annan sa, e mon konnen ki Minister Ledikasyon pou le moman I pe travay lo sa *platform* parey ou'n mansyonnen pou *virtual learning*, E si I annan sa mankman I bezwen sa sipor definitivman nou pou pare.

E mon plis ki sir ki nou annan sa kapasite pou assiste li. E kot nou pa kapab, nou napa sa kapasite isi lokal nou a annan sa bann koneksyon bann *network* ki *NISTI* in etabli, avan nou a kapab rod led enternasyonalman pou sa. Mersi.

### **MR SPEAKER**

Mersi. Onorab Romain.

### **HON GEORGE ROMAIN**

Mersi Mr Chair. Bonzour Minis ek ou *panel*. Mon'n ganny sans swiv *NISTI* enn ti pe lo medya e mon'n war Mr Estico letan pe donn *interview*.

E mon pou mwan, mon war zot en departman ki enn ti pe enteresan, akoz zot la premyerman pou promouvwar resers dan teknolozi e osi siport inovasyon dan pei.

Alors mon annan 2 kestyon pou Mr Estico, CEO. Se ki mannyer zot evalye zot efikasite dan sa ki zot fer? Apre mon dezyenm kestyon kwa ki mezir sikse zot programm? Mersi Mr Chair.

### **MR SPEAKER**

Mersi. Minis oule pas laparol avek Mr Estico. Wi.

### **CEO XAVIER ESTICO**

Mersi Mr Chair. Mersi Onorab Romain. Mersi pou lapresyasyon ki ou'n swiv nou. I vreman en kestyon, wi ki mannyer nou. Ou premye kestyon, ki mannyer nou mezir? Evalye nou sikse? E dezyenm? Ki programm? Ok? Wi par egzanp pou ou mezir ou sikse fodre ou kapab annan bann paramet ki ou kapab mezire. Ou konnen? E bann *KPI*.

Nou vwar dan nou bann plan stratezik kekfwa ki nou kapab fer a laporte, annan bann *KPI* ki nou'n dir nou programm pou fer sa.

*NISTI* I tre striktire. Si zot ganny akse avek nou Polisi lasyans, teknolozi ek inovasyon ki tre, tre byen fer. Savedir nou annan bann

paramet 2016-2020 ki nou oule *achieve*.

Par egzanp dan resers ek development en *KPI* ki nou mezire, nou mezir ki kantite poursantaz ki ou envestir dan resers ek devlopman *as percentage of GDP? Eh?*

Linovasyon, ki mannyer nou'n mezir linovasyon e sa I en keksoz ki nou'n fer formasyon opre omwen 25 Seselwa, ki annan sa kapasite *statistic* e nou, nou fer sa *bi annual*.

Par egzanp nou premye nou ti fer an 2017 e si nou ti demann dimoun Sesel ki kantite nou *GDP* I ale dan resers ek devlopman? Personn pa ti pou kapab.

Nou'n arive ozordi *quantify* sa. Prezan sa nou kapab dir I annan en *benchmark*. Pa pou *benchmark* li akoz nou bezwen. E mon kapab donn en legzanp. An 2017 Sesel ti envesti R128milyon dan, *as part of GDP* e sa ti reprezent 0.38poursan.

Me lefe ki nou'n siny *Protocol SADC*, I pe demann Gouvernman dan *SADC* met 1 poursan par 2020. Ou war nou mankman. Lekel ki'n arive dan lafrik? Personn. Sid Lafrik I 0.7, Lezip I 0. Nou, nou pe ale.

Be Selman nou kapab dir Gouvernman kote nou met sa larzan dan resers ek

devlopman. Me pa zis mete, me kote son lenpak I ete?

E nou kapab mezire. Linovasyon osi parey. Nou kapab mezir linovasyon Sesel akoz nou annan en paramet ki nou'n idantifye. I dan nou sa. Apre nou programm pour ki mannyer nou kapab pous linovasyon Sesel I baze lo, zanmen nou pou fer linovasyon Sesel, si nou napa en sistem linovasyon nasyonal ki fonksyonnel.

En sistem linovasyon nasyonal se tou dimoun - I en ekosistem sa lyen ant lakademik, bann sistem finans, tou bann akter ki vin, e nou'n fer en pa.

Nou'n apros *UNIDO* depi 4an pase e nou'n anmenn zot Sesel zot in fer en *mapping*. E sa *mapping* sa I pou ede pou ou kapab develop en *metric*. Demen ki mannyer ou dir sistem linovasyon Sesel ki lefikasite? Nou annan bann sistem paramet pou mezir li.

Me Sesel nou napa sa kapasite. Letan *UNIDO* in vini in dir be si ou pou fer sa, en *country assessment*, I dir I pou kout ou 46mil Dolar pou ou kapab fer sa. Be nou ale nou dir 46mil Dolar I desizyon Gouvernman.

Si nou pa met en sistem Nasyonal inovasyon an plas, pou annan en pti *bump of innovation there*, enn pti *bump there*. I pa pou bon. Ozordi

nou *neighbor* Moris I montre nou en sistem linovasyon nasyonal. In diversifye son lekonomi.

Menm *COVID* in vini inn sorti depandans lo touris, lo *textile*. Rwanda ozordi I en landrwa kot in diversifye son lekonomi, akoz son sistem inovasyon nasyonal in ganny *mapping* I kapab mezire.

Cape Verde, nou pou ganny kit deryer, akoz nou pa pe ale dan sa direksyon. Letan nou'n fer sa nou kapab mezire tou paramet, e osi sa bann paramet I a lenfliyans Polisi nasyonal isi lo linovasyon. Mersi.

### **MR SPEAKER**

Mersi. Mersi CEO. Onorab Uranie.

### **HON ROCKY URANIE**

Mersi Mr Chair. Bonzour Minis avek ou delegasyon, tou koleg Onorab e Digwa ki a lekout. Annefe CEO ou'n reponn enn mon bann kestyon pli boner dan larepons ki ou'n donnent.

Me mon vwar anba ou “*current challenge*” ki zot pe ganny difikilte pou fer lasyans, teknolozi linovasyon pa ganny apresye dan devlopman sosyoekonomik Sesel, akoz mon krwar I pa dan nou kiltir. I en keksoz en pe novo. Ki egzakteman zot pou fer pou ede sirmont sa *challenge*?

Mon lot kestyon. Vi ki La Digue nou tre lwen, nou vreman bezwen sa bann nide inovatif pou nou kapab ede diversifye keksoz. Eski lekol La Digue I deza lo zot azanda, an relasyon avek sa programm *STEM*? Oubyen zot pou bezwen espere ziskan ler sa programm I ganny entegre dan *curriculum* Minister Ledikasyon?

Apre zis an pase petet mo ti a kontan ganny ou lopinyon lo la *CEO*. Mon'n swiv bokou programm enternasyonal kot inovasyon teknolozi in antre. E mon'n vwar sirtou Lanmerik kot *truck drivers* I perdi travay, bokou dimoun I perdi travay avek inovasyon ki antre.

Eski ou krwar I devret annan en balans ant inovasyon avek la tous imen dan sa bann domenn? Mersi Mr Chair.

### **MR SPEAKER**

Mersi Onorab. Minis lekel? Ale.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Mon a komans par reponn kestyon nimero 1. Set egzakteman sa ki nou pe esey fer par met *NISTI*, par enkorpor li dan Minister.

Nou pe esey donn linovasyon sa lenportans ki nou pe vwar I pe make pou le

moman. So, nou pe, *in essence* nou pe vwar sa koman en promosyon e I pou *tie-in* avek lobzektif ki Minister I annan pou pei.

Esansyelman sa I pou enkorpor ledikasyon ki nou pou bezwen fer avek lakominote biznes. E nou kote Minister, nou annan sa resours e nou annan sa *avenue* pou nou kapab lans sa kanpanny lo sa lanpler, ki petet *NISTI* pa'n kapab kima yer I ti pe *operate* oparavan koman lazans.

So se sa langazman ki nou annan pou promouw war linovasyon teknolozi dan biznes. E alors nou panse ki *this is the best way forward* esansyelman.

An se ki konsern programm *STEM* si I pe enkorpor lekol La Digue, byensir komunikasyon avek Minister Ledikasyon, nou a regarde lekel lekol ki nou pou kapab atase avek dan limedya.

Me selman mon panse ki I *already* i annan louvraz ki *NISTI* ti pe fer avek serten lekol. Me petet La Digue pa ti form parti. Avek sa kolaborasyon Minister Ledikasyon la nou a kapab formil en plan.

Me byensir nou pa pou kapab les nou bann zil ganny kit deryer. Parey mon'n fer resorti yer prezans Minister lo Praslin I en *move*, en pas anver

rekognisyon ki Praslin, La Digue I annan son lespas, I annan son lenportans dan nou lekonomi.

Pou trwazyenm kestyon, parski sa I enn ti pe relye, enn ti pe *analysis from* en dimoun ki plis dan sa domenn. Mon a pas laparol avek CEO pou reponn ou trwazyenm kestyon. Mersi.

### **MR SPEAKER**

Wi CEO.

### **CEO XAVIER ESTICO**

Mersi Mr Chair. Mersi Onorab Uranie. La Digue en? La Digue pou al vit lo la. Lekol La Digue pa'n ganny izole avek nou *STEM program*. An realite mon konn son *Headteacher* Mr Madeleine, Nou'n fer komunikasyon. Nou'n menm pa les La Digue reste deryer letan pou enkorpor zot lo *Team Seychelles*.

E mon ti tre enpresyonnen avek bann etidyan La Digue, letan zot ti ven dan sa *selection process*. Zot vreman a laoter, konmsi at the *forefront of technology*.

E sa mon krwar letan pli ou elwanye lo enn pti zil, pli ou pous ou lekor pou reste an kolektivite. Nou pa'n arive fer en, nou'n anvoy, nou'n deza fer en lentere pou ouver zot *STI club* ki nou'n fer lo Grand Anse Praslin segonder.

Me selman mon mazinen ki Mr Madeleine I annan serten keksoz ki I ti pe adrese. Selman nou pa pe bliy zot.

Aprezan lo kote sirmont bann *challenge*. Mon krwar si nou pran La Digue koman enn ti ekosistem I en loportinite kot nou kapab war ki La Digue I kapab demontre bann keksoz ki kapab marse avek linovasyon, apre *replicate* li. Akoz I fasil.

E nou deza annan ban proze ki menm nou pe diskit avek SFA;- par egzant kominate peser La Digue pou teknolozi pou zot ganny *ice* e sa nou pe al prezant ek zot.

Par egzant oli gro problemm *ice* Sesel se kou *utility*, delo elektrisite. Nou *NISTI* nou pa reste la nou, nou travay lo, nou panse, nou anmenn teknolozi. Savedir bokou delo ki nou bezwen I dan ler. I annan teknolozi ki nou kapab tir sa delo dan ler, pa bezwen tret li, servi sistem *solar panel* pou konbin sa de teknolozi fer *ice* pou peser.

La Digue I landrwa teste bann teknolozi koumsa. Si I marse ou kapab *replicate* akoz I en ti popilasyon.

E plizyer lezot *challenge*, touris nou pa pe trou arive. Me selman nou deza an dyalog avek Minister ek *STB*, ki zot osi pe al dan restriktirasyon, se ki zot enterese avek sa konsep *OASIS*.

E zot vreman kontan sa konsep *OASIS*. Akoz la ki *STB* in entrodwi sa sistem *Workation* in lavantaz ki *OASIS* I kapab parey nou dir “*ride on the back*.”

E sa bann dyalog ki nou bezwen ale. Akoz? Sa ki pe vin *Workation* li I pe vin travay dan en lasanm lotel. I pa pe kre valer akoz li I pe *manage* son zesyon biznes laba. *OASIS* lefe nou ti'n met li Bel Ombre I ansanm avek *DPI*.

Zour sa dimoun I vini, sa ki nou apel bann *digital nomad* ki pe rod en landrwa pou zot anmenn zot konesans' zot antre dan en ekosistem ki zwenn diferan Seselwa.

Zot kapab kree diferan solisyon ki Sesel I a gannyen e nou kapab eksporte osi. Ou konpran? Se sa model ki la, nou bezwen re konekte avek *STB* ki nou servi lavantaz sa *Workation*, tou sa bann benefis sa bann dimoun I kapab benefisyé si nou ganny siper ki nou pouz sa proze.

Apre lo kestyon enterfes teknolozi avek *automation*. Si ou pe get sistem developman Sesel nou *very manual*, konman ou dir, *manual intensive* lendistri. Tou keksoz I mannyel. Nou pa dan bann lendistri ki *automate* eksepte *Brewery* ki *automate* en pe. Nou fer blok, menm *IOT*.

Me selman si demen nou kapab servi sa bann *skills* pou

*automate* bann process, kekfwa premye lenpak ki pou annan redwir annan nesesite annan bann *labour* etranzer, ki pou fer sa bann louvraz I a ganny ranplase par teknolozi.

Me parkont si nou sistenm ledikasyon I donn *the top notch* ledikasyon, nou a servi sa konesans Seselwa pou li kree bann gran valer ek zot konesans.

Savedir lavenir se ledikasyon ki konekte zot avek bann teknolozi emerzan ki zot vin *sharp* e I pou ede atir en pe envestisman. Akoz Sesel e bann keksoz *manual*. Nou a gete ki mannyer nou pou anmenn *automation* gradyelman. Mon pa war sa pou vin en problem a limedya, *medium term* e *long term*. Mersi.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Chairman. Mr Chairman mon annan zis en kestyon senp pou Minis.

Minis an relasyon avek sa remanniman ki pou annan avek *NISTI*. Mwan mon toulstan konsernen bann dimoun ki pe travay dan sa bann lorganizasyon.

Eski anba sa remanniman, lefe ki nou pe vot Bidze parey I ete ki sipoze kapab kouver bann

*emoluments* bann *remuneration* bann *staff*, eski Minister pou annan redeployman oubyen bann dimoun pou kapab gard zot lanplwa? Sa I kestyon pli pertinan ki mon annan Mr. Chairman. Mersi.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. An se ki konsern bann *staff*, esansyelman striktir pou reste en pe menm parey. I pou annan *staff* ki pou ganny re deploye, me vreman minim. Sa I plito bann *staff* administrative, vi ki I tonm anba Minister menm. Nou already annan bann *staff* ki pe deserve sa bann rol.

E I annan mankman sa bann *staff* dan lezot departman, alors zot pou annan posibilite al dan sa bann Departman. I pou annan sanzman an term *staff members* lo li menm.

Parske pou le moman I annan de *staff* etranze ki pe travay avek *NISTI*, e nou bezwen fer sir poudir ki I annan en *understudy* ki vin avek sa bann dimoun, pou fer ki sa bann etranzer anliny avek Polisi Gouvernman.

Nou bezwen fer sir nou *rip* sa bann *benefits* e nou

kapab ranplas sa bann pozisyon par bann Seselwa. Mersi.

### **MR SPEAKER**

Wi Onorab.

### **HON SEBASTIEN PILLAY**

Mersi Mr Chairman. An relasyon avek sa bann etranze, eski ou kapab dir nou lefe ki nou annan plizyer Seselwa pe develop - ki pe montre lentere dan sa bann domenn. La nou fek war en *APP* ganny lanse par en lakonpannyen Seselwa, devlope par Seselwa, kan eski zot anvizaze pou fer antre sa bann potansyel, sa bann dimoun ki annan sa bann *knowledge* dan *NISTI*? Mon pe adres Minis akoz sa I o pwennvi Polisi.

An relasyon sa *APP* ki'n ganny lanse sirtou lo sa size pandemik ki nou ladan. *Contactless payment*, dan bann sa pe ganny promote. Eski ou Minister pou servi *NISTI* dan plas *focus* dan en kantite lezot keksoz *focus* lo sa de *area*, ki pli pertinan *right now* pou nou kapab ganny en solisyon? Mersi.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab

pou ou kestyon. Annefe, en lot bann rezon ki'n pli pou nou pou fer *NISTI* ganny restriktire pou met anba Minister, se akoz difikilte ki *CEO* in eksprimen kot I pa ti pe ganny *staff* travay avek li. Zisteman akoz zot pa ti pe atire pou vin travay avek *NISTI*.

E alor se pou sa rezon ki inn eksprimen ki I ti bezwen rod bann travayer etranze. E alor ek sa *move* nou pe *hope* ki sanmenm I ava redonn sa lelan, redonn sa lenportans inovasyon *STI* dan pei e ki sa bann zenn letan zot ava vwar ki lenportans Minister pe atase avek teknolozi.

E nou konnen ki I annan en kantite zenn la deor ki enterese dan teknolozi, ki zot ava ganny sa *push* pou zot *apply* pou sa bann pozisyon.

I annan serten travay ki *already* pe ganny fer avek Minister Lanplwa, pou regarde si annan an se moman bann dimoun ki kapab antre, dan sa bann pozisyon.

E byen sir I bezwen annan en period tranzisyon parske sa bann dimoun in vin avek zot ekspertiz, alor nou bezwen fer sir ki nou *retain* sa bann ekspertiz. Parske ti napa person ki ti pe *understudy* zot.

So, nou bezwen fer sir sa I ganny konsevwar e sa bann dimoun a ganny ranplase. Esansyelman sa I bi. Mersi.

Apre ou ti nonm mwan lo *focus* resours. E *as part of* restriktirasyon, *NISTI* son bann fonksyon nou anvizaze fer sir ki I ganny *focalize*. Sa vedir I pou bezwen *focused*. So, ki I *achieve* son lobzektif. Mersi.

### **MR SPEAKER**

Mersi. Onorab Georges.

### **HON BERNARD GEORGES**

Mersi Mr Chair. Mr Chair mon konpran nesesite pou annan en *Research and Development institution* dan en pei. Mon konpran. Me zis parey mon pa'n zanmen konpran mannyer ou kapab annan en latroup kiltirel nasyonal, ki tonm anba en departman, olye les dimoun zot menm develop zot kiltir dan en fason endepandan.

Mon annan difikilte konpran ki mannyer *NISTI* koman en lazans oubyen koman en Departman Gouvernman, I annan en rezon det ki pa lye avek en sekter ki li fer son *R and D*.

Mr Estico, *CEO*, in donn nou legzanp Moris. I vre Moris I annan en *sugar institute* ki byen koni atraver lemonn. E I devlop lenerzi atraver bagas. In *Innovate* bann keksoz.

Sa ki mon ti a kontan ozordi antann se premyerman akoz ki nou krwar *NISTI* I pou kapab fer *Research and*

*Development* dan sa striktir ki I ete? Akoz ki I neseser? Olye les sa bann sekter zot menm fer zot *R and D*?

E dezyenmman donn nou en legzanp en keksoz ki *NISTI* in devlope pandan son legzistans? Ki I kapab montre nou e dir lala bann *success stories*, en bann prodwi ki in arive devlop ki'n benefisye nou pei? Mersi Mr Chair.

### **MR SPEAKER**

Mersi Onorab. Minis ou a komanse.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon vreman enteresan. An se ki konsern sa lorganizasyon ki nou pe met *NISTI* anba Gouvernman, se esansyelman pou fer ki nou kapab etabli *framework* pou promouw war resers ek devlopman dan lendistri.

Nou pe sey *move away from* sa laspe kot nou pe donn sa manda *NISTI* pou li al fer. Plito ki nou pe al fer, ki nou anvizaze fer se santraliz bann aplikasyon kot resers I ganny fer. Parske dan Sesel an se moman, I annan en kantite resers ki pe ganny fer me napa en landrwa santralize ki pe monitor sa bann resers.

An plis ki sa I napa en landrwa ki pe, pou dimoun kapab vini tir sa bann

lenformasyon e make very good use of them.

Parey mon'n mansyonnen pli boner, I annan en kantite resours naturel kantite resers ki'n ganny fer otour sa bann resours, selman napa okenn valer komersyal ki'n kapab ganny retire avek sa.

An plis ki sa ou ganny bann lenstans kot I annan serten endividji or group I vini I conduct resers Sesel apre zot ale avek sa lentelizans e Sesel pa pe benefisyé avek komerlizasyon.

So, nou pou travay fortman avek Departman Lanvironnman an ski konsern bann resers resours naturel.

Me an menm tan sa lankadreman I pou viz anver resers dan tou lapse, dan tou domenn, tou sekter. So, nou ava annan en bon rikord lo ki resers ki pe fer dan pei a okenn moman.

An se ki konsern success stories, petet sa I osi kwa k'in nous nou pou fer sa restriktirasyon. Rezon se ki letan monn fer konversasyon avek NISTI pou ganny en konpran byen ki zot bann manda ensidswit, mon'n aprann ki I annan en kantite en bann programm ki zot in develop, me ki zanmen in arive ki in ganny met an aplikasyon.

E se la ki mon'n vwar be la, I ti annan en dekoneksyon

between kwa ki zot, zot ti pe fer, kwa ki vreman bezwen pei ti annan.

So, mon pe panse avek, mon pa pe panse, me mon anvizaze avek *involvement* Minister, avek sa *push*, sa sipor ki Minister pou donn li. E sa pozisyon ki I pou ete, nou pou kapab vreman ganny en konpran etabli *what are the needs*.

E NISTI ava act lo la rather than pe depans bann resours, pe servi bann resours, pe ale pe fer diferan programm. Zot envestir en kantite ladan me a lafen dizour I pa ganny realize. Mersi.

### **MR SPEAKER**

Mersi. Avek sa mon a apel Manm pou vot lo Bidze pou *National Institute of Science & Technology Innovation*, ki lo paz 613 ziskan 618 pou en total R4milyon 626mil. Manm ki an faver lev lanmen silvouple? Mersi. Tou Manm in vote. I annan okenn ki kont? Mersi.

Mersi Madanm Clerk.

Bidze pou *Seychelles Institute of Science & Technology Innovation* lo paz 613 ziskan 618 pou en total R4 milyon 626mil in ganny 31 vot pour, 0 vot kont e 1 abstansyon. Alor Bidze in aprouve par Lasanble.

Avek sa mon a dir bann Manm mersi e osi mersi delegasyon sorti kot *NISTI* e mon swet zot bon sikse dan zot bann resers e programm ki zot develop. Mersi bokou e mon a swet zot bon depar. Nou a rezwenn 11er.

**(BREAK)**

## **SEYCHELLES ENTERPRISE AGENCY**

### **MR SPEAKER**

Nou pe pran Bidze *Enterprise Seychelles* e zofisyé sa *agency* ki'n zwenn Minis ek *PSI Chief Executive Officer* Angelic Appoo e *Accountant* Ursula Marengo. Bidze pou *Enterprise Agency Seychelles* I lo paz 588 ziskan 592 pou en total R8milyon 703mil. Minis mon envit ou fer lentrodiksyon.

### **MINISTER DEVIKA VIDOT**

Mersi Mr Chair. Mr Chair, yer mon'n koz en pe lo lobzektif Minister e parmi mon'n nonm en pe prodiksyon lokal e lanfaz ki Minister pou mete lo la. Parey ou konnen nou *balance of payments* sa I enn ki dan pa mal difikilte an se moman.

Akoz pei I depan en kantite lo lenportasyon e kou lenportasyon pe kontinyen ogmante parske lefe ki to lesanz in annan lo sa. E an plis ki sa nivo eksportasyon I

pa sitan lo sa nivo, lo sa oter ki pe aport sa kantite benefis avek pei.

Alors I enn bann lobzektif sa Minister pou fer sir ki nou pe angaze, fortman angaze pou nou fer en lenpak pozitiv lo *balance of payments* pei. Setadir promouwwar prodiksyon lokal dan manze. e dayer. E plis ki sa promouwwar leksportasyon nou bann prodiksyon.

E sa I enn bann lazans ki pou zisteman asiste pou nou kapab *achieve* sa lobzektif. I *already* dan son manda. In deza pe fer en pe sa an se ki konsern pti e mwayen biznes. E mon a envit Ms Appoo pou li fer en *brieflentrodiksyon* lo zot travay. Mersi.

### **MR SPEAKER**

Mersi. CEO.

### **CEO ANGELIC APPOO**

Bonzour Chair. Bonzour tou manm *MNA* e tou dimoun a lekout. Lazans Antrepriz Sesel ti ganny etabli an 2018. I responsab pou etabli bann *Policies* e stratezi Gouvernman an relasyon avek bann mikro, pti e mwayen antrepriz.

Bidze sa pou 2021 I 8.7 milyon. Nou Bidze in redwir par 1.7milyon konpare avek 2020 pou reflekte lefikasite ki lazans pe mete dan son loperasyon, par redwir bann depans relye avek *printing* ek

*stationary, netwayaz, kou elektrisite e menm aste lekipman.*

I osi annan rediksyon dan kontra pou serten servis ki nou pe *outsource* pou le moman;- enkli dan *allowance* dan Komite Seed Capital Grant e *Board ESA* ki pa pou la sa lannen.

Dapre vizyon nou Minister nou lobzektif ki Minis in nonmen yer bomaten, in kreasyon larises e kreasyon lanplwa dan pei. E sa I annan en gran rol pou zwe dan sa vizyon.

E sa I an term transformasyon. Sa transformasyon I vin an 3 laform. Enn transformasyon lokal pou ariv lo nivo eksport. Transformasyon sa antreprenier li, menm an term donn li bann formasyon e ledikasyon dan bann size tel ki;- linovasyon dan biznes, lanmenazman finans, *marketing*, kreativite e lezot ankor.

E trwazyenm transformasyon sa biznes li menm kot nou war li pe grosi I sorti mikro I vin pti, sorti ti I vin mwayen e mwayen I vin *large*. Mersi.

### **MR SPEAKER**

Mersi nou a komans avek entrevansyon nou bann Manm. Onorab Loizeau.

### **HON NORBERT LOIZEAU**

Mersi Mr Speaker. Bonzour Minis ek ou delegasyon. Mr Speaker mon anvi demann CEO depi sa antrepriz in ganny formen depi 2018, I annan bokou bann dimoun ki'n ganny asiste finansyerman pou zot kapab finans zot ti biznes.

Mon anvi demann CEO alors, eski I annan en swivi pou vvar konbyen ki'n *successful* atraver bann ti *loan* ki zot ti pe gannyen, atraver ki'n pas atraver *ESA*? Konbyen in *successful* ziska a prezan?

Apre mon dezyenm kestyon, I annan sa bout anler kot bazar *Selwyn Clark* I tonm anba *ESA* sa non? Mon krwar, mon panse. Sa bann artisan ki vin vann zot bann prodwi la. Sa I zis enn ti konsern mon anvi met devan ou. Konmsi ki zot lagreman la anler pou zot okip sa *space*?

Eski zot lagreman I pou zot vann anndan ouswa ranpli koridor partou, ki aprezan I anpes bann ki en pe pli deryer dimoun pa vini kot zot? Akoz mannyer zot ranpli sa koridor I en dezord total. Donn mwan en pe nide si zot sipoze ranpli koridor ouswa zot sipoze vann anndan? Mersi,

### **MR SPEAKER**

Mersi. Wi Minis lekel ki pou adrese? CEO wi.

**CEO ANGELIC APPOO**

Mersi Chair. Mersi Onorab pou ou kestyon. Premyerman, lo kote lasistans finansyel, pare you konnen ti annan sa *Seeds Capital Grant Scheme* e sa ti vin anba *ESA* an 2019 pou la premye fwa. An 2017 ek 2018 I ti anba Departman.

Pou 2019, parey lagreman I dir ki apre 6 mwan, nou oblize vin fer en *monitoring* en *evaluation* lo ou *Grant* ki ou'n gannyen. Eski ou'n servi li byen? Eski ou'n servi li dapre sa lagreman?

Eski ou pe donn nou tou ou bann *invoice* tou bann dokiman finansyel, tou bann *proof* ki ou'n servi ek sa *Grant*?

An Septanm 2020 nou ti zisteman fer sa. Kot nou ti kontakte tou sa bann kliyan ki'n benefisyen. Nou'n fer en *monitoring* e *evaluation* lo zot. Total aplikasyon nou ti resevwar an 2019 I 193. Total aplikant ki ti benefisyen I 95.

Lakantite *interview*, kontak ek bann aplikant I 77 e I annan 18 aplikant ki nou ankor pe sey kontakte zot e alor sa I fer 95. Lakantite benefisyen ki ti donn lenformasyon parsyel I 29. Savedir in donn bann evidans.

Lakantite benefisyen ki pa ankor donn evidans zot depans I 43.

Lakantite benefisyen ki pa ankor servi sa *Grant* I 4. E lakantite benefisyen ki pann servi sa *Grant* dapre zot aplikasyon I 1.

So, nou, nou ankor pe fer bann swivi avek sa bann aplikant kot nou pe kontinyelman *follow-up* lo zot e nou'n *submit* en rapor preliminer avek nou Minister, me I ankor pe ganny *update*, an mezir nou ganny lenformasyon, pou nou kapab *submit* avek nou Minis. Mersi.

**MR SPEAKER**

I ti annan en dezyenm pwen.

**CEO ANGELIC APPOO**

Eskize. Lo kote bazar *Selwyn Clark*, *ESA* napa okenn lagreman pou la anler, akoz bazar an antye I ganny manage par *SAA*, *Seychelles Agricultural Agency*. Mersi.

**MR SPEAKER**

Mersi. Klarifikasyon wi Onorab.

**HON NORBERT LOIZEAU**

*CEO*, dapre ler zot ti pe donn sa bann ti *loans* la, bann ti biznes, dapre zot *license*, spesyalman bann ki pe fer aste revann, tonm anba zot sa. Dapre lenformasyon se ki zot annan zot zis 5an pou zot fer aste revann zot *license*.

Apre 5an si zot ankor pe fer sa zot *license* pou ganny terminen.

Akoz apre 5an zot sipoze ganny en laboutik pou zot. Mon anvi demann ou konbyen parmi ki'n reisi sorti lo sa nivo aste revann, pou zot ganny zot laboutik *license* ki laboutik zot pe vann ladan? Mersi.

### **MR SPEAKER**

Mersi Onorab. CEO wi.

### **CEO ANGELIC APPOO**

Mersi Onorab. Bann *street vendors* letan ti etabli sa programm 'Leve Debourye', se la kot zot ti ganny kree, bokou zot e zot ti ganny demande pou al rod en *wholesale license* avek *Licensing Authority*. So *license wholesale it is for five years and renewable*.

Me an konsern sa kestyon spesifik ki ou pe dir, mon pa okouran ki sa zafer ki zot ti pou ganny arase zot *license, or* pa ti pou renouvre. Akoz napa en *Clause vreman* dan *License* ki dir sa anba *wholesale*. Me nou *ESA* nou annan en lalis tou sa bann *street vendors* ki ti anrezistre anba sa programm 'Leve Debourye', ti annan 39 zot an tou.

E nou travay lo sa lalis kot Gouvernman ti met sa proze kiosk ki ti pou orizinalman kot *Bois de Rose* obor *hypermarket*, me I pa ti

materialize laba, akoz zot pa ti ganny permisyon. Sanmenm sa ki nou'n bouze lo *ex-Playground* ki I en *property* ki nou pe *manage* an se moman.

Alor la nou'n nobou donn 15 zot en plas pou zot *operate* e sorti dan lavil. Sa pou tir en pe presyon dan lavil e osi ban konzesyon ki pe koze an se moman.

Nou annan ankor lezot proze pou asiste zot, me tousala I depan lo resours finansyel ki nou gannyen. E si I annan bann lezot proze ki *ESA* pe al enplimante sa lannen ki pou ed bann artisan ek bann biznes dan bann distrik. Sa I enkli en proze Anse Royale e enn Praslin Cote D'Or. Mersi.

### **MR SPEAKER**

Mersi CEO. Onorab Michel Roucou.

### **HON MICHEL ROUCOU**

Bonzour M. Chair. Bonzour panel. Welcome panel, Minis. Welcome Ms Appoo, en zanfan Mont Fleuri. Mr Chair mon kestyon I al koumsa pou CEO. CEO mon ti ganny sans pou attend handing over lakle kiosk, sa 15 kiosk la kot *ex-Playground*.

Mon anvi konnen eski I annan en larzan ki'n ganny mete anba Bidze pou kontinyen met bann facilite

pou bann dimoun ki pou deserve sa bann ti kiosk la?

E eski zot pe fer provizyon ki larestan ki pe vann dan Lari Bazar pou zot bouze la ki a atrakte plis bann kliyan zot vin la dan plas desann anvil li menm li?

Mon dezyenm kestyon, eski zot pe mazinen pou bouze bann aktivite ki zot fer, desantraliz li dan bann distrik osi ki a donn sans petet bann dimoun petet, ki annan bann lezot keksoz pou vann, parey bann dimoun ki fer vini keksoz *online* zot osi?

E apre mon trwazyenm kestyon *CEO*, ki *ESA* pe fer pou li kapab promot plis son bann, ou kapab dir, son bann plan avek bann dimoun ki petet antre dan pti biznes, pou konn en ti pe lo zot bann *Grant* li menm li ki bann Seselwa I a konnen.

E ki sa I a anpeste ki bann etranze - Akoz nou war bokou etranze pe antre pe ven konpetisyon nou bann pti Seselwa ki anvi fer biznes. Ki zot plan pou fer ki sa pa arrive? Mersi Mr Speaker.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr. Chair. Mersi Onorab pou ou kestyon.

Avan mon pas la parol avek *CEO* mon ava fer enn de ti

remark epi I a ava donn plis detay.

An se ki konsern plan ex-*Playground* sa I en keksoz, ti annan en plan ki ladministrasyon presedan ti'n travay lo la, me I pa ti ankor ganny finalize. E alor avek nouveau Gouvernman sa I en keksoz ki nou pe revwar.

So I an diskisyon an se moman. E nou a sorti formelman avek lanons en pe pli tar. An se ki k konsern kwa ki *ESA* pe fer pou promot son bann plan?

Langazman ki nou annan anvi nou stratezi, vizyon ki nou annan pou pei, nou pou angaze dan en ledikasyon piblik vreman agresiv, ki pa pou zis montre ki kapasite ki *ESA* I annan pou ofer.

Me osi pou fer sir ki fonksyon *ESA* I enn ki ganny persevwar par tou dimoun. Akoz an se moman ki I annan en persepsyon ki *ESA* I regard zis bann pti biznes e I pa pe - e setou.

Letan ou nonm *ESA* ou pe mazin *crafts* ensidswit. Me I annan en travay ki pou ganny fer pou vreman sansibiliz dimoun lo louvraz ki *ESA* I fer. E konzwentman avek *SIB* nou pou fer sir ki rol sa de antite I ganny vreman *streamline*.

E piblik e lakominote biznes I ganny en konpran rol

*SIB*, rol *ESA* kot I komanse kot I fini, kot lot I komanse e kot lot I fini. Mersi. Mon ava pas laparol ek *CEO* pou li reponn ou bann lezot kestyon.

### **MR SPEAKER**

Mersi. *CEO* pou adres bann lezot pwen.

### **CEO ANGELIC APPOO**

Mersi Mr. Chair. Mersi Onorab. Lo *ex-Playground* wi I annan en Bidze R150,000 ki'n ganny *allocate* sa lannen pou nou kontinyelman *improve* sa fasilité. E osi bann kyosk, fer sir ki nou met bann fasilité par egzant lalimyer.

Nou'n osi demann fasilité pou sekirite, *improve sitting facilities* e menm *bin site more*, pou ki nou *improve* sa landrwa li menm e fer sir ki I lo en standar;- enn pti pe pli meyer ki I ete ozordi. So, sa I dan nou plan pou sa lannen.

E nou pe osi annan bokou vizyon, par egzant kot nou kapab met en bazar lo *ex-Playground*. Nou ti a kontan petet desantraliz sa fonksyon kot bokou dimoun I al bazar *Selwyn Clark*, bokou dimoun I al bazar Roche Caiman e nou ti a kontan war bazar petet lo *ex-Playground* ki nou kapab pli byen servi sa propriete pli efikaman. E sa I dan diskisyon parey Minister in anonse,

Dan lezot distrik, nou'n travay avek bokou zot bann

*MNA* e osi bann *DAs* kot nou'n idantifye bann landrwa potansyel kot nou kapab fer bann proze.

Me selman nou bezwen pran li enn a lafwa baze lo resours ki nou ganny *allocate* e sa I anliny avek kestyon Onorab Adelaide pou Baie Lazare osi kot nou ti menm fer vizit dan Baie Lazare. Idantifye bann *properties* kot nou kapab fer bann proze. E alors dapre resours ki nou gannyen nou a kapab fer bann proze dan bann distrik an mezir ki nou ganny *allocate*.

Lo kote promosyon plan, parey Minis in nonmen pandan sa letan ki mon'n la, nou'n sey bokou pou nou met *ESA* dan latansyon piblik en kantite kot nou'n bezwen kree nou *Facebook page*, aranze nou *website*, kree bann *social media platforms*, kot nou pe *reach* bokou dimoun.

Nou ti napa en *PR*, so nou'n sey fer mannyer nou kapab, me nou pe konstaman pe *update* nou bann paz, pou ki dimoun I kontinyelman ganny lenformasyon lo kwa kip e pase, lo ki bann *Scheme* ki annan, ki bann travay kip e ganny fer, ki bann *training* I annan.

E la mon vreman apresye ki dan nou Minister nou pe ganny sa *PR* ki pe ed nou en kantite. Mersi.

**MR SPEAKER**

Mersi. Wi Onorab klarifikasiyon.

**HON MICHEL ROUCOU**

*CEO* si ou kapab dir nou enn sa kyosk konbyen I koute? E osi ki bann lagreman ki atase avek? Mersi.

**CEO ANGELIC APPOO**

Ok. En legzanp sa kyosk pou bann *street vendors* nou'n mete lo *ex-Playground* I kout 24,500 enn. E parey tou nou bann lezot *tenants* nou pou *allocate* en *lease agreement* avek bann *tenants*. E kondisyon se ki *on the inside* ou *maintain* ou menm. *On the outside the property itself* I responsabilite *ESA*. E *any* lazisteman ou bezwen fer ou bezwen demann nou permisyon.

E nou, nou fer sir ki bann azisteman I anliny, I pa *deface*, en legzanp I pa *deface* sa kyosk li menm. E, me Selman apart sa zot *free* pou *open*. Nou pe met bokou lanfaz sirtou la ki *cruise ship* I rekomanse. Fer sir ki dan *weekend* nou annan aktivite. Zot la pou ede avek *tourism* osi.

E I annan bann kondisyon par egzanp ki ou napa dwa pas sa kyosk lo en lot dimoun san nou permisyon. Akoz I bezwen ganny re-evalye. Parey ou

konnen nou annan en gran lalis dimoun pe espere. So, ou pa kapab zis pran pas lo lot, pas lo lot e sa nou evalye tre, tre pros. Mersi.

**MR SPEAKER**

Mersi. Onorab Lemiel.

**HON SYLVANNE LEMIEL**

Mersi Mr Chair. Bonzour Minis avek ou delegasyon. Anse Royale I enn sa bann distrik ki'n sanse pou li kapab ganny en proze dan *beach park* sa lannen. R2.8 Milyon ki pou ganny partaze avek Cote D'Or.

Pou benefis dimoun Anse Royale ozordi mon ti pou kontan si *CEO ESA* I donn detay lo sa proze li menm. Eski son plan in fini ganny fer?

Akoz Anse Royale nou annan nou en *Development Committee* ki *CEO ESA* ti form parti sa Komite, akoz i annan diferan proze ki nou ti pe diskite. Me parkont avek *COVID* nou pa'n kapab zwenn.

E in fer ki nou napa plis detay akoz ti ankor dan son letan konsevwar sa proze. So ozordi i ti pou byen ki si nou pou konnen eski sa plan in pare?

Konbyen kyosk ki nou'n deside pou mete dan sa landrwa? Ki laranzman bann zabitan Anse Royale i bezwen fer?

Mon konnen i annan en kantite ki'n fini *apply* e ki bann laranzman ki lezot dimoun ki tande ki pe pase la ki pe deroule dan Anse Royale ki pe al arive dan Anse Royale?

Ki prosedir ki zot bezwen fer pou zot fer aplikasyon pou sa kyosk? Eski i lo en baz *tender* donn nou en pti pe plis sa detay.

E dan sa R2.8milyon, konbyen larzan egzakteman ki pe dedye pou Anse Royale selman? Mersi.

### **MR SPEAKER**

Mersi Onorab. Minis.

### **CEO ANGELIC APPOO**

Mersi Onorab. Mersi Chair. Proze Anse Royale nou pe *dedicate* 2.3milyon anver li baze lo nou bann *internal costs estimates* ki nou'n travay lo la.

Plan in pare fek pare, *Planning Authority* in submit a plan kot nou swivan bann kontribisyon ekstra ki nou'n gannyen. E nou pe al prezant sa plan avek nouveau *Cabinet of Ministers*, pou zot ganny en apersi lo kwa bann devlopman ki pe vini.

E swivi sa nou pou rod laprouvavyon avek *Development Committee* kot Minister Finans, pou ki nou kapab enplimante.

Proze li menm i konpri 9 kyosk ki annan 3 artizanal, 3 ki nou apel *beverage snacks* e

3 kyosk manze. I osi konpri en *public toilet* e facilite *parking*, facilite bin salte e netwayaz e lalimyer ki pou ganny mete lo site li menm.

Nou proze pou baze akote nouveau *Fire and Service station* ki pe ganny konstri an se moman. Savedir i pou lot kote semen e non pa lo lans.

So nou pou *once* nou ganny laprouvavyon tou le neseser nou pou fer *tender* premye pou konstriksyon.

Akoz nou anvi ki sa konstriksyon i al lo en baz *open transparan*. E *once* ki konstriksyon in preski pare pe al lo staz finisyon, nou pou met nou pou ouver *tender* pou bann aplikan ki enterese pou ganny bann kyosk.

So nou pe fer li *open* kot nenport ki zabitan, ou menm nenport artizan nenport ki dimoun i enterese pou ganny en kyosk, ki kapab *apply*, *tender*. E nou pou annan en Komite ki pou selekte lekel ki pou ganny bann kyosk. Mersi.

### **MR SPEAKER**

Mersi. Onorab Monthy.

### **HON PHILIP MONTHY**

Mersi Mr Chair. Bonzour Minis avek ou delegasyon. Premye kestyon pou CEO. CEO i annan sa laboutik dan *building Codevar*, ok kot bann artizan ti pe servi ti pe deservi

bann artizan pou zot kapab vann en pe zot bann prodwir.

Dapre konplent ki mon'n gannyen avek serten artizan zot, zot in ganny dir ki sa laboutik pe al fermen e pou reste zis sa enn erport konman en *outlet* pou zot *market* zot prodwir.

E donk zot vwar poudir sa i en dezavantaz pou zot. Donk eski ou kapab elabor en pe lo sa sityasyon e dir nou osi ki pou arive avek sa enn ou de travayer ki dan sa laboutik ki pe al fermen? Ki pou arive avek zot kontra e si sa pa pou en dezavantaz?

Akoz an vi ki sa laboutik *Airport* in ganny dir ki i pti, pti. I pa pran bokou prodwir, *ok*? E apre sa lafwar tou le mwan ki ti fer pou bann artizan zot oule konnen si sa pou kontinyen? Mersi.

### **MR SPEAKER**

Mersi Onorab. Minis, nou al kot CEO. Wi CEO.

### **CEO ANGELIC APPOO**

Mersi Onorab pou ou kestyon. Nou laboutik Codevar i annan en plan ki nou'n diskite kot evantyelman nou pou bezwen *tender* sa laboutik. Akoz, se sa pe *operate* sa laboutik *at a loss*.

Letan ou regarde espesyalman pandan sa dernyen 2an, kot lavant pa parey e sirtou avek rediksyon

tourizm, nou war poudir nou pe *struggle* en pti pe avek sa laboutik.

E alors nou antreprann dan diskisyon avek nou Minister ki meyer fason kot *ESA* i kapab garanti ki sa laboutik i kontinyen fonksyonnen, e an menm tan *ESA* li menm i kontinyen ganny en benefis lo loperasyon sa laboutik.

Alors nou'n dir petet nou met sa laboutik dan lanmen *private sector*. Me selman pou annan serten kondisyon ki pou vin avek met sa laboutik dan *private sector*. Akoz nou anvi kontinyen ed bann artizan. Nou laboutik erport pou reste definitivman nou pou kontinyen.

Me nou pe *devise* en plan lo ki mannyer nou pou kontinyen menm si en *private sector* i pran sa laboutik i kontinyen ed bann artizan. Sa i pou en kondisyon dan sa kontra, *ok*?

E dezyenmman lo bann travayer lo sa laboutik nou'n menm nou'n fini travay lo bann propozisyon lo ki mannyer nou kapab retenir nou de travayer e kote nou kapab *re deploy* zot.

Nou annan sa loperasyon laboutik li menm ki bezwen en administrater *full time* pou travay dan ladministrasyon *ESA* e avek *Accounts* de pros. Pou fer sir ki bann travay

administratif bann finansman bann rekonsilyasyon pe byen ganny fer tou le mwan.

E nou pou servi enn sa bann staff pou vin en administrater. E dezyenm nou lot staff li i pou *rotate to the Airport shop* kot avek bokou *increase flight* ki pe vini nou annan nou zis 3 staffki pe travay *Airport* e zot *shift* i vreman long.

So en *staff* adisyonnel erport pou vreman ed soulaz travay nou bann *staff Airport*. E sa *fair* tou le mwan nou ti'n bezwen arete avek sityasyon *COVID*. Me selman nou pe regarde ki mannyer nou kapab re antreprann li me selman lo en *lower scale*.

Akoz la avek restriktirasyon dan Bidze osi *events* bann gran, gran *events* i pa posib. Me nou kapab fer li lo en pli pti lanpler kot nou pe kontinyen ed bann artizan. Pou servi nou *compound Camion Hall* vin *display* zot prodwir. Vin vann, donn zot sa loportinite pou ganny en *market* dan milye lavil li menm. Mersi.

### **MR SPEAKER**

Wi Onorab.

### **HON PHILIP MONTHY**

Zis en pti remark Mr Speaker. Donk *CEO* ou pe dir nou ki ler sa laboutik pou *tender* e i probableman bann gro artizan

ki pou ganny sa *tender*. Bann pti artizan ki ti pe *market* zot prodwir dan sa laboutik i garanti ki bann serten kondisyon ki zot pou met an plas, zot pou *still* pa kontinyen servi sa laboutik, pou *market* konman en *outlet* pou zot bann prodwir?

### **MR SPEAKER**

Mersi. CEO. Minis.

### **CEO ANGELIC APPOO**

Yes Onorab. Nou garanti ki zot pou kapab kontinyen met zot prodwir. Mersi.

### **MR SPEAKER**

Wi Minis.

### **MINISTER DEVIKA VIDOT**

Mersi Mr Chair. Onorab petet zis pou en pti leklersisman, se sa ladministrasyon sa laboutik li menm, ki ti pe poz en gro lour lo *ESA*. Mersi.

### **MR SPEAKER**

Mersi. Onorab Sandy Arissol.

### **HON SANDY ARISSOL**

Mersi Mr Chair. Bonzour Minis avek ou delegasyon, tou dimoun ki a lekout. Mr Speaker mon kontan letan Ms Appoo in dir poudir Anse Royale zot pou ganny zot kyosk, zot pou ganny zot fasilite *bin site*, zot pou ganny zot fasilite twalet. E sa pou fer lot kote semen kot zot stasyon

SFRSA pou été, dan zot pozisyon stratezik.

Mon kontan Anse Royale pe ganny tousala. Mon ti a kontan demann Ms Appoo, CEO, Mr Chair, an relasyon avek bann madanm ki'n leve debourye, Bel Ombre mon annan en kantite sa bann madanm e mazorite zot i vin vann zot prodwir anvil.

Be letan mon tann ou dir be i annan 39 zot ki anrezistre me selman i annan zis 15 ki'n ganny mete dan kyosk. Mon pe zis demann ou si sa pa pou fer en lenkonvenyans pou fer sa 15 dimoun, ki ganny mete dan kyosk zot tousel lo *ex-Playground* me larestan zot, zot kontinyen vann dan Lavil lo trotwar lo tou kwen lo tou latab bingo. Premyerman?

Dezyenmman mon ti a kontan demann ou an relasyon avek bann kondisyon ki atase avek sa kyosk. Akoz souvandfwa ki nou war, nou war papa dan kyosk e manman li i sorti avek en latab i al lo trotwar vizavi avek legliz selman tousala i menm lakonpannyen, i menm fanmir menm kyosk menm. Si zot pe *monitor* sa?

Eski bann kyosk pou annan osi facilite twalet parey mon'n tande pou Anse Royale. Eski pou Lavil la nou pou annan en facilite twalet pou bann madanm ki pou lavil? E mon dernyen kestyon mon ti a

kontan demann ou, eski i annan en travay ki pe ganny fer parey mon war ou manda i dir?

Eski i annan en travay ki pe ganny fer par ou, ou antite avek Minister Finans ek lezot bann lazans pou sey edik bann madanm ki aste/revann? Sirtou parey nou konnen ozordi pri Dolar in mont en kantite e sa i fer ki bann madanm ki voyaze spesyalman, sirtou bann ki anrezistre, bann ki anrezistre pou fer biznes. Zot pe ganny problemm lo *Airport*, akoz larzan ki zot pe sorti avek ozordi i bokou plis ki zot devret pe sorti avek san realize.

Parske ozordi zis 3mil Dolar dan ou pos i fer ou environ R50mil sote e sa i pa an ankor avek nou Lalwa pou sorti plis ki 50mil. Eski i annan en travay ki pe ganny fer par ou Minister, zisteman pou koz ek sa bann madanm ki'n leve debourye, pou zot kapab ganny sa ledikasyon an relasyon ek tou sa bann zafer ki pe pase, bann Lalwa ki nou fer dan Lasanble Nasional?

Pou ki zot azour avek tousala, pou zot pa ganny problemm an relasyon avek zot bann deklarasyon ki zot fer lo *Airport*? Espesyalman kote zot ale pou deklar zot larzan kote zot ale, pou eksplik tousala pou eksplik tousala pou zot pa

ganny problem? Mersi bokou Mr Chair.

### **MR SPEAKER**

Mersi. CEO wi.

### **CEO ANGELIC APPOO**

Mersi Onorab pou ou kestyon. Premyerman bann *street vendors* ki reste dan lavil or pou retourn dan lavil. Sa i en diskisyon ki nou pe antreprann avek Mer Lavil li menm e Departman Lapolis. Akoz parey ou konnen zot napa permisyon pou zot dan lavil premyerman.

E sa ti en *issue* letan an 2018 zot ti pe ganny dir sorti, sorti. Akoz zot pa merit la e zot ti pe koz en lenkonvenyans pou bann letablisman ki deza la dan lavil. So sa i en travay ki nou pe al nou pe diskite avek Mer Lavil, kot ki fason ki nou pou kapab met en kontrol ek sa.

Akoz an se moman nou'n kapab *provide* 15 facilite e i annan sa bann dimoun so ki, ki mannyer zot, zot pou debourye e kote zot pou ale. So nou bezwen al diskit sa avek bann *stakeholders*.

Dezyenmman kondisyon kyosk kot nou war parfwa bann fanmir ki dan kyosk sa ki *owner* li petet i dan lot landrwa i pe fer lot deboury. Nou, nou regarde an term *ownership of the kyosk*, pa vreman lekel ki pe vann. Me

selman la sa se akoz napa en Polisi, en kriter an ekri lo ki fason nou pou kontrole.

Me la nou'n devlop nou Polisi pou alokasyon landrwa. Nou'n devlop nou Polisi pou nou bann *tenants* e avek laprouvassyoun nou Minister prezan ki nou pou al antre dan sa ledikasyon, lo ki bann ki bann vreman bann strik mezir ki merit annan avek bann kyosk.

E sa pou ede en pti pe lo *monitoring* avek bann *tenants* ki dan bann kyosk li menm. *Toilet* fasilite orizinalman nou ti pe antre an diskisyon avek SSI kot *last year ex-Playground Property* ti ganny divize ti annan en prosedir pou diviz *ex-Playground* an de.

E sa ti pou gard en bout SSI ti pou gard en bout e li i ti pe ganny *the maximum space*. So letan nou'n diskit ek SSI en kondisyon ki nou ti pe mete, se pou zot konstrir en *proper* facilite twalet lo *ex-Playground*.

Akoz nou'n war poudir Bidze i restrikte alors nou pa, pou nou tir en pti pe sa *burden* lo nou, nou ti antre dan lagreman avek SSI kot dan ou proze enkli en *toilet* ki ava fasilit tou *tenants*.

Me la parey nou konnen SSI pe *round* pe *wind down*. So sanmenm sa i osi parti sa diskisyon ki nou pe antreprann avek nou Minister

e Cabinet of Ministers lo ki future of ex-playground. So sa diskisyon toilet osi pou ladan.

Katriyenmman ledikasyon bann street vendors ;- definitivman i nou premye proze ki nou allocate avek nou bann street vendors. So i pou annan bann ledikasyon ki swivi, akoz parey nou'n edik zot sa i zis en konmansman. Me nou le war zot dan 3an, 4an pe grandi kot zot pe bouze, zot pe al dan en fasilite pli gran pli apropriye zot biznes in agrandi in devlope.

So nou pou annan sa swivi avek zot kot nou pe ed zot osi nou pe donn zot plis *training*, pou ki zot agrandi zot biznes zot konn byen lamenazman finans. E pou zot kapab fer sa biznes vin pli, pli gran pli formel dan le fitir.

E osi ledikasyon lo deklarasyon zot osi zot konnen zot bezwen pey taks. Nou edik zot, zot bezwen fer sir zot annan zot *license*, pey zot taks parey en nenport biznes. So sa programm i la kot nou pou antreprann avek zot. Mersi.

### **MR SPEAKER**

Mersi. Onorab Bistoquet.

### **HON ROSIE BISTOQUET**

Mersi Mr Chair. Bonzour Mr Chair. Bonzour Minis ek ou delegasyon. Bonzour tou Onorab. CEO mon pou

demann ou anba ou 'stratezi' mon regarde zot, zot in rekomande ki zot pou fer plis *marketing* ek promosyon pou donn plis loportinite bann pti e mwayen antrepriz.

Me selman anba ou *program 2* mon pe regard Bidze "detailed budget 2020" ou ti annan 1.8milyon75 pou *training* avek *training* targete ek bann *course*. Me selman 2021 mon war ou'n met 1.2 akoz sa, sa bes sa besman? Apre mon ti annan en pe kestyon lo Codevar me mon war i annan in demande. Dan konsernan Codevar bann artizan pe demande, vi ki ou'n fini donn larepons ki pou arive avek sa *building* ?

Bann artizan pe demande akoz zot pa return avek sa lespri korperativ ki ti annan en bon pe letan pase, ki mon krwar zot santi i pou ed zot.

Apre en pti kestyon ankor mon pou fer referans avek Onorab Monthy, ki ti koz lo laboutik *Airport*. Ki nou konnen in deza fermen eski *ESA* i annan lide pou lwe sa laboutik, petet avek sa bann zenn ki deza ki ti pe travay la e ki zot plan? Mersi.

### **MR SPEAKER**

Mersi Onorab. CEO? Minis premye wi.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Mon pou abord premyerman kestyon limero 1 apre CEO i ava reponn ou 2 ek 3.

An se ki konsern sa rediksyon dan, dan promosyon ek *marketing* Bidze. *In line* avek sa louvraz ki nou pe fer pou rod bann sinerzi ki egziste ant bann nou bann antite, ki tonm anba Minister, nou'n war poudir *SIB* i annan plis sa kapasite e sa resours in ganny *allocated* avek *SIB* plis pou li antreprann sa, sa fonksyon *marketing* e promosyon.

E alor se pou sa rezon ki lo kote *ESA*, i pa'n bezwen annan sa, sa kantite parey ti annan lannen pase. Me selman pa vedir ki pou napa promosyon *and marketing*. O kontrer i pou annan lo en pli gran lanpler. Mersi.

### **MR SPEAKER**

Mersi. CEO prezan.

### **CEO ANGELIC APPOO**

Mersi Onorab pou ou kestyon. An azoutan sa ki Minis in dir, rezon pou sa *decrease* li menm dan sa Bidze, se nou ti annan en Bidze pou '*events.*' pou nou organiz bann levensman, ki nou ti annan lannen pase. Me apre ek bann sanzman, e sityasyon pandemik ki'n arive nou pa pe kapab fer bann gro levensman.

Se sanmenm sa kot sa Bidze in redwir, me nou pe focus lo en lot kalite promosyon ki pa bezwen kout bokou. E sa se parey Minis in dir promosyon prodwir lokal. Nou *training* li i dan *business advisory*.

So tousala i *still* an plas. I zis sa konponan levensman ki nou pa pe kapab fer li lo sa gro lanpler, alors ou war en rediksyon dan sa *amount* li menm.

Lo kote laboutik i zis sa laboutik *Artisan Des Iles* ki pe *tender* e non pa tou laboutik dan *Camion Hall, ok?* Me selman nou'n pran an kont sa propozisyon Korperatif akoz nou osi nou anvi relans dan sa laliny.

Annefe pou sa lannen nou'n nou annan en proze kot nou apel '*Reviving Handycraft*' ki nou pou *set-up* en Komite, pou diskrit tou bann *issues* ki bann artizan pe rankontre.

E nou, nou pou form bann konsern, bann propozisyon, bann solisyon, kot nou pou met devan nou Minister lo ki mannyer nou pou travay ek bann artizan pli byen.

E fer sir ki sa lendistri *handycraft* pa mor li menm. So sa i en proze ki pou adres en pti pe sa *issue*, me Korperatif osi nou pe *explore* ladan, akoz i annan bokou

lentere pou nou reviv en Korperatif pou bann artizan.

I deza annan enn, me selman nou pou travay de pres pou anmenn en Korperatif en pti pe pli efikas, kot bann rezulta pe vini.

Lo kote *Airport shop*, *Airport shop* i dan *Departure Lounge*. E sa propriete li menm i ganny *manage* par SCAA. So nou, nou pa kapab pran sa laboutik *Airport tender*, akoz sa i en propriete SCAA. E SCAA letan i annan en lespas vid, li ki met lo *tender* pou ki loportinite pou *operate* sa bann laboutik i open pou *anyone*.

Me selman nou, nou loperasyon lo *Airport* pou kontinyen, akoz nou war sa laboutik *Airport* i anmenn bokou benefis. E i en *market* ki pe ganny akse avek bokou dimoun ki pe *travel*. Menm lokal, menm etranze kot zot servi nou laboutik byen. Mersi.

### **MR SPEAKER**

Mersi. Onorab wi.

### **HON ROSIE BISTOQUET**

Klarifikasyon Mr Chair.

### **MR SPEAKER**

Ale vitman silvouple.

### **HON ROSIE BISTOQUET**

Zot in dir poudir sa *building* ki i en pti vye. Zot pe privatiz li

byento, bann artizan pe demande, eski zot pou *maintain* sa *building* avan, ouswa zot pou privatiz li mannyer i ete? Ou si zot pa pou privatiz li ki mannyer i ete, konbyen letan i pou pran pou zot kapab privatiz li? Mersi.

### **MR SPEAKER**

Mersi. CEO.

### **CEO ANGELIC APPOO**

Onorab zis sa laboutik Artizan Des Iles ki pou ESA ki pou privatize. Larestan i deza bann *outlets* ki pe ganny *rent* avek bann biznes li menm. Nou se sa laboutik *Artisan Des Iles* ki ti anba *management* ESA e zis sa enn ki nou, nou pe antre dan privatizasyon. Mersi.

### **MR SPEAKER**

Mersi. Onorab Vidot.

### **HON AUDREY VIDOT**

Mersi Mr Chair. Bonzour tou dimoun ki a lekout. Mon premye kestyon i pou al pou Minis. Minis ou form parti lekip lo *Cabinet* lo nivo ladministrasyon.

E nou konnen i annan bann distrik kot i annan bann *challenges* ki - I annan serten Manm Onorab in fer resorti lot kote enkli dan mon distrik osi, pe pas parey, kot dimoun i met en pti latab partou dan kominate.

Espesyalman kot bann later ki pou Leta zot bann met zot bann latab, zot vann zot bann prodwir.

E nou konnen i annan diferan kategori prodwir. I annan ki pou tonm an term bann pou bann pti keksoz lokal. E petet atraver ou pozisyon lo *Cabinet*, ki nouvo ladministrasyon pe anvizaze fer pou adrese ki nou annan en serten lord dan sa bann pratik ki pe ganny fer?

Ki anpeste i anmenn en, en problem adisyonnell an term swa an term sirkilasyon trafik, oubyen an term lizyenn bann prodwir ki pe ganny vann? Ki pa afekte sa kominate?

Me nou konnen wi nou pe dir siport nou bann, nou bann dimoun pou zot kapab leve debourye. Me ki lot alternativ pli kourt term, ki tanporerman zot kapab adres en pti pe sa bann defi?

E mon lot kestyon pou CEO, CEO mon apresye lefe ki ou'n, ou'n fer resorti ki i annan serten striktir pou keksoz ki pou ganny fer, pou siport nou bann pti artizan.

E la mon pe mazin de dimoun tre kle ki annan bann prodwir ki kapab anmenn benefis pou pei an term nou lekonomi.

Mon pe mazin Madam Marie Clarisse, Mr Ridley Rose ki zot, zot prodwir bann

keksoz lokal. E i kapab benefisye atraver mon konnen nouvo ladministrasyon pe met lanfaz lo *tourism*.

Petet atraver zot, zot bann sipor atraver Bidze ki zot pou servi kwa ki zot pe prioyoritz bann sipor ki zot pe donn sa bann dimoun, pou asire ki wi nou get mazorite nou bann dimoun ki pe debourye.

Me avek resours kwa ki zot pe war i prioyrite pou zot angaz zot ladan, ki pou anmenn plis benefis pou pei? Mersi.

### **MR SPEAKER**

Mersi Onorab. Minis pou konmanse.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Mon ava konmans avek limero 1. Dabor e mon ava pas laparol pou limero 2.

An se ki konsern sa, sa bann laranzman ki annan isi pli spesifikman Roche Caiman ki annan sa bann dimoun pe vann. I annan definitivman louvraz ki pe ganny fer par *Cabinet* kot dan sa kourt term, nou pe sey idantifye en lespes ki en pe pli konvenab, pou kapab *sort out* sa problem.

Kot i ava en landrwa ki ava annan ase lespas ki ava annan ase lespas pou *parking* e sa bann dimoun zot menm

kapab fer zot aktivite dan en fason, ki parey ou'n dir pli izyenik. Akoz obor semen la i pa vreman leka.

E i koz en kantite konzesyon osi. Sa i enn.

An term ed long term i annan en pti pe sa bann proze ki mon'n koz, mon'n koz en pe lo la yer *PBB*. Alors ki nou pe fer se al sey idantifye bann morso later ki fasil pou kapab batir lo la, ki nou kapab mont vitman en lespas ;- en lenfrastriktir ki pa bezwen *fancy*, me ki ava en lenfrastriktir ki ou kapab kas li.

En gran lespas kot dimoun i a kapab antre e i kapab swa i ava vin en *set-up* tou le wikkenn kot nou ava kapab ganny parey en *indoor bazar*.

E ki i ava en aktivite osi pou dimoun pou fanmir osi ki kapab anmenn zot zanfan. En landrwa ki i ava osi petet annan en pti *entertainment as well* ki kapab ale avek. Mersi.

### **MR SPEAKER**

CEO.

### **CEO ANGELIC APPOO**

Mersi Onorab. Lo kestyon limero 2 dan limedya, en keksoz ki nou pe sey travay lo la, se pou STC *Hypermarket* donn nou en *Seychelles made shelf*. Sa *shelf* kot nou pou vann selman bann prodwir

lokal, par nou bann artizan ki ganny fer isi. Nenport ki kategori ;- i kapab artizanal i kapab manze i kapab *beverage*. E nou, nou pe travay nou an diskisyon avek STC lo ki mannyer nou kapab fer sa materyalize.

E alors nou, nou pe rod bann artizan ki pare pou vin *onboard*. Alors la nou ava lans en lapel sirtou avek sa de artizan ki ou'n nonmen spesifikman, eski zot war zot prodwir. Kapab vann *Hypermarket* vini apres nou, e nou a travay ansanm lo ki mannyer nou kapab fer sa materyalize. Sa i enn.

Dezyenmman SIB pe al entrodwir sa *Export Scheme* e anba sa *Scheme* pou annan konponan kot ESA pou antre pou donn zot formasyon lo agrandi, ou prodwir met li lo standar, pou zot kapab eksporte. E sa i ava anmenn benefis pou pei en benefis pou zot menm. Mersi.

### **MR SPEAKER**

Mersi. Onorab Adelaide.

### **HON FRANCOIS ADELAIDE**

Mersi Mr Chair. Bonzour panel. Petet en pti *follow-up* lo kestyon kyosk. Ler nou pe gete sa bann kyosk ler ou pe gete enn i 24mil si ou dir 15 savedir in ariv R360mil. Eski prosedir prokirman ti ganny byen swiv pou sa dimoun ki'n

fer sa bann kyosk, ganny sa kontra?

E petet dir nou lekel sa dimoun osi ki annan sa kontra? E mon pe ganny en konpran ki sa bann kyosk osi i kapab pe ganny karya ladan. So eski i annan i en proze *maintenance*, ki pe fer e lekel ki fer *maintenance*, eski *ESA* oubyen eski sa bann dimoun an zeneral? Mersi.

### **MR SPEAKER**

CEO.

### **CEO ANGELIC APPOO**

Mersi Onorab pou ou kestyon. Wi nou'n swiv tou prosedir *procurement*, e nou annan nou *approval of Procurement Oversight Unit*, pou letan ki nou ti pe fer prosedir pou aste sa bann kyosk.

E sa *procurement* ti al kot *DIY, ok?* E wi nou ti rankontre en problem karya *last year* kot nou ti bezwen tret nou bann kyosk.

Sa problem karya letan nou'n evalye i dan later, dan sa later li menm kot *ex-Playground*, e alors nou'n pran tou mezir pou fer sir ki okenn landrwa ki'n ganny afekte in ganny trete. E i ankor annan travay ki pe ganny fer pou fer sir ki i pa retournen.

So tou *maintenance* i tonm lo *ESA* e nou, nou pe pran responsabilite, pou fer sir ki tou bann kyosk i reste a la

oter e i ganny *maintain* byen. Mersi.

### **MR SPEAKER**

Mersi CEO. Onorab Esparon.

### **HON REGINA ESPARON**

Mersi Mr Chair. Bonzour tou dimoun a lekout. Mr Chair dan son larepons *CEO* in dir ki zot ankouraz zot. I annan en proze pou ed bann artizan, e nou osi fer resorti ki avek louvertir pei i pou le 25 bann artizan i *free to open*, dan enn son larepons.

Mon ti a kontan demann avek *CEO* lo kote Bazar Labrin, nou annan bann artizan ki ti pe vann laba kot Bazar Labrin. Bann *food vendors* osi la ki pou arive eski zot osi zot *free to open*?

An vi ki nou konnen poudir lannen pase, ti annan en proze redevelopman pou sa site Bazar Labrin ki ti pou tonm anba *SSI*.

Me la ki *SSI* pe *phase-out* ki pou arive avek sa redevelopman ki ti pou annan Beau Vallon, laba kot site Bazar Labrin? Mon konpran ki ou'n dir poudir Beau Vallon, Anse Royale ek Praslin pe annan kyosk.

Me sa Finans ki ti pou al fer redevelopman laba, eski in ganny avoye Anse Royale ek Praslin? Mon pa konnen zis mon pe demann sa kestyon.

Lo kote ou'n fer resorti osi ki i annan - nou, nou konnen oparavan ti annan bann dimoun ki ti vin vann la ilegalman. Ki plan *ESA* pou ki sa bann dimoun ki ti pe vann la ilegalman ki zot, zot pe fer pou ankouraz sa bann dimoun pou anrezistre e vin legal?

Parske i annan bokou dimoun ki ti pe ganny zot lavi atraver vann laba kot Bazar Labrin, ki pou arive avek zot ki plan ki *ESA* i annan pou sa bann dimoun?

Petet lo kote *SSI* mon pa konnen si *PS Thesee* ti a kapab eksplik nou. I annan bann *rent* ki *SSI* ti pe anmase avek kyosk, ki deza la lo kot Bazar Labrin ki ankor pe *operate*.

Parey nou annan lo *court* i annan en bis ki ankor pe *operate*. Eski zot sa *rent* preznan zot pou pey ek Gouvernman, oubyen ki pou arive? Enn pti lesplikasyon silvouple. Mersi.

### **MR SPEAKER**

Mersi Onorab. Lekel ki a konmanse? Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Parey ou'n dir korekteman *SSI* i dan prosedir pe *phase-out*. Alor proze osi ki i ti annan.

Me pou fer resorti ki proze pou Beau Vallon kot Bazar Labrin ti ete i pa ti

ankor ganny finalize so ti zis en konsep. Alor pou le moman sa i, i *on-hold* e i pe ganny revwar par, par biro Prezidan e i ava ganny mete ek Konsey Minis.

Me mon ava pas laparol avek *PS Thesee* ki ava donn ou en pe plis detay an relasyon avek *phasing-out of SSI*, an vi ki sa i tonm anba Minister Finans. Mersi.

### **MR SPEAKER**

Mersi. *PS*.

### **PS DAMIEN THESEE**

Mersi Mr Chair. Parey nou'n dir avan se Minister Later, Labita ki pe pran sa proze redevelopman Beau Vallon kot Bazar Labrin i ete. I ti annan sa bann plan ki ti'n ganny fer en plan devlopman ki sipoze fer an trwa faz e ti napa finansman pou sa.

Zot ti bezwen finans li atraver en *loan*, ki zot ti bezwen pran avek Labank Komersyal.

E petet en pe ek bann *dividend* ki ti pe kolekte zot menm lo lapar Gouvernman. So Minister Later, Labita in ganny manda, pou li revwar sa proze ki ti'n ganny met ater ki ti'n diskite - pou reprezant devan Konsey Minis pou gete si Konsey Minis i dakor pou kontinyen *as is*.

Oubyen si i annan nesesite pou revwar li, e la ava

gete si bezwen rediskit ek bann *stakeholders* parey ti ganny fer avan.

An sa ki konsern bann dimoun ki, ki la dan sa landrwa oparavan, *most* si ou gete ti bann striktir ilegal. Swa bann dimoun ti met bann latant, oubyen ti pe fer bann konstriksyon ilegal. Ti napa vreman permisyon ki ti ganny mete pou *build* la.

Sanmenm sa plan ti ganny fer pou devlop la, met bann *proper stall* bann standar. E bann kou abordab ki a fer ki bann *vendor* i vin la e i annan en landrwa ki pli izyenik osi. Akoz ti napa delo osi la avan ;- par egzanp ki ti pe donn sa bann *food vendors* pou vann.

Ti annan bann *issue* sanniter. So sa plan ti pe kouver en pe sa. So koleksyon larzan i pa pou vreman annan - vi ki tousala ti zis la pe - zot in vini zot in vann plizoumwen. Mersi.

### **MR SPEAKER**

CEO ti annan pwen pou adrese ladan.

### **CEO ANGELIC APPOO**

Lo kote *ESA* letan desizyon ti ganny pran pou transfer propriete antye kot *SSI*, se lanmenm la kot nou ti transfer tou lalis bann vander avek *SSI* osi, pou ki zot i kapab fasilit zot dan zot devlopman.

E konnen egzakteman kantite *tenants* ti annan lo sa propriete li menm. E letan sa prosedir in ganny fer se lanmenm la kot nou, nou'n *divert* nou *funds* dan lezot proze, akoz nou'n kit Beau Vallon avek *SSI* pou devlope. Mersi.

### **MR SPEAKER**

Wi Onorab. Si ou bezwen klarifikasyon.

### **HON REGINA ESPARON**

Klarifikasyon. Mersi Mr Chair. Mr Chair mon ti a kontan demann avek *CEO*, be an vi ki sa bann vander la an se moman pa pe kapab vin lo sa *site*, akoz pa ankor annan sa devlopman, eski zot annan plan pou kekfwa *redeploy* sa bann dimoun en lot landrwa? Mon pa konnen mwan.

E nou konnen poudir la toulstan i annan en latraksyon touristik. E Bazar Labrin ti en keksoz ki ti pe atir touris, eski nou pa kapab revwar? Mersi.

### **MR SPEAKER**

Mersi. *CEO*.

### **CEO ANGELIC APPOO**

Mersi Onorab. Se sa bann diskisyon ki pe antreprann avek Konsey Minis, an se moman kot tousala pe ganny diskite. E byento *I'm pretty sure* ki Minister Finans pou vin avek en lanons lo ki pou

arive avek sa bann vander.  
Mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Mr Chair. Bonzour Minis ankor enn fwa avek CEO. Mr Chair CEO in dir ki *ESA well* novo Lazans ki ti avan *SEnPa* ti ganny kree an 2018 e an 2018 zot ti revwar son zot ti revwar en pe son manda e Lalwa.

E dapre Lalwa *ESA* ti i sipoze pe kouver sa ki nou apel *MSMEs, micro, small and medium enterprises*.

Ler mon'n ekout - mon pe ekout bann deba la dan Lasamble, pou mwan i kler ki ou a krwar *ESA* i ankor sambre e fikse bokou lo bann *micro* e petet *small enterprises*.

E pa ankor neseserman fer sa *jump* pou al tous osi bann *medium enterprises*, ki en pti pe pli gro.

So CEO ki zot in met an plas *between now* e 2018, *between 2018* e la pou ki zot kapab kapte osi sa bann group biznes *medium enterprises*, ki parey mon ti dir Minis yer i annan apepre 85poursan 80, 75 a 80poursan *enterprises* Sesel, i konsider konman *SMEs*.

So ki zot pe met an plas pou tous en pe sa kategori *medium enterprises*?

Dezyenmman an term *business support services* eski zot annan striktir *within ESA* pou *provide support services*, pou bann pti biznes pou sa kategori biznes ki zot *oversee*?

Akoz i annan demann deor pou sirtou sereten biznes ki pa kapab *afford* en *HR*, ki pa kapab *afford* en avoka bann keksoz koumsa. Apre trwazyenm kestyon mon tourn en pti pe dan *micro enterprises* en pe dan artizanal. Ki zot pe fer pou protez en pe bann artizan lokal e la mon pe mazin par egzanp petet annan en lalis bann artizan lokal - en rezis bann artizan lokal?

Kot dimoun i kapab konnen dimoun i kapab enterakte avek zot, fer biznes pli fasil pou sa bann pti artizan.

Konmsi sey anmenn sa marse kot zot akoz zot napa sa facilite pou zot parey mon'n dir pou annan sa *business support*, ki pou al met zot *out there*.

So mon a reste la - mon annan en kantite kestyon Mr Chair, me selman mon a reste la dan *within* sa. Mersi.

### **MR SPEAKER**

Mersi. Mersi Onorab. Wi Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Permet mon

pou zis donn fer en pti komanter lo bann kestyon epi CEO i ava al an en pe plis an detay. Rezon pou sa, se akoz petet mon anvi koz en pti gin lo stratezi Minister e ki mannyer i *tie-in*.

So esansyelman an relasyon avek ou premye kestyon. Parey in ganny fer resorti e parey ou'n mansyonnen i annan sa persepsyon ki *ESA* i viz ver bann ptipti antrepriz a tou pri. E sa i en keksoz atraver ledikasyon.

Parey mon ti'n mansyonnen e nou bezwen fer en travay kot nou edik lakominote biznes e popilasyon an antye, an se ki konsern ki louvraz ki *ESA* i vreman fer. Akoz ki mon'n war se ki apre osi, i annan sa - ti annan sa mankman dan *monitoring, in terms of* sa tranzisyon *between micro to small*.

I napa en striktir an plas an se moman kot *ESA* ki pe vreman fer sa *monitoring*, pou regarde sa biznes, eski i pe grandi pandan letan? Eski i pe sorti en *micro* pe vin en *small*? I pe sorti *small* i pe vin *medium*?

E ki kominikasyon ki pe ganny fer avek sa biznes ki pe idantifye. Ki problem? Akoz ki ou pa pe kapab tranzisyon. So tousala i en pe bann louvraz, ki pandan lannen

avek lobzektif, ki nou annan nou pou bezwen travay lo la, pou nou anmas lenformasyon, pou ganny en konpran vreman.

E sa louvraz osi i osi *spill over* an term kominikasyon e korperasyon avek bann lezot antite dan Gouvernman.

Parske pou nou kapab fer sa *monitoring* i bezwen sa kominikasyon, sa kolaborasyon kot nou pe kapab ganny serten lenformasyon avek sa bann antite.

So petet osi tousala in enn kontrent, akoz ki *ESA* pa'n kapab fer sa dan lepase. Me *going forward* e avek sa *drive* ki Minister i annan, Minister i annan en lobzektif pou li *achieve*.

E parey mon dir lo debi nou la pou fer sir ki biznes i *focus* i *achieve* son *purpose*.

Savedir *creation of wealth*. I pe kree lanplwa e alor i vedir nou santre otour fer sir poudir biznes pe devlope. So nou, nou vreman, nou vreman angaze pou fer sir ki *ESA* i vin sa antite, ki pe promouvwar devlopman biznes dan Sesel.

An se ki konsern ou trwazyenm kestyon promosyon bann pti artizan ;- sa i *tie-in* egzakteman avek anliny avek sipor ki nou pou *afford* avek Minister Tourizm, ki pe pourswiv en stratezi, kot

zot pe promouvwar *cultural tourism* dan Sesel.

E promosyon artis lokal i *tie-in* vreman byen avek sa. So nou, nou pou pe koz menm langaz, so nou pou *afford* nou sipor lo sa kote osi. Avek sa mon a pas laparol avek CEO pou li reponn bann lezot kestyon. Mersi.

### **MR SPEAKER**

Wi CEO.

### **CEO ANGELIC APPOO**

Mersi pou kestyon. I zisteman sa ki Minis in nonmen ledikasyon. Nou sey nou mye pou edik manm piblik ki rol *ESA* konpare avek *SEnPa*. E sa mantalite i menm dan nou bann *stakeholders* Gouvernman kot zot ankor krwar *ESA* i *deal* zis avek pti, pti biznes avek ‘*Cottage*.’ Me nou, nou kontinyelman edik zot lo kategori biznes ki nou *deal* avek.

E osi letan nou, nou’n travay pandan sa 2an letan nou’n etablier an 2018, nou’n fer sir ki en legzant nou pe anmenn en benefis, pou biznes i pa pou kategori pti, pti ek mwayen. Me sa *medium* biznes osi i kapab osi benefisyé.

En legzant se nou’n antre dan diskisyon avek lakonpannyen lasirans, pou donn rediksyon biznes ki anrezistre ek *ESA*. E sa i osi

aplik pou *medium businesses*. So nou bann vizyon se pou ki benefis i al pou tou kategori biznes, e non pa zis pti e mikro.

Me selman nou, nou pran kont ki sa ki mikro ek pti i bezwen plis latansyon, plis sipor parey ou’n dir. E se sa kot nou seksyon *Business Development* i zwe en rol kle. Kot nou bann *staff* i la pou ed sa biznes devlope. E nou osi la pou donn formasyon ;- nou donn bokou *training* pandan lannen, ki ed sa biznes ed sa antreprenier devlope.

Kot ou kapab ganny plizyer *skill* si ou napa en *HR* ou kapab vini *attend* en *training* e ed ou konn ou bann lobligasyon *human resources*. Ed ou konn ou bann lobligasyon taks, ed ou konn ou lobligasyon *intellectual property*. Ki mannyer ou protez ou bann prodwir. So nou, nou fer sa bann *training* pandan lannen. Mersi.

### **MR SPEAKER**

Mersi. Onorab Poris.

### **HON DOYACE PORIS**

Mersi Mr Speaker. Bonzour Minis ek ou delegasyon. Bonzour tou mon bann koleg e tou bann ki a lekout. Minis mon ti a kontan konnen, ki kantite larzan i annan dan pou pti biznes? E si zot annan i pou annan en *Grant* ankor

pou lannen 2021? Vi ki i annan spekilasyon ki ti annan bokou labi ?

E si i annan en odit ki'n ganny fer pou bann ki'n donn dan lepase? Mersi.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Sa lannen i napa larzan. Nou pa'n *allocate* larzan dan Bidze, pou al avek sa *Seed Capital Scheme* pou al avek sa *Grant*. E rezon akoz in ganny soulev en pti pe o debi par *CEO*.

E petet mon ava al en pti pe pli an detay, se akoz in napa sa *proper monitoring* ki'n ganny fer pandan sa letan ki sa in an operasyon, pou fer sir poudir sa bann dimoun ki'n ganny sa *Grant* in servi sa larzan lo labaz ki zot ti pe merite.

E alor i fer ki parey ou'n dir i annan en kantite en kantite labi posibleman in ganny arive, parske dan rapor preliminer ki'n ganny soumet avek mon lofis parey *CEO* in mansyonnen, i annan en gro poursantaz aplikan ki pa'n kapab donn zot bann dokiman.

Parey kondisyon pou ganny sa *Scheme* i dir *within 6 months* zot ti'n merit pe fer.

Swa in vin en mankman lo la kote Gouvernman ki pa'n *follow-up*. Ouswa sa i deliberately en mankman ki'n ganny fer lo lapar sa dimoun li menm ki pa'n gard son rikord.

Me selman i ti annan sa lobligasyon anba sa lagreman pou fer li. So nou bezwen al vreman regard ladan. E se sanmenm ki nou pe fer nou pe, nou pe sey al en pti pe pli an profon, pou regarde egzakteman kwa ki'n pase ki benefis ki'n gannyen.

Ou konnen i fer mwan retourn ankor lo mon pwen kot, kot mon dir Polisi i ganny met an plas me nou bezwen fer sir poudir sa Polisi pe *achieve* sa *purpose* ki'n ganny *set out* pou fer. Nou bezwen fer sir ki enn Polisi pe ganny swiv sa i byen.

Dezyenm, eski sa Polisi i pe fer sa ki i sipoze pe fer? So sa i form parti enn bann keksoz ki mon pou zis kontinyen.

Mon pe fer resorti dan nou louvraz toulezour. Petet pandan sa bann mwan ki vini, nou a kapab ganny en rapor pli aprofondi, ki ava donn nou en pli bon apersi.

Me pou sa lannen e anvi sityasyon finansye ki nou pe fer fas avek, nou pa'n ganny sa bagaz pou nou kapab re al ganny sa larzan, pou nou kapab fer sa *Scheme*. Parske nou bezwen fer en - regard sa

Polisi ki mannyer sa larzan ti pe ganny zere. Mersi.

**MR SPEAKER**

Mersi. Korek *ok?* Onorab Mondon.

**HON TERENCE MONDON**

Mersi Mr Chairman. Mon premye kestyon i tous size bann prodwir, me selman zot in koz, zot in koz bokou lo lenfrastriktir bann lespas ki zot, zot mete pou kapab eksposz zot prodwir. Me mon anvi vin en pe plis spesifik lo diversifikasiyon en pti pe bann prodwir.

E pou kapab anmenn plis varyete pou ki touris i annan plis swa. La mon pe koz lo bann prodwir artizanal, kot parey Minis in fer sorti ankor ki Minister Tourizm pe met bokou lanfaz pou nou kapab fer touris depans plis dan nou pei.

Alor mon kestyon kwa ki zot pe fer vreman, pou kapab anmenn plis diversifikasiyon bann prodwir artizanal e osi anmenn sa inovasyon? Ki kalite sipor zot pe donnen pou nou kapab *achieve* sa?

Mon dezyenm mon anvi konn, mon anvi konnen konbyen reveni vreman sa sekter artizanal pe anmennen dan lekonomi ? Eski zot kapab *capture* sa? E ki zot potansyel vreman si zot in

kapab fer en sereten travay lo la?

E mon dernyen pwen i pa en kestyon, mon le met lanfaz ankor parey mon war dan rapor Oditer Zeneral, ki i annan en kantite defayans zot bann sistem kontrol, in sorti dan rapor 2019.

E Minis in koz en pti pe lo la bann labi dan ki'n pase mon anvi en langazman vreman ki sa lazans i fer sir ki i kapab met an plas bann sistem kontrol, e ki zot swiv bann regilasyon finansyel. Akoz zot pe kolekte plis ki 7 a R8milyon reveni konman lazans ki pe al dan Fon Larzan Piblik. Mersi Mr Chairman.

**MR SPEAKER**

Mersi Onorab. Minis, lekel ki a konmanse?

**MINISTER DEVIKA VIDOT**

Yes mon ava sa.

**MR SPEAKER**

Minis.

**MINISTER DEVIKA VIDOT**

Mersi Mr Chair. Mersi Onorab pou ou bann kestyon. An se ki konsern diversifikasiyon e prodwir artizanal ;- Nou pou angaze pou fer bann - pou konsolid bann *training*.

E parey Minis in la an term inovasyon, zot pou la pou siport Minister lo sa nivo pou ki nou kapab etabli bann

*framework.* E ki *ESA* prezan *being the Agency* i kapab al enplimant sa bann programm ledikasyon ouswa sa bann pou fer sa ban sensibilizasyon avek sa bann dimoun.

Petet *CEO* i kapab donn ou enn de bann *training* ki egziste an se moman ki vis versa, i ava sit detrwa legzanp. Mon pou al tous lo 2enm e 3em kestyion an menm tan parske i sanstre otour *monitoring* e *evaluation* ankor.

Pou le moman enn nou bi Minister, si pou ou kapab evalye vreman ki kantite – parey mon'n dir oparavan ki lenpak ki biznes i annan? Eski i pe *generate well?* Eski i pe kree lanplwa? Eski pe *achieve* son *purpose* dan nou lekonomi?

E pou le moman i napa sa striktir an plas pou nou kapab fer sa kalite *monitoring and evaluation*. Alor sa i enn bann pwen kle ki nou pou travay lo la pandan sa lannen. E ensi byen ki – e sa *monitoring and evaluation* i pou tou osi ki mannyer sa pou fonksyonnen.

E i ava adres bann rapor ki'n ganny fer resorti par Oditer Zeneral.

Parski sa fonksyon i pa pou zis tous lo travay ki deza pe fer, me osi lafason ki bann *agencies* pe *operate*.

Eski zot pe zer byen sa bann finans ki ganny met sa

zot dispozisyon par Gouvernman? So sa i osi pou enn sa bann sanzman ki mon anvizaze anmennen dan Minister.

Alor mon pas laparol avek *CEO* i ava sit enn de legzanp ki i pe travay lo la, me parey me byensir parey mon'n dir nou pe al target pou *improving* sa bann prodwi. Mersi.

### **MR SPEAKER**

Wi *CEO*?

### **CEO ANGELIC APPOO**

Mersi Onorab. Legzanp bann *training* ki nou'n komans fer e ki osi dan plan pou sa lannen, i annan *innovation mindset* i enn ki nou'n komanse *since last year*.

An Novanm nou ti fer enn premye kot nou pe target bann artizan, bann antreprenier ki mannyer pou develop inovasyon dan ou biznes? Ki bann stratezi ki ou kapab vin avek pou fer sir ki ou biznes pe evolye?

E sa nou ti fer li an kolaborasyon avek *NISTI* li menm. Nou annan training dan diversifikasyon kot nou pe ed bann antreprenier lo - menm legzanp ki ou'n dir diversifye ou prodwi pou ki ou kontinyen reste relevan.

E osi bann *training* lo ki mannyer ou pou ogmant stanp ou prodwi, pou ki i vin lo en

standar ki touris i kontan, lokal i kontan e i pe vin menm en standar kot ou kapab eksporte dan le fitir. E osi bann formasyon dan *manufacturing*.

Fer li ou menm; prodwi ou menm prodwi lokal. So sa nou pe fer bokou sirtou apar bann *training* vertyel ki nou pe met a laporte piblik atraver nou bann paz medya e osi lo *website*.

E osi lo kote odit 2019, wi nou'n ganny kopi rapor e nou'n adrese. An 2019 letan mon ti zwenn nou ti annan bokou defayans dan nou lazans.

E mon ti fer li mon devwar pou fer sir ki lorganizasyon i ganny odite, pou ki nou vvar byen menm kote sa bann defayans i ete e pou nou kapab adrese.

So nou'n pas 2an pou fer bokou travay pou met lord e fer sir nou pe *comply* avek *Financial Act*, fer sir nou pe *comply* ek *Procurement Act*, nou'n met bokou Polisi an plas e sa bann keksoz ti mank bokou.

So la nou'n fer sir ki nou'n aranz en kantite lo sa bann defayans. E nou pou osi – nou sipoze osi vin devan *FPAC* pou donn en pti pe plis detay lo ki bann travay ki nou'n fer pou adres bann defayans ki'n monte dan rapor Oditer. Mersi.

### **MR SPEAKER**

Mersi CEO. Onorab William.

### **HON WAVEN WILLIAM**

Mer Mr Chairman. Mon kestyon i konm swivan; mon ti ava kontan al lo latab 5 lo *performance*, mon anvi demann avek CEO, si i kapab – well si ou annan sa lenformasyon – si ou napa ou ava donn mwan an ekrir pli tar. Par egzanp lo sa *number of SMEs* eski sa 110 i sa total ki nou annan ouswa plis ki la?

Eski nou annan en gro total apard ki sa bann traver ki zot in mete la? E dan sa kestyon mon anvi konnen konbyen bann *micro enterprise* ou annan, konbyen small, anmenn tan *medium* akoz zis pou donn nou en nide aepre?

E preznan mon pe regarde lo kote *seed capital* epi lo kote *training*, eski sa bann aplikan zot ganny *training* avan zot ganny *seed capital* ouswa zot kapab ganny *training* apre ki zot in ganny sa larzan?

Sa lo pwennvi *management*? E an menm tan eski ou kapab dir nou si the amount of *seed capital* in redwir la ouswa sa sonm i ankor parey? I ankor annan pou donne? Mersi.

### **MR SPEAKER**

Mersi Onorab. CEO.

### **CEO ANGELIC APPOO**

Ok Onorab. Mersi pou ou kestyon. Pou sa *number of registered MSMEs* i plis ki sa an zeneral. Me solman sa *amount* ki la i kantite ki'n vin kot *ESA*, akoz nou, nou ti pe anrezistre bann *MSMEs* sirtou ki vin *apply* pou zot ganny en nouveau sertifika pou fer bann biznes kot lakour.

Sa zot ti pe kontinyelman vin kot nou e nou nou'n travay ek zot. Ok? So sa 110 ti nou target me *actual 2019* ti 106 e 2020 nou target ti 45 me *actual* ki ou, ou pou vwar dan raport ki vini pli tar i zis 25.

Nou'n vwar en gran bes an 2020 akoz sityasyon ekonomik e nou'n vwar ki bann biznes pa pe - napa en gran kantite biznes ki pe komanse or ki pe vin kot *ESA*.

Me selman sa i pa statistik an zeneral, i zis sa ki ganny anrezistre kot *ESA*. E sa i en *issue* ki nou pe travay lo la, kot nou pe bezwen met en *database* an plas ki pou capture tou bann *MSMEs* dan pei.

E sa nou pou bezwen travay tre pros avek *Registration Division*, *SRC*, *SLA* pou fer si nou pe *capture the real statistics of bann MSMEs* dan pei. Ok?

E an menm tan, *how much*, kantite *micro* e *small* i annan? Nou pa'n kapab determin sa akoz n ou pa pe

ganny lenformasyon zot revini, pou nou konnen lekel ki tonm anba kategori *micro*, lekel ki tonm anba kategori *small*.

So sanmenm sa ki nou bezwen antreprann sa bann travay ek sa bann lezot *stakeholders* pou nou ganny li byen sa bann lenformasyon.

E fer sir ki pe ganny en bon *figure* en bon statistic ki nou kapab fer sir nou konnen egzakteman ki kategori ou, ou tonbe baze lo ou reveni e osi kantite lanplwa.

E sa i ganny defini dan nou *Act* osi. Bann dimoun ki'n ganny *seed capital* ki'n *train* i pa ti mandatwar ki ou *attend training* avan ou ganny sa *Grant* me solman nou, nou fer li en *practice* kot nou ankouraz zot pou ou vin *training*.

E sa pou ed ou pli byen manage ou *Grant* e osi pli byen demar ou biznes.

Ankor bokou ki'n *apply* sa *Grant* i bann *start-ups*; bann ki prezan pe al antre dan biznes. E nou, nou ankouraz zot vini me i pa forse. So sanmenm sa ki ou pou vwar ki sa figure i en pti pe ba alor as zot *purview* pou vin *training* kot *ESA*.

*And* kantite *seed capital* ki reste? Sa programm *seed capital* ti ganny etabli an 2017 e i ti annan 5milyon ki ti sipoze ganny *disburse* dan 5an. E la sa lannen, i sipoze

ganny 5milyon pou dernyen lannen ki reste pou 2021 me la vin ki nou'n met lo poz, sa larzan i anba Minister Finans e i pa pe ganny touse sa lannen.

### **MR SPEAKER**

Wi Onorab klarifikasyon.

### **HON WAVEN WILLIAM**

Yes. Mon ti zis anvi dir Minis mon santi poudir sa lenformasyon lo lakantite mon krwar i vreman enportan. Akoz si nou pa kapab *gage into* sa?

*Then i annan bann lezot travay ki ekonomik ki pou difisil pou nou kapab fer. An menm tan pou Parlman li menm li pou nou i pou enportan pou lavenir pou nou kapab konpran e konnen.* Mersi.

### **MR SPEAKER**

Mersi. Minis.

### **MINISTER DEVIKA VIDOT**

Mersi Mr Chair. Mersi Onorab. Mon kontan ki finalman mon krwar mon pe get ou me sanmenm sa ki mon pe sey *echo*, mon pe sey fer pase. E problem se ki i ti napa en fason pou rikorde, pe vvar si Biznes pe aktyelman pe grandi, si biznes pe devlope dan ekonomi.

I ti pe napa en fason ki sa antite ki pe sipoze pe zer sa

*micro, small ek medium enterprises* pou li fer sa.

So byensir letan mon'n antre dan Minister, letan mon pe demann bann statistik, pe demann lenformasyon i annan sa mankman e mon kestyon se ki mannyer nou ti pe fer li? E i pa ti pe ganny fer.

Alor petet son lafason ki desizyon ti pe ganny pran mon pa tro ganny en konpran ki mannyer ti pe ganny fer, me se pour sa rezon ki i vreman enportan ki nou etabli sa bann kolaborasyon avek sa bann antite pou nou ganny sa lenformasyon.

Parske sansan nou pou kontinyen fer desizyon dan fernwanr. Mersi.

### **MR SPEAKER.**

Mersi. Mon krwar nou a pran en poz la. I sipoze annan bann Komite ki pe zwenn e zot annan viziter ki zot pe travay avek pou fasilit zot. Nou a donn zot sa letan pou zot kapab ariv dan zot landrwa travay 12.30. Nou a repran 2er e nou a kontinyen lo sa Bidze. Mersi.

***(BREAK)***

<b><u>ENTERPRISE</u></b>	<b><u>AGENCY</u></b>
<b><u>SEYCHELLES</u></b>	
<b><u>(Cont)</u></b>	

### **MR SPEAKER**

Bon nou a repran lo Bidze Pou Antrepriz Agency Seychelles nou en *overtime* lo sa Bidze deza. Mon pou don bann Manm 20 minit ankor lo kestyon apre bann *Leaders* e nou vote. E premye Onorab Phillip Arissol.

### **HON PHILLIP ARISSOL**

Mersi Mr Char. Bonn apre mini tou dimoun. Minis mon vwar dan '*current challenges*' mon vwar ki avek travay ki pe ogmante zot pe fer fas avek en mankman mendev ki pe anpes zot delivre lo zot manda. Eski CEO i kapab dir ek Lasanble, ki kantite travay *ESA* i annan? Ki nouvo responsabilite ki *ESA* i annan ki zot ti napa en 20218 letan zot ti fek komanse?

An menm tan osi mon vwar ki zot annan en mank lespas pou lofis ki anpes fer nouvo rekritman eski Minis i kapab dir Lasanble kote zot baze e konbyen *ESA* pe peye pou lwe sa landrwa? Mersi.

### **MR SPEAKER**

Mersi. CEO ou adrese?

### **CEO ANGELIC APPOO**

Bon apre midi a tous. Mersi Onorab pou ou kestyon. Staff an se moman nou annan 24 *in-house* e nou annan 2 staff accounts i anba Minister Finans osi ki *segonded* ek nou. Nouvo responsabilite i

diferans ant *SEnPA* avek *ESA* i sa kategori *micro, small and medium enterprise*. *SEnPA* li an ba son Lalwa i ti *deal* zis avek *cottage* e ti en pli pti group konpare avek sa kategori la ki'n agrandi pou vin *micro, small and medium*. So ou vwar bokou plis biznes ki nou pe bezwen travay avek. E sa nou'n bezwen reget nou striktir an 2019 rod *additional staff* me i toulstan en *shortage*.

Me solman la stratezi ki nou pe pran ansanm avek Minister se partaz resours; partaz resours partaz travay e fer sir ki nou fonksyon avek fonksyon *SIB* i byen *align* e sa ki *SIB* i sipoze fer i fer sa ki *ESA* i sipoze fer i kler.

*Office space* nou baze *Camion Hall* e sa i en *building* i pou *ESA* Menm alor nou pa pey *rent*. Sel lofis ki nou pe pey an se moman i nou lofis Praslin. Nou baze *dan Pension Complex* Grand Anse alor nou bezwen pey *rent Pension Fund* e sa i R9mil par mwan. Mersi.

### **MR SPEAKER**

Mersi. Onorab Uranie.

### **HON ROCKY URANIE**

Bonn apre midi Mr Chair. Mersi. CEO mon'n tann ou bomaten dir ki dapre resours zot pou gannyen zot pou met plis proze dan bann distrik. Eski i annan distrik - oubyen plito mon al ver La Digue. Eski

La Digue i pou gannyen bann kyosk ki pou ganny konstri pandan sa lannen pou ed nou bann artizan?

Apre mon lot kestyon an relasyon avek kyosk menm avek limitasyon pou ganny kyosk, eski an zeneral zot pe fer revi pou vwar lekel parmi sa bann artizan ki pe plito *export* ban prodwi pou vin vann e bar plas sa bann artizan ki pe prodwi ki napa en landrwa?

### **MR SPEAKER**

Mersi Onorab. CEO.

### **CEO ANGELIC APPOO**

Mersi Onorab pou ou kestyon. La Digue sa lannen nou napa en proze me solman li osi i annan en landrwa dan nou plan kot nou anvizaze met en proze laba. Sa lannen nou pe met en proze lo Anse Royale ek Cote D'Or parey ou'n nonmen. Lo kote prodwi enporter *versus* bann ki nou pe prodwi lokal, nou'n rankontre sa sityasyon e menm dan nou bann propriete li menm kot nou'n vwar i annan bann prodwi enporter ki pe ganny vann.

Oparavan nou ti napa en mannyer ki mannyer nou pou kontrole *or* ki mannyer nou pou *monitor* me la atraver nou Polisi ki nou'n met an plas pou nou bann lespas i annan en fason kot nou pou kapab

travay avek nou bann *tenants* sirtou kot zot kapab konsantre plis lo prodwi lokal.

Enporte parey nou pe dir i zis bann *raw materials*;- sa matyer debaz ki ou bezwen pou ou fer ou prodwi avek. So la nou pe al antreprann en travay kot nou'n fer sa Polisi e prezan nou pou al met li an enplimantasyon. Mersi.

### **MR SPEAKER**

Mersi. Onorab Woodcock.

### **HON WAVEL WOODCOCK**

Mersi Mr Speaker. Bonn apre midi Minis, CEO tou koleg Onorab e tou dimoun a lekout. Mr Speaker mon kestyon i kot i konsern ler mon pe get the '*major achievements*' i annan sa 15 kyosk, ok? Zot '*major achievement*' pou 2019/2020 ti annan sa 15 kyosk ki ti ganny *allocated* avek bann *vendors* Victoria. Me an menm tan ti annan en proze *similar* ki ti pou ganny fer Amitie Grand Anse Praslin.

Annefe mon rapel si mon pa tronpe avan ki *SEnPA* ti vin *ESA*, an 2018 mon'n deza demann sa kestyon lo sa size. Sa letan Minis Cosgrow ki ti Minis e ti annan en propozisyon Mr Speaker, zisteman sa en nouveau propozisyon ki'n ganny met devan ki mwan osi mon pe pouse pou sa, pou ki i annan en proze en pe parey pou ki

nou kapab etabli en sant komersyal vizavi *Airport Amitie Anse Kerlan*; - e non selman pou deservi bann artizan me kapab deservi bann lezot sekter - *I don't know* bann dimoun ki dan agro *processing, fish processing* e lezot bann aktivite e ekonomik ankor ki kapab *generate*, alor Minis ler mon ti demann li sa kestyon pou Departman *Investment* ou ti dir ler *ESA* i vini ou pou kapab demande.

Alor mon anvi demande ki zistans zot in arive; ki bann devlopman lo sa size?

Dezyenmman mon lot kestyon i kot i konsern *Seed Capital Grant Scheme* pou an 2019.

An 2019 ou'n dir pou dir i annan 95 e sa i pou *CEO* sa kestyon so 95 aplikan, mon bezwen demann sa kestyon akoz dan le pase ki bann kriter ki zot ti servi pou donn sa *seed capital*? I zisteman akoz mon pe demann sa i annan bann konsern dan lepase ki sa *Seed Capital Grant Scheme* in ganny servi pou rezon politik.

E nou'n vwar dan lepase kot ban dalon zanmi e bann dimoun ki vreman anvi al dan biznes, zot pa neseserman benefisyé anba sa *seed capital*. E mon bezwen demann sa kestyon osi, eski in osi annan sa *Scheme Seed Capital* pandan lannen 2020.

### **MR SPEAKER**

Onorab *move ahead* ek ou kestyon silvouple e aret bann komanter.

### **HON WAVEL WOODCOCK**

Eski in annan sa *seed capital* osi bann *Scheme* - *Seed Capital Grant Scheme* pou sa lannen? Akoz mon demann sa Mr Speaker akoz 2020 ti annan en *meeting* ki ti ganny fer kot *Pension Fund*. Ti annan en Minis ki ti prezan dan sa *meeting* - pa ou Minis Cosgrow -

### **MR SPEAKER**

Les Minis Cosgrow trankil. Sey demann ou kestyon.

### **HON WAVEL WOODCOCK**

-kot bann zenn ti ganny apele. Plizyer bann zenn ti dan biznes ti ganny apele e menm ti annan en bann ki pa ti dan biznes e zot ti ganny ofer sa *seed capital from R50 a 100mil*.

Alor mon bezwen demande eski *CEO* i kapab konfirm sa? E mon ti ava osi kontan konnen konbyen larzan ki ti annan dan sa *seed capital*?

E Minis mon osi demande eski i posib pou nou ganny en lalis an 2019 e 2020 tou sa bann dimoun ki'n benefisyé avek sa *Seed Capital Grant Scheme* si ou

kapab fer nou ganny en kopi sa lalis. Mersi.

### **MR SPEAKER**

Mersi Onorab. CEO.

### **CEO ANGELIC APPOO**

Mersi Onorab pou ou kestyon. Amitie mon fek ganny ou *email*. In fact ou proze ki ou'n met devan swivan visit delegasyon Prezidan kot nou Minis osi ti vini in met devan mwan sa sit, kot ou pe anvizaze non antreprann sa proze.

Pou le moman nou an diskisyon ek Lanvironnman premye pou nou regarde ki lanpler proze ki nou kapab fer. Akoz parey oparavan sa landrwa ti annan bann problemm delo monte kot nou'n bezwen fer bann *rock armouring*.

Nou anvi fer sir ki letan nou met en proze la i pa pe ganny afekte dan okenn fason so nou an diskisyon ek Lanvironnman, e nou pou travay lo en plan kot nou a kapab met en proze la Amitie e avek resours ki nou pou gannyen nou ava kapab materyaliz sa.

Me la an sa moman pou sa lannen i napa pou Amitie nou a kapab komans travay lo bann plan pou sa lannen pour ki nou ava kapab resours neseser pou fer sa proze materyalize.

*Seed capital* an 2019 bann kriter. Dan lepase parey mon'n dir 2017-2018 *seed capital* ti anba departman e non pa anba *ESA*. I fek vin anba *ESA* an 2019. E an 2019 letan in vin kot *ESA*, nou'n fer sir ki nou'n revwar Polisi kriter e ki bann kondisyon pou ou ganny sa *Seed Capital Grant*.

E sa ti en travay entans kot nou'n met bokou plis kriter pou ou bezwen zwenn avan ki ou ganny sa *seed capital*. E sa ti en swivan bann konsern lo lo *seed capital* 2017- 2018 ki ti' leve.

E alors nou bann kriter in tre transparan an 2019 e byensir nou a kapab *provide* en lalis tou bann benefisyé 2019-2020. In fact nou pe fini fer nou rapor la an 2020 e nou pou fer nou *monitoring as well*. Apre 6mwan parey lagreman i dir e nou pou kapab *submit* en lalis avek non e kantite zot in benefisyé pandan sa lannen.

*Seed capital* 2021 parey Minister in anonse pou napa sa lannen. Nou'n bezwen met en poz pou nou kapab fer sa *monitoring and evaluation* pli apropriye.

Akoz nou'n anvi stop en letan la kot nou kapab aloe fer resansman lo bann *past beneficiaries* pou ki prezan nou a kapab soumet en rapor kot Gouvernman pou sa 3

lannen konsekitiv e fer sir ki bann defayans ki'n ganny *point out* i ganny adrese. Mersi.

### **MR SPEAKER**

Mersi. Onorab si ou annan en klarifikasiyon spesifik demande - pa lans dan en nouvo deba silvouple.

### **HON WAVEL WOODCOCK**

Napa problemm Mr Speaker.

### **MR SPEAKER**

Klarifikasiyon.

### **HON WAVEL WOODCOCK**

Ok. Mon klarifikasiyon i ankor regardan sa *seed capital* Mr Speaker. Mwan sa ki mon anvi konnen i se ki *ok* mon krwar *CEO* in mansyonnen boner zafer bann *follow-up* ki zot in fer avek sa larzan ki zot in *allocate*. Ok mon krwar i annan en 45 dimoun ki pa'n neseserman servi sa larzan parey i merite. Ok.

Me sa bann dimoun ki'n fini *allocate* ek en sonm larzan 50mil - 100mil mon pa konnen si i annan ki'n ganny plis kekfwa *CEO* i kapab donn sa lenformasyon eski zot pou re-rod sa bann larzan? Akoz ou ou'n ganny larzan pou ou envestir pou en biznes. Ou pa kapab servi sa larzan pou aste en loto pou aste en bato.

Alor mon kestyion eski zot pou rod fason pou reganny

sa bann larzan, *claim* sa bann larzan *back* e i a retourn dan nou *Consolidated Fund*. Mersi.

### **MR SPEAKER**

Mersi. *CEO*.

### **CEO ANGELIC APPOO**

Ok. Premyerman *seed capital maximum* i 50 thousand. Nou pa kapab ale pli o akoz i zis R50mil par personn ou par biznes. Dezyenmman dan lagreman in mete ki si ou pa'n servi sa larzan dapre sa ki ou ti'n dir nou annan drwa rod *refund* avek ou.

So sa lagreman i menm ganny anrezistre e i en *official document* kot nou kapab pran aksyon avek sa dimoun si pa'n servi sa larzan dapre sa ki i ti'n dir. Mersi.

### **MR SPEAKER**

Mersi *CEO*. Onorab Loze.

### **HON JOHAN LOZE**

Mersi Mr Speaker. Mr Speaker kestyion ki mon ti anvi demann ek *CEO* mwan se ki dan sa letan kot nou ete la, i annan bokou e mon pe koz pou bann pti biznes ki fer prodiksyon lokal mwan, parey i annan en kantite Grand Anse Praslin dan sa letan, ki nou ete la, i annan bann *online marketing forums* parey ETSI

*online bazar.* I annan enn de zot sa bann keksoz koumsa.

Sa ki mon ti anvi konnen mwan, si ti posib pou zot lorganizasyon ofer en serten *training* avek nou bann artizan, nou bann dimoun ki fer prodiksyon ek lanmen isi Sesel, e donn zot akse avek sa *greater market through* bann *online bazar* – parey *AMAZON Handmade, Art Fire, Ruby lane* e parey mon'n dir avan *ETSI* ki zot a ganny en pli bon debousman, zot a ganny en pli bon sans fer en pli bon kontribisyon.

E sa mon konnen ki bann artizan Grand Anse Praslin pou vreman kontan antre ladan, menm si zot *MNA* pa kapab koz pou zot e defann zot dan Lasanble. Mersi Mr Speaker.

### **MR SPEAKER**

Mersi Onorab. Mon pa a pas komanter lo *MNA* Praslin mon a demann *CEO* pou reponn.

### **CEO ANGELIC APPOO**

Mersi pou ou kestyion Onorab. Definitivman sa i en stratezi ki nou pe al ladan. Annefe nou ti komanse an 2020 kot nou ti fer en formasyon, kot nou ti envit bokou bann antreprenier pou konn bann *online platform* ki'n ganny devlope par nou bann Seselwa li menm.

E sa ti ouver en laport pou zot kapab zwenn sa bann platform, antre dan en diskisyon avek bann biznes e market ou biznes. Sa ti en loportinite.

E nou pe osi servi menm nou bann rezo sosyal kot nou pe kontinyelman promot sa bann kalite biznes ki annan Sesel. Nou, nou prefere promot sa biznes lokal ki pe fer *online* platform avan ou la *AMAZON* ek bann lezot platform enternasyonal. So sa ki nou pe fer.

E apartir sa lannen la sirtou avek *NISTI* ki'n bouz anba departman sa pou en plan stratezi ki nou pe travay lo la kot *NISTI* i kapab ed *ESA* pou annan sa bann platform apropiye pou ki bann biznes i kapab servi. Mersi.

### **MR SPEAKER**

Mersi. Onorab Mondon. I en klarifikasyon Onorab? Silvouple wi. Ok vitman.

### **HON JOHAN LOZE**

Mr Speaker mon krwar *CEO* pa'n ganny en konpran mwan. Pou nou promot en biznes lokal kree en *online* platform, *yes very good*, mon kontan sa. Sa i en pti biznes dan li menm kot nou a servi *NISTI* pou ede.

Mon kontan sa mwan. Selman ki mon pe dir ou, en dimoun ki li i pe fer son kolye

lagrenn Takamaka li, li i pe bezwen al kree *online* platform li i pa bezwen en dimoun kree *online* platform. I deza annan en 10zenn, *with an established market base.*

I annan de milyon dimoun ki pe antre dan en *bazar online* ki pe aste keksoz nou pa bezwen re-envant en bazar al rod en dimoun pou antre ladan pou li aste en pti kolye lagrenn Takamaka. I a pli fasil mo krwar pou nou fer parey delo swiv *the path of least resistance* e montre nou dimoun ki mannyer pou al vann laba deza. Mersi.

### **MR SPEAKER**

Ok, mersi. CEO ou a adres sa brefman please?

### **CEO ANGELIC APPOO**

Ok nou a pran ou propozisyon an konsiderasyon e nou ava regarde ki mannyer nou kapab travay lo la. Mersi.

### **MR SPEAKER**

Mersi CEO. Onorab Romain.

### **HON GEORGE ROMAIN**

Mersi Mr Chair. Bonn apre midi Minis ek *panel* ankor enn fwa. Mon kestyion i viz ver lafason ki *ESA* i kapab asiste bann pti antreprenor nivo distrik pou pli byen *market* zot bann prodwi espesyalman dan sa letan kot nou pei pe pas ladan. En senp legzanp ki nou

ti fer dan Anse E toile nou ti fer en fwa *en car boot sale* kot nou ti vwar bokou dimoun ti partisipe e a lafen sa *car boot sale*, zot tou zot ti vreman satisfe kantite dimoun ki ti –

Mon konnen la nou dan moman *COVID obviously* nou pa kapab groupe, me solman sete - *ok* ki ti kapab ed bann dimoun dan distrik parey mon pe dir ki ti kapab ed zot ganny sa platform, kot zot ti kapab vin vann zot bann prodwi.

Parey la dan le moman dan distrik Anse Etoile nou annan dimoun ki pe prodwi dimyel. I annan menm la mon konnen pe fer dile koko.

I annan sa biznes dan Anse Etoile, alor la mon kestyion se kwa ki dan zot plan pou entegre zot bann programm lo nivo distrik ki pou pli byen tous tou bann pti biznes lo nivo distrik? Mersi.

### **MR SPEAKER**

Mersi Onorab. CEO wi?

### **CEO ANGELIC APPOO**

Mersi Onorab pou ou kestyion . Premyerman parey nou Bidze i montre, nou Bidze ki nou ti abitye gannyen pou events in koupe e sa set akoz sa sityasyon ki nou ladan.

Oparavan letan nou ti annan sa resours, nou ti kapab fer me la nou'n bezwen redwi. Dezyenmman i annan en programm k nou apel

*Family Enterprise* ki *Minister* responsab pou Lafanmir in *come up* avek. E nou, nou pe travay de pros avek zot e avek Departman Lokal, kot nou pe al anmenn sa bann devlopman biznes dan fanmir dan lakominote. Sa i en a travay ki'n komanse e mon asire ki Minister pou vin lo medya pou *update* manm piblik lo sa bann programm ki nou pou vin avek.

E osi mon a profite akoz ESA li i ti pe komans sorti dan sa bann aktivite fer bazar pou dimoun *or al* dan bann distrik fer sa bann aktivite.

I plito nou pe ankouraz zot bann biznesmenn bann antreprenier zwenn ansanm e fer sa aktivite. Ou konpran? Akoz nou resours i limite e alors i pa anpes zot fer. Parey mon ti vwar Anse Etoile ti vreman en sikse. So zot kapab zwenn dan lakominote kree sa bann aktivite ki benefisyé zot kominate. Sa ki nou pe pouse an se moman. Mersi.

### **MR SPEAKER**

Mersi. Onorab Hoareau.

### **HON JOHN HOAREAU**

Mersi Mr Chair. Mr Chair, an 2019 ti annan en larzan ki – en donasyon plito ki ti ganny donnen par Gouvernman Sinwan ki ti 203, 521mil Dolar pou *ESA* pou zot refer bann kyosk kot Bazar Labrin. Mon

konnen poudir ti deza annan en larzan dan Bidze pou refer kyosk, me mon mazinen poudir sa in return dan *Consolidated Fund*.

Me sa ki mon pe demande se ki si sa larzan i ankor la, pou fer sa devlopman oubyen si i pe ganny transfer avek *MLUH* anvi ki zot ki pe al antreprann devlopman sa propriyeter?

2enm kestyon ki mon ti ava kontan konnen, se ki anvi ki *ESA* i sey atrap lanmen bann pti biznes fer zot vin mwayen e answit fer zot vin gran;- mon konnen dan sa tranzisyon i osi neseser pou annan serten kad, serten lenformasyon lo kote biznes pou ekip sa bann antreprenier, pou fer zot fer sa tranzisyon ant *small, medium* ek *large*, eski zot pe angaz sa bann antreprenier dan bann kour? Oubyen bann *workshop*, oubyen bann serten formasyon avek *TGMI* ki zisteman a kapab permet zot, donn zot sa bagaz pou zot kapab *handle* zot bann *accounts*, zot novo fason fer biznes ler zot pe *move from small to medium or to large?* Mersi.

### **MR SPEAKER**

Mersi. CEO.

### **CEO ANGELIC APPOO**

Mersi Onorab pou ou kestyon. Wi nou ti resevwar sa donasyon an Desanm 2019 e an Zanyye 2020 i ti ganny *bank* e i ti vini a lavaler 2.8milyon. An Fevriye 2020 preznan Gouvernman ti pran desizyon pou donn *SSI* propriyete ek responsabilite pou devlop sa sit ki apel Bazar Labrin. E alor *ESA* ti sorti dan sa devlopman.

E anvi ki sa larzan ti la, nou ti prezant en lot konsep avek Anbasader Sinwan pou ki nou devlop en lot landrwa akoz nou, nou ti'n kit Bazar Labrin pou *SSI* pran sa devlopman. Se sanmenm sa kot nou'n *redivert* sa *fund* Anse Royale e Cote D'Or.

Alor preznan nou *funding* li i pe al dan en lot proze. Alor *PS Finans* i kapab koz lo finansman anba Minister responsab pou Later akoz nou nou'n fini *redivert* nou *fund* pou 2 lezot proze.

Lagrandisman biznes definitivman tou le lannen nou fer sa bann formasyon ki finansyel, *marketing*, nou menm fer bann formasyon pratik pou devlop pou *skill*, talan e nou toultan pibliy nu bann *training* nou bann formasyon letan nou pe al fer.

So nou fer biznes konnen sak fwa ki nou pe al fer nou bann *training*. Nou ti konsantre bokou lo *training* fizik, oparavan me la avek

sityasyon nou'n bouz bokou nou bann *training* vertuel.

E nou pe fer bokou bann *video* kot nou pe poste pou ki kapab dimoun kontinyelman ganny en *skill* menm si ou se ou, menm si ou dan lakour ek zanfan, ou pe travay ou pe bezwen vey zanfan i bann *skill* ki paran etidyan, zanfan i kapab swiv.

So nou ankouraz zot pou swiv nou bann formasyon vertuel ziska ler nou kapab retourn dan nou bann formasyon fizik. Me selman nou pe met sa bann formasyon a laporte piblik. *Anybody* i kapab swiv. Mersi.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Chairman. Mr Chairman nou'n pas lo sa Bidze pou en pe letan la e mon krwar nou'n ganny sans konsider plizyer size me selman sa ki enportan, se ki en kantite in ganny fer pou sey devlop sa klima lantreprenarya ant bann pti e mwayen antreprenier.

E preznan sa ki reste pou fer se *ki the next step?* So kestyon ki mon annan pou Minis avek en Bidze 8.7milyon e sa lo li tousel pa pe kapab fer sa.

So kwa egzakteman ki Minister i annan lentansyon

pou fer. Nou konnen kwa ki'n fer dan le pase, me kwa ki Minister i annan lentansyon pou fer pou li fer pli byen swa pou li *improve* lo en lot keksoz;- swa anmenn en novo lapros ki anvi kontinyen devlop sa klima lantreprenarya.

E fer bann antrepreneur *move* dan sa ki dan ptipti *move to* mwayen sa ki mwayen *move* dan sa ki pli gro? Mersi Mr Chairman.

### **MR SPEAKER**

Mersi Onorab. Minis ki pou reponn. Wi Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab i byen sa ki ou ou'n dir wi, en kantite i n ganny fer. Be kot keksoz ki pa'n ganny fer se ki in napa evalyasyon pou regarde ki lenpak sa ki'n ganny fer in annan lo biznes.

E se sa morso dan sa *equation* ki manke pou ki nou kapab vreman divert nou bann resours pou al atak sa.

So avek nou resours ki nou annan la wi nou konnen i zeneralize, me selman nou vreman bezwen pe kapab al fer sa evalyasyon ki lenpak ki ti annan e vreman *it's only then* ki nou pou konnen egzakteman ki kote biznes i annan defayans?

Kote ki pe anpes zot progrese? Ki kote ki sa ptipti biznes ki anpes li ariv sa *small, e move from sa small to sa large. Thank you.*

### **MR SPEAKER**

Yes ou a terminen Onorab Pillay.

### **HON SEBASTIEN PILLAY**

Mersi Mr Chairman. Mr Chairman an prenan kont sa ki Minis in dir - Minis letan mon'n ekout ou en kantite depi sa bann dernyen zour en kantite keksoz ki pou pe al fer i bezwen lo bann evalyasyon e en dimoun - en *layperson* i pou dir ou en kantite keksoz pe vin an teori.

Ki reasirans ou kapab donn Lasanble e Lepep Seselwa e bann dimoun ki anvi lans zot dan en pti biznes ki sa bann evalyasyon pa pou en prosedir ki pou sitan long e ki *focus* pou ganny mete lo plito lo etabli teori, *rather* vin dan lapratik ki sa bann antrepreneur pe regarde?

Par egzanp *rising cost of rent* pou zot kapab ganny en landrwa pou vann zot bann prodwi. *Raw material* bann keksoz koumsa. Kwa egzakteman - kan eski ou annan lentansyon dan sa programm? Ouswa si ou pa ankor pare ki ou krwar poudir ou pou komans anmenn bann lentervansyon direk ver bann

antreprenier, pou zot kapab devlope? Mersi Mr Chairman.

### **MR SPEAKER**

Mersi. Minis wi?

### **MINISTER DEVIKA VIDOT**

Mersi Mr Chair. Onorab be imedyatman nou kapab komanse sa. Parske i konsern bann keksoz vreman senp parey angazman – angaze ek sa bann biznes. E set atraver bann *survey*, kestyonner kot ek sa bann biznes regard avek zot menm kwa ki zot problem.

E petet la mon ti\_ava lans en lapel avek biznes se kan ESA i anbark lo sa program, ki zot korpere.

Ki parey ou'n vwar avek *seed capital* petet o mon a donn en pti pe plis leksplikasyon; - en kantite aplikan i pe refize puo donn lenformasyon ouswa pe refize pou reponn sa *call* i fer li difisil pou zot kapab evalye kwa egzakteman kwa ki pe arive.

So mon ti ava kontan pran sa loportinite lans lapel. Wi i en travay entansif ki nou bezwen al fer ensi byen ki *within* Gouvernman osi i annan sa travay.

Petet sa i ava en pti pe pli – i ava pran en pti pe plis letan pou nou fer akoz nou bezwen tou nou bann *stakeholders* ki pe asize pou nou kapab *devise* ki mekanizm nou pou servi

pou nou kapab ganny sa bann lenformasyon. Mersi.

### **MR SPEAKER**

Mersi Minis. Onorab Gabriel si ou ti'n lev lanmen, ekskize mon pa'n soz lo la, me solman nou'n ariv la mon ti a kontan kontinyen e terminen silvouple. Mon apel Onorab Georges.

### **HON BERNARD GEORGES**

Mersi Mr Chair. Mr Chair mon pou demann ou tolerans pou mwens ki en minit silvouple akoz mon napa vreman en kestyon pou demann *panel*, me yer mon'n abord sa kestyon avek Minis.

E Minis in dir mwan kekfwa en moman apropriye ti ava ler *ESA* i la e pour mwan avek ou permision koz lo *Global Money Week* ki mon konnen *panel* i enterese avek e mon ti a kontan zis demann zot sipor silvouple pou sa demann.

E la i fer 4enm lannen konsekitif ki dapre sa ki mon konpran ki *Global Money Week* pe ganny selebre isi Sesel.

E sirtou pou bann zenn profesyonnel ki pe fer fas avek bokou lensertitud atraver zot swa karyer eksatera e bann biznes ki pe sey reste *afloat* dan sa peryod letan. *Global Money Week* i en pilie pou kree lentere e dan sekter

finansyel pou ofer bokou lesplikasyon lo bann prosedir prodwi, rol bann lorganizasyon egzakteman parey *ESA* pe fer la dan lekonomi e bann anplwayer dan lasosyete.

Pou sa rezon mon ti a demann avek Minis e *CEO* si zot partaz mon lentere dan bann keksoz parey *Global Money Week* e bann lorganizasyon parey *UN Youth Seychelles* ki pe promouvwar sa, sa lannen – en lorganizasyon ki regroup bann zenn dan nou pei ki enterese, pou enteres lezot zenn avek dan ledikasyon finansyel dan lafason pou metriz zot finans e pou kit kot zot antet e pou bouz devan dan lasosyete. Mersi Mr Chair.

### **MR SPEAKER**

Mersi. Minis ou annan okenn komanter pou fer lo la oubyen?

### **MINISTER DEVIKA VIDOT**

Mersi Mr Chair. Mon ava pas laparol avek *CEO* i ava donn plis lesplikasyon lo partisipasyon *ESA* dan *Global Money Week*. *Thank you.*

### **MR SPEAKER**

Wi. *CEO*.

### **CEO ANGELIC APPOO**

Mersi Onorab pou ou kestyon ek pou propozisyon. Annefe

nou menm *ESA* nou vreman enterese avek *Global Money Week* nou osi.

Depi lannen pase nou pe travay avek *UN Youth Seychelles* ki lannen apre lannen pe *host* sa semenn.

Lannen pase nou ti angaze ek zot kot nou ti zwenn en group nou'n delivre bann sesyon edikasyonnel ek zot e sa lannen osi nou pe fer li.

Sa lannen annefe zot tour i vertyel, kot *ESA* pou osi prezan sa Vandredi nou pou delivre en prezantasyon lo ledikasyon finansyel dan biznes.

E osi as en endivid; fonksyon *ESA* li menm kote nou kapab ed zot e nou, nou pe partisip ladan tre aktivman. Mersi.

### **MR SPEAKER**

Mersi. E avek sa mon ava envit bann Manm pou vot lo Bidze pou *Enterprise Agency Seychelles* ki lo paz 588 ziska 592 pou en total R8milyon 703mil. Manm ki an faver lev lanmen silvouple? Okenn ki kont? Mersi Bidze pou *Enterprise Seychelles Agency* lo paz 588 ziska 592 pou total R8milyon 703mil in ganny 32 vot pour, 0 vot kont e 1 abstansyon. Alor Bidze in aprouve par Lasanble.

Avek sa mon a dir zofisyen *Enterprise Seychelles Agency* mersi bokou pou zot

partisipasyon e mon a envit zot pou fer zot depar e nou a komans direkteman avek lot antite. Mersi bokou.

**(MINISTER VIDOT AND HER DELEGATION WAS EXCUSED FROM THE HOUSE)**

**MR SPEAKER**

Nou pe al pran Bidze *Industrial Estate Authority*. Mon le zis fer Manm e osi nou piblik konpran poudir nou annan en deadline pou pas sa Bidze. E mon pe fors mon lekor pou annan en serten disiplin avek letan. Alor zot a konpran e mon demann zot korporasyon. En pti moman Onorab Andre. *Yes please.* Wi Onorab Andre ki pwen ou le fer?

**HON CLIFFORD ANDRE**

Mr Speaker mon apresye ki nou pe *run behind* avek *schedule* me solman mon krwar i enportan ki bann kestyon i ganny poze.

E mwan osi mon ti'n lev mon lanmen parey mon mazinen Onorab Gabriel ti'n fer e letan Onorab Romain avek Onorab Porice i obor mwan i kapab konfirm sa.

E mwan mon santi ki bann kestyon ti en pti pe pertinan sirtou dimoun pe anvoy pe anvoy bann konsern ki reel an referans avek Bidze e letan nou pa ganny sans

pou nou demann sa kestyon i en pti pe – bann dimoun i santi ki nou pe fer nou travay parey nou devret.

E osi letan nou'n konte mwan osi mon ti'n *abstain* avek Onorab Gabriel savedir ti fer 2 abstansyon, i pa en abstansyon. So mon mazinen konte osi pa tro bon – i pa tro korek e nou bezwen fer li byen Mr Speaker.

Mon santi en pti pe fristre lo sa kote akoz mon pa'n ganny sa loportinite pou mwan kestyon ki mon ti devret demande. Mersi.

**MR SPEAKER**

Mersi, mon apresye. Onorab Gabriel mon apresye osi sa pwen. Ou le zis azout en keksoz, wi?

**HON CONRAD GABRIEL**

Yes Mr Chair. Mon eksprim mon mekontantman parey Mr onorab Anse Aux Pins - Onorab Andre wi, i malere koman en nouveau Manm pa ganny sans. Koman en Manm Elekte mon annan *issues* dimoun in teks mwan dan mon distrik pou mwan met deva. Zot pe *rush* avek sa Bidze ki nou pe ganny sans depouy li.

So Point Larue, pou ariv Anse Royale i annan proze partou mon ti pou demande ki proze petet Point Larue akoz *Airport* i kot nou, stratezik. I

annan zenn ki pe enterese dan biznes Mr Speaker we *have to be fair*.

Lo sa laliny ki la Onorab Audrey in lev lanmen, Onorab Cosgrow ou'n donn zot sans, nou ti ansanm dan lanmen so, pou mwan it's just – be fair!

### **MR SPEAKER**

Ekskize Onorab.

### **MR SPEAKER**

*... you have to be fair Mr Speaker! Ou bezwen annan en fairness koman en referee!*  
Alright mersi.

### **MR SPEAKER**

Mersi Onorab. Onorab mon zis eksplik ou ki mon pa'n vwar ou lev lanmen sanmenm tou. Mersi.

### **INDUSTRIAL ESTATE AUTHORITY**

### **MR SPEAKER**

*Ok nou pe pran Bidze Industrial Estate Authority e nou zwenn Minis avek PS Antat. Nou annan Mr Roy Collie son Chief Executive Officer e Mr Barry Assary son Deputy Chief Executive Officer. Alor avek sa mon ava envit Minis pou prezant Bidze pou sa Authority.*

### **MINISTER DEVIKA VIDOT**

Mersi Mr Chair. Mr Chair avek nou, nou annan Bidze IEA. Parey mon ti fer resorti yer parmi lobzektif e responsabilite Minister se pou met a dispozisyon avek bann lakominote biznes, son resours tel ki later e lespas. E Lotorite Endistriyel Sesel zer later endistriyel *on behalf of* Gouvernman e osi bann lespas ki ganny *assign* avek li .

An se moman parey zot tou zot konnen i annan en *moratorium* lo transfer later e sa i akoz ti annan en kantite konplent ki ti pe viz ver sa Lotorite, alor Gouvernman - nouveau Gouvernman koman in pran lofis in fer li son devwar pou met en *stop* lo tou transfer e pe fer en *investigation* - en odit pe ganny fer dan lafason ki bann loperasyon ti pe ganny zere dan IEA.

E an se moman mon kapab fer resorti poudir i annan en kantite defayans ki'n ganny trouve dan ban loperasyon tel ki lalis - *master list* ki sipoze pe ganny zere, bann *breach of list* ki pa ti pe ganny *take up*. En lot keksoz i an aryeraz lo bann larzan ki sipoze ganny peye pa'n ganny fer.

E lo sa nou konnen poudir en lanons ki'n ganny fer piblikman lo medya, ki pe lans en lapel pou bann dimoun pou vin pey zot bann aryeraz. Avek sa mon a pas

mikro avek CEO IEA – I nouveau CEO. I fek antre dan lofis Fevriye sa lannen.

Avan i ti antre nou ti fer sir poudir louvraz – en bon pe louvraz in ganny fer pou 1 nouveau etabli egzakteman en pti pe kwa – ki bann *issues* pou ki letan i antre i pou kapab demar toudswit pou sey rezourd. Mersi.

### **MR SPEAKER**

Mersi. CEO pou ekliersi keksoz la Minis?

### **MINISTER DEVIKA VIDOT**

Yes i pou zis en pti lentrodiksyon, apre i pou komans avek kestyon.

### **MR SPEAKER**

Mersi. CEO.

### **CEO ROY COLLIE**

Mersi Mr Chair. Bonn apre midi Mr Chair. Bonn apre midi tou bann Onorab e tou dimoun a lekout. Lotorite pou bann *Zone endistriyel* i sa antite ki responsab pou develop e zer bann *Zone endistriyel* e bann lokasyon mikro antrepriz.

Mandan Lotorite pou sa *Zone endistriyel* i pou fasilit developman bann *Zone endistriyel* ki diversifye atraver kreasyon en lanvironnman favorab gide par en Polisi e stratezi Gouvernman kot i konsern

*Zone endistriyel* e bann lokasyon mikro lantrepriz.

Dan nou Bidze total i annan en logmantasyon 30milyon 953mil e sa i fer provizyon pou 2 proze *capital* ki *Zone 20* pou 19.2milyon e Zil Eve 11.7milyon.

I osi annan en rediksyon 807mil dan ‘*wages and salaries and good and services.*’ Mersi Mr Chair.

### **MR SPEAKER**

Mersi. Nou a komans avek lentervansyon bann Manm. E les mwan verifye mon lalis avan pangar mon'n mank en dimoun ankor e mon pa oule ofans okenn *MNA*. Mon annan Onorab Pillay, Lemiel, Gill, Vidot, Gabriel, Cosgrow, Ghislain, Loze, Bastienne mon 'n mank Onorab Uranie tre byen ok Uranie, Bastienne, Roucou, Labonte, Woodcock Hoareau, Naidu, Roucou Monthy Labrosse, Adelaide Porice, Andre, Romain William, Henrie, Arissol osi Mondon. Mersi nou a komanse. Onorab Gabriel.

### **HON CONRAD GABRIEL**

Mersi Mr Chair. *Welcome panel* e bonn apre midi tou dimoun a lekout. PS. Premyerman i annan bokou zenn dan mon distrik ki pe sey debourye. Nou konnen nou teren ki mannyer i ete i annan ki'n fer laplikasyon en

pe letan pou ganny en pti morso Providence – en pti bout pou kapab fer zot biznes. I annan bokou pou nonmen.

Petet dan sa laliny mon a demann *CEO* ki bann plan pou lavenir pou bann zenn ki anvi etabli zot pou kontinyen fer progre dan biznes? I annan ki serye telman sere, in fer visit parti vizit, so eske la zot ankor pe espere, mon ti a kontan ou dir nou ki plan ou annan egzakteman? Vi ki ou nouvo ou osi.

Dezyenmman nou pe get dan ou *security enforcement* i annan R1.7million. Zis don nou en pti pe detay *exactly* ki si sa e ki bann *entities* ki pe ganny proteze mon krwar en pti pe dan sa laliny? *Then* mon a follow ek siplemanter si i annan. Mersi.

### **MR SPEAKER**

Siplemanter i pou zis leksplikasyon e klarifikasyon Onorab en? Wi Minis diriz ou delegasyon lekel ki pou reponn?

### **MINISTER DEVIKA VIDOT**

Mersi Mr Chair. Petet mon a zis donn en *overview in regards* kot proze. Parey in ganny nonmen oparavan nou annan sa *One District One Project* ki sa *encompass* en kantite bann distrik e bann proze ki vize ver bann distrik.

An se moman nou napa nou napa sa finansman pou met an mars sa bann proze, me byensir nou pe regarde ki mannyer nou pou kapab fer bann partenarya avek bann dimoun prive pou nou kapab realiz la. Parske later i la, later in ganny idantifye, me zis nou bezwen pe kapab konstri e pou kapab met a dispozisyon sa bann lespas.

Mon ava pas laparol avek *CEO* pou reponn en kestyion an se ki konsern *security services*. Me si mon pa tronpe sa is in relation to bann *enterprise centres* ki annan bann sekirite ki veye.

I annan 4 *enterprise centres if I am not mistaken*, ki pe ganny sa servis an se moman. Mersi.

### **MR SPEAKER**

Wi *CEO*?

### **CEO ROY COLLIE**

Zis pou elabore sa ki Minis in dir lo kote sekirite nou annan sekirite Anse Boileau kot *Maison Simone*. Nou annan Plaisance, nou annan Union Vale e osi kot nou ‘Leve Debourye’ Providence kot Zone 18. Mersi Mr Chairman.

### **MR SPEAKER**

Mersi. Onorab Andre.

(laughter)

**HON CLIFFORD ANDRE**

Mersi pou sa laplodisman ki zot donnent. Bonn apre midi Mr Speaker, Minis avek ou delegasyon. Avan mon komanse mon ti ava kontan felisit Mr Collie en manrmay Mont Fleuri me selman in emigre Au Cap parey mwan mon 'n imigre Anse Aux Pins, i montre ki nou bann dimoun ki annan kapasite pou nou travay.

En kestyon ki Mr Collie in dir dan *capital projects* ki nou bezwen ganny klarifikasiyon akoz dan dokiman *capital projects* i 36milyon e sa sif ki ou'n donn nou 19.9milyon *Zone 20* e lot ou'n dir nou 11.7 i pa fer 36milyon. I tonm 31.6, so si ou kapab eklersi mwan lo sa size?

Letan nou pe get bann revenue ki ou gannyen ou *SMA Building Providence*, ki in sorti 3.3milyon i pe mont 5.8milyon, e se sanmenm sa ki zot ti'n prozekte an 2020 dapre dokiman ki nou annan, zot' in prozekte li letan zot in fer en *revised budget* zot ti'n ganny 3.3 me la zot in retourn li 5.8, zis dir nou akoz e ki kante batiman ki zot annan?

Akoz si ou annan batiman zot bezwen konnen konbyen ou pe lwe, e konbyen ou sipoze anmase par lannen. Sa i 2enm.

3enm i annan *long term lease land and building* ki li i reste, i reste 12.1 milyon e si nou pe dir ki i annan n dimoun ki pa ti pe peye e ki zot pe demande pou vin pey bann *arrears*, akoz sa sif in reste parey i pa'n monte? Mersi.

**MR SPEAKER**

Mersi. Minis wi?

**MINISTER DEVIKA VIDOT**

Mersi Mr Chair. Mersi Onorab pou ou kestyon. An se ki konsern *CAPEX projects* e sa ki'n ganny pase dan Bidze, rezon akoz i diferan, set akoz kou proze i pa parey avek larzan ki pe ganny disburse by Finans sa lannen.

So sa i rezon akoz i annan disparity dan sa *2 figures*. CEO i a kapab donn ou egzakteman bann *figures* pou ou pou vvar.

Par egzanp ... i son kou proze pe ariv 20milyon me solman nou'n ganny *disburse* 11milyon pou sa lannen si mon pa tronpe. Petet avek *mid-year review*, nou a kapab ganny en revizyon an se ki konsern sa.

Kot ou pe regarde kot revenue not being collected, sa i akoz lafason ki sa *statement*, in ganny prepare, pandan lannen pase, ki mannyer - parski mwan osi mon'n demann sa kestyon, ki mannyer in ganny prepare se

ki *mid-year* zot fer en revizyon lo *actual figures* ki pe ganny kolekte, alor i revize sa budget for 2020.

E la zot in met sa *figure in accordance to the actual collection* ki zot ti pe vwar. *This is the trend being collected.* Me sa menm legzersis i paret mwan pa'n ganny fer pou *lease* – *in regards to the lease.*

E petet la zis mon a fer resorti poudir nou annan sa *issue debt collection* lo kote *IEA* ou pou remarke pou dir i annan serten departman kot petet zis 16poursan of total rent being collected ki pe aktyelman pe ganny kolekte.

Mon a pas laparol avek CEO zis pou ...

### **MR SPEAKER**

CEO oule azoute wi?

### **CEO ROY COLLIE**

Yes zis pou azoute parey Minis in dir an 2020 – nou ti'n prozekte pou anmas 3.3 milyon, pou bann sant antrepriz e nou'n anmas 3.4. *As regards to lease* bann long term *lease* prozeksyon ti 12milyon e nou 'n anmas zis 7.7milyon an 2020. Sa i fer en total 11.2milyon. Mersi Mr Chair.

### **MR SPEAKER**

Klarifikasyon Onorab? Wi.

### **HON CLIFFORD ANDRE**

En pti klarifikasyon. Minis letan ou 'n reponn mwan ou'n dir poudir lafason ki bann travay pe ganny fer pou vwar ki mannyer bann koleksyon i ganny fer. Dan sa konteks mont i a kontan demande si zot annan bann proze pou *PPP - Public Private Partnership* akoz mon krwar sa i enportan pou devlop menm *ESA* ki'n vini boner e avek sa ki la.

Pou CEO in dir ki zot in prozekte 3.3, me zot in anmas 3.4 ou konnen sa liv ki nou gannyen swa i annan keksoz ki pa tro, tro byen akoz prozeksyon pou 2020 se pa 3.3 me i 5.8.

E letan i dir nou poudir koleksyon ki zot in anmase i 3.3. So se sa bann – ou konnen, akoz mon konnen ou nouvo – mon konnen ou nouvo CEO e kekfwa i la premyer fwa ki i pe donn sa e ou bezwen konnen lenformasyon ki ou gannyen, me selman i enportan ki nou ganny bann sif sirtou kot i konsern Bidze e larzan piblik, korek ki nou osi nou kapab fer en dediksyon lo la, e dimoun deor i kapab fer en dediksyon lo sa ki nou pe dir. Mersi.

### **MR SPEAKER**

Mersi. CEO wi?

### **CEO ROY COLLIE**

Mersi Onorab. Ou konnen sa *figure* ki mon'n dir ou ti en *revised budget*. Actual ti 5.8 wi apre i ti ganny *revised to 3.3* apre pou *lease* ti 12 – ti reste menm parey. So sa *figure* ki mon'n donn ou i korek. Mersi Mr Chair.

### **MR SPEAKER**

Ok mersi. Minis wi?

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Annefe *PPP* i laliny ki nou pe ale spesyalman, an se moman ki annan sa konstrent finansyel kot Gouvernman pe napa finansman pou bann *capital projects*, so nou pou viz dan sa laliny. Mersi.

### **MR SPEAKER**

Mersi. Onorab Hoareau.

### **HON JOHN HOAREAU**

Mersi Mr Chair. Mr Chair mon oule sirtou fer en pti pledwari pou zabitant mon distrik ki pe lwe en pti plas – en pti biznes ki pe lwe en pti plas dan ‘Leve Debourye.’ An vi ki Gouvernman pe demann ban sekter prive ki zot lwe zot landrwa avek, pou fer desann zot *rent* par 25 poursan, eski zot osi zot pe konsidere an solidarite avek sa bann dimoun ki pe ganny en lavi an se moman?

Akoz zot pa pe vann naryen zot pa pe fer gran zafer pou zot osi fer desann zot *rent* 25poursan pou ed sa bann pti dimoun sa bann pti biznes plito dan zot batiman ‘Leve Debourye’ oubyen bann batiman ki ganny trouve Union Vale ensidswit? Mersi.

### **MR SPEAKER**

Mersi. Minis.

### **MINISTER DEVIKA VIDOT**

Yes, mersi Mr Chair. Mersi Onorab pou ou kestyon. Onorab nou konpran vreman zot sityasyon, me solman nou osi nou pe enplor zot pou konpran, nou sityasyon osi. Dan sa *building* an se moman zis 16poursan *rent* ki pe ganny kolekte sa total 100poursan ki ti merit pe ganny kolekte.

So *IEA* osi i pe ganny en *shortfall* dan *revenue collection* terib, sibstansyel. An se moman i annan en aryeraz apepre 10milyon *ok* ki *outstanding* ki pa ankor ganny peye.

So zot osi an term finans nou vreman *tight*. Me mon *take note of* ou *proposal* annefe, mon panse ti annan en let ki ti'n ganny soumet avek lofis i anba diskisyon. Mersi.

### **MR SPEAKER**

Mersi Minis. Onorab Gill.

### **HON CHURCHILL GILL**

Mersi Mr Chair. Bonn apre midi Minis ek ou delegasyon. Mon premye kestyon donne ki *Eve Island* son later i annan *inland* apre i annan obor delo sale, e vi ki tre byento bann *tender* pou al sorti, eski sa *land use plan* ki dan programm pou finalize pou *Eve Island* pou ganny finalize avan *tender*, pou fer sir ki napa plot later ki ganny kit deryer, ki pa kapab ganny *tender* akoz ki i pa ankor finalize?

Mon 2enm kestyon dan sa alokasyon 15milyon ki kalite travay ki sa pou *entail*, vi ki Finans in *allocate* zot zis serten porsyon kou sa proze ki sipoze ganny fer?

E mon 3enm kestyon, konnyen letan zot ekspekte sa proze i pran pou konplete? E eski sa travay i osi *involve survey work* oubyen si tou *survey work* in fini konplete? Mersi.

### **MR SPEAKER**

Mersi Onorab. Minis wi?

### **MINISTER DEVIKA VIDOT**

Mersi Onorab. Mersi pou ou bann kestyon. Annefe i annan en travay ki letan nou'n antre dan lofis, e nou'n komans regard sa proze *following*, sa vizit se regard sa *land use plan*, alor ti annan en revizyon ki'n ganny fer ti annan en

travay ki Minister Later ek Labita in fer lo sa.

Savedir mon panse ki *by now* sa bout - sa morso travay in fini ganny konplete. So sa *land use plans* in ganny revize pou fer li en pti pe pli an a-kor avek en *industrial Zone* kot bann aktivite endistriyel ki en pti pe pli *heavy* i ganny mete en pti pe pli lwen avek akse larantre kot *Eve Island* e tou sa. So sa i enn.

An se ki konsern proze avek sa Bidze ki'n ganny *allocated* avek nou, an se moman la mon pa pou kapab dir ou egzakteman ki poursantaz proze ki sa pou konplete? Akoz ou konnen par ler dan proze i annan bann *high value items* ki - bann *high valued works* ki ganny fer en pti pe pli tar dan proze konpare avek lo komansman ki konsern *site clearing*, fer *levelling* semen ensidswit.

Me petet *in terms of survey* nou konnen tou bann *plots* in fini *survey* petet la i ava en loportinite pou nou eksplik en pti pe defayans ki nou'n *come across* lo sa proze.

Parski ou'n demann mwan *timeframe* osi kan i pou fini akoz sa posibleman afekte *timeframe* en pti pe. Nou ti angaz en konsiltan pou ed mon lofis, avek revwar en pe sa bann proze, spesyalman vi ki mon en pe nouvo pou regarde evalye.

E i annan en bon pe konsern ki'n ganny souleve e akoz letan sa plan semen in ganny fer i pa'n fer provizyon pou kantite keksoz, so *service corridor*; - for instance akse *utilities*; - savedir elektrisite delo pa ti'n ganny prevwar. So i annan en louvraz ki bezwen al reganny fer, so sa plan pe reganny vwar en pti pe me kontrakter i ankor *on site* e zot pe kontinyen avek zot travay.

So *timeframe* i pou ganny drwa afekte en pti pe. Me pa zis ki sa akoz ki sa *road reserve* ti'n fini ganny desinen, sa *plot* in fini ganny desinen se later ti'n fini ganny *survey* i annan bann later kot nou pou bezwen fer en *easement*.

Setadir nou pou bezwen mont en pti pe lo sa bann *plots* lo tou lede kote, pou fer sir ki i annan sa *service corridor* pou deservi sa bann laliny *sewage line*, delo, elektrisite e tou sa. E i osi pou bezwen annan bann *plots* ki nou pou bezwen *allocate* spesifikman pou fer bann stasyon parey bann *substations, lifting stations* pou *sewage*. En pti pe dan sa laliny.

E en pti pe pli tar si petet ou annan en lot kestyon, akoz en bon pe konsern ki'n ganny leve lo sa proze. E ti ava bon ki petet nou kapab ganny en diskisyon pou met azour avek.

### **MR SPEAKER**

Wi Onorab.

### **HON CHURCHILL GILL**

Mersi Mr Chair. Minis pou letan normalman dan en *industrial estate* avan ler later i ganny *allocate* normalman bann *utilities* i devret la li, me vi sa defayans i pa lo sa bann dimoun ki'n ganny *lease* later, en defayans ki'n vin lo Gouvernman atraver sa Minister, eski ler ou pe evalye bann dimoun ki pa ankor peye, eski sa osi pou ganny pran an kont parsyelman akoz la zot napa bann *utilities* si i difisil pou zot kapab devlope. Mersi.

### **MR SPEAKER**

Mersi. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Akoz nou pou bezwen antre an negosyasyon avek sa bann dimoun osi pou fer diskisyon lo sa *easement* parey ki mon'n koz avek ou lo la. So i ava annan serten negosyasyon k i nou pou bezwen antre avek sa bann dimoun pou kapab sort sa *out*.

### **MR SPEAKER**

Mersi. Onorab Bastienne.

### **HON DESHEILA BASTIENNE**

Mersi Mr Chair. Bonn apre midi Mr Chair. Bonn apre midi

Minis avek ou *delegation*. Mon kestyon i, eski Minis i kapab dir mwan, ki aksyon ki pou ganny pran konsernan bann later dan Perseverance pou arive met a dispozisyon bann pti biznes, preferableman bann zabitan Perseverance an premye?

Vi ki an se moman i annan bokou pti biznes ki pe ganny arive kot bann flat;- tel parey obor bann flat i annan garaz ki pe *go on*, i annan bann loto ki pe ganny penn lanmenm, ki pe ganny *spray, welding* pe ganny fer, sarpantye e lezot ankor ki pe ganny fer dan kwen flat.

Akoz zot pe dir ki zot pa pe ganny en landrwa pou zot fer zot pti biznes e sa pe koz bokou nwizans e problem antre vwaren. Ki desizyon ki zot pou fer pou tir san bann pti biznes lo flat silvouple?

Apres anba ‘*strategic priorities’ bullet point 10* i annan sa bout kot nou kot in mete *Review Industrial Estate Act and Lease Agreement*.

Minis eski ou kapab dir ek sa Lasanble ki pou arive ek sa bann later da Perseverance ki ti anba *lease*, e parmi i annan ki’n ganny vann.

Eski in ganny vann avek Seselwa ou etranze? E osi nou ti a kontan konnen si sa bann later ki’n ganny vann son *lease term* ek son peyman ti’n konplete? Ti napa okenn

*arrears* avan ki sa lavant ti ganny fer.

E apre mon ti a demann CEO, si posib mon ti ava byen apresye si ou ti a kapab fer mwan ganny kopi *Tenant Masters List* pou Ile Perseverance. Mersi.

### **MR SPEAKER**

Mersi Onorab. Minis ou a konmanse.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab sa *issue* pou bann pti biznes i pa zis sorti kot ou distrik. Mon panse i konsern bokou *MNA* akoz i en problem ki arive dan bokou distrik.

Alor solisyon ki nou pe anvizaze viz ver parski ou konnen poudir later i limite, later i e resours limite. E i domaz ki petet dan lepase lafason ki in ganny *allocate* i pa’n tro efikas.

E ki i annan de fwa ki ou ganny bann gro morso later e sa dimoun pa devlop li *fully* e i ti kapab ganny en pli pti morso.

So nou’n vwar ki petet en solisyon ki kapab deservi en pe plis dimoun se lo en morso later ou fer en striktir ki pou kapab *accommodate* detrwa dimoun, lo en sel porsyon;- espesyalman parey bann mekanisyen ki pe fer garaz zot ava annan zot en lespas avek

sa morso. So sa i enn bann keksoz ki nou pe regard ladan.

An term *Reviewing of the Industrial Estate Authorities Acts* avek *Lease Agreement*, aktyelman parti sa louvraz ki nou pe antreprann an se moman se *Review of the Lease Agreement*.

Parski *going forward* nou pe nepli anvi pou dir sa bann *practice* kot en dimoun i kapab pran son *lease* e vann avek en lot dimoun.

E i kapab *skip the queue* kan en dimoun ki li i lo lalis pou en bon pe letan i ankor pe espere me sa dimoun li *once* i vann ek en lot dimoun, ki annan larzan i vini i aste so i *skip the queue*.

E *Lease Agreement* pe ganny *reviewed* pou fer sir ki tou sa bann *loopholes* i ganny fermen. E sa legzersis in fini ganny *undertaken* depi ler ki mon'n pran lofis mon'n fer sir poudir sa pe ganny fer.

*Reviewing of the Industrial Estate Authority Act* i ava ganny fer pour ki i ava donn *Industrial Estate Authority* en pti pe plis ledan.

Zot sipoze en Lotorite, me selman si ou regard zot Lalwa zot napa vreman *enforcement powers*. So i neseser ki sa i bezwen ganny adrese pour ki i donn zot sa pouvwar.

An se ki konsern sa later ki'n ganny vann ensidswit ki ou'n demande, aktyelman sa

pe form parti sa lenvestigasyon ki nou pe fer.

Nou bezwen pe fer en konplet levanter lo later. So se pou sa rezon lo sa *tenant master list* ki ou pe demande, an se moman la i pa posib pou ou gannyen parske i pa ankor konplet, parske nou bezwen konmans *from scratch, build it up from rikord* ki sorti *from Rezistrar*, epi konpar li ek rikord ki ti annan kot *IEA* e konpar li avek rikord ki ti kot *Ministry of Land Use and Habitat back then*. Mersi.

### **MR SPEAKER**

Mersi Minis. Onorab Romain.

### **HON GEORGE ROMAIN**

Mersi Mr Chair. Ankor enn fwa mon a – en pti felisitasyon pou Mr Collie. Mon kestyon i mon pe get lo kote *rental, batiman*.

An vi ki zot menm pe lwe batiman avek bann lezot dimoun lo later konble, mon vwar en pti pe drol ki mannyer zot pa ti kapab met zot prop batiman pou zot abit ladan. Zot ti kapab *rent* zot biro.

Akoz ler mon pe regarde mon vwar R2.2milyon. Mon vwar li en pti pe bokou kan zot ti kapab annan zot prop batiman lo sa later.

Apre mon dezyenm kestyon anvi ki mon konnen Minis in tous en pti pe lo la bann pti biznes ki annan dan

distrik, mon krwar Minis in deza mansyonnen mon krwar premye fwa ki i ti vin dan Lasanble. Mon pa tro asire selman mon'n tann Minis koz en pti pe lo la.

Kot i ti mansyonnen parey tou bann dimoun ki fer garaz en konparezon pou met zot tou en sel landrwa, bann dimoun ki fer sarpantye parey.

Alors mon ti a kontan demann Minis ki i pe mazin sa ki i ti pe mansyonnen si sa i pou materyalize dan le fitir? Mersi Mr Chair.

### **MR SPEAKER**

Mersi. Minis wi.

### **MINISTER DEVIKA VIDOT**

Mersi Mr Chair. Mersi Onorab pou ou de kestyon. An se ki konsern *rent* nou pe fer serten demars pou ki dan le fitir nou pe kapab *occupy* enn bann *buildings* ki apartyen *IEA*. Akoz an se moman wi nou *rent* i en pe o. So nou pe fer le neseser pou ki sa i ava redwir definitivman.

An se ki konsern ou kestyon numero 2, wi parey mon'n eksplik Onorab Bastienne, sa i definitivman laliny ki nou pe al ladan.

Sa bann striktir ki ava kapab *accommodate* detrwa aepre 5, 6 an menm tan, si pa plis ki dan plas donn 8 morso later, en morso later e ou ganny sa lespas ladan. Mersi.

### **MR SPEAKER**

Mersi. Onorab Loze.

### **HON JOHAN LOZE**

Mersi Mr Speaker. Mr Speaker mon oule *welcome* Mr Collie dan Lasanble. En zanmi de long dat. Nou'n lekol ansanm pandan plizyer lannen lekol Mont Fleuri dan primer e mon konnen ki i en dimoun tre kapab, tre abir ki pou nobou fer sa louvraz ki in ganny konfye pou fer. E i annan tou mon sipor dan sa parkour ki devan li.

Mr Speaker mon premye kestyon, Minis ou kapab *bear with me* kestyon i pou ou. *Bear with me just a minute.* Onorab Waven William in annan en problem dan son distrik li pandan en bon pe letan ki i pe sey konplent sa. Labatwar pe vin kot li e Onorab William li in idantife en problem avek.

*Now, nou Sesel nou get labatwar – labatwar i labatwar nou'n abitye ek li toultan. Be si parkont ou pran son *waste* ki i prodwir e ou pran son konsonmasyon lenerzi, son bann *energy flows* otomatikman labatwar i ganny grade konman *industrial* li.*

Alors *from that* nou dedwir otomatikman ki Onorab William i annan rezon ki sa i devret laba kot Mr Collie e pa sipoze Grand Anse kot li.

*Now, rezon ki mon'n al ladan Minis se ki environmental support systems pou heavy industry Sesel i en field ki non egzistan.*

Mon pe met sa kestyon avek ou akoz mon konnen ou pou konpran egzakteman kot mon pe sey ale avek sa. Eski ou santi ki i annan lespas pou nou konmans kree sa direksyon e sirtou pa zis pou *individual businesses* me pou *industrial estate* an antye, kot nou pou kapab annan bann dimoun ki ava *assess*, ki a gete konsonmasyon lenerzi, *waste* i ganny prodwir, si i annan *metal recycling* lakantite slab ki annan.

*Pops* ki pe antre dan later. En fason kot nou pa ava zis annan en *industrial estate* kot nou lager later lekel ki vann, lekel ki annan, kantite ki annan. Be nou get son dirabilite, long term osi pou nou pep e pou nou dimoun ki pe travay laba pa zis mor ek kanser, san ki nou konnen akoz zot pe mor ek kanser.

Sa i mon premye kestyon Minis. E ankor mon krwar ou konn mwan *by now*, si i annan plas petet pou NGOs sa bann zenn dimoun antre dan sa *field*, e nou konmans devlop dan sa direksyon.

Mon dezyenm kestyon mon'n tann fer mansyon ki nou al dan direksyon nou kree en batiman nou met bann,

*well mon sipoze bann symbiotic clusters ki pe travay parey under one roof.*

Eski Minis ouswa Mr Collie zot santi ki i kapab annan posibilite pou kree enn sa landrwa, sa batiman la pou bann manrmay ki *graduate SIT*, bann ki *graduate* dan bann *heavy industries* elektronik, *plumbing*, feray, bann ki fer *heavy machining*.

Si i kapab annan en landrwa entermedyer pou met zot letan zot *graduate* ki zot kapab pratik zot *oeuvre* pandan en pe letan, *until* zot kapab zis pou ankouraz zot antre dan sa *field* zot menm ki zot in etidye pou fer? So if such a thing is possible.

Mon dernyen kestyon mon pa asire si i pou fit vreman anba isi la. Mon pou poz li kantmenm akoz mon santi i ed pei avanse.

Mr Collie mon anvi konnen si nou kapab Sesel annan nou en *science park* ouswa en *university park*, en *techno park*?

En landrwa ki ava atrakte konesans, ankouraz lapartaz konesans e atrakte lenvestisman teknolozik. Pa neseserman *heavy industrial* me plito teknolozik? Mersi Mr Speaker.

#### **MR SPEAKER**

Mersi. Minis ou pou konmanse? Wi.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab mon byen kontan ou'n fer sorti ou konsern an se ki konsern Onorab Waven William. Annefe labatwar pa pe anvizaze al kot *lease* so i napa tro bokou konsern pou li fatig li an se ki konsern sa.

An term ou pwen ki ou'n fer lo pwen lanvironnman *fully take note of that*. Mersi bokou. E en lot keksoz osi ki petet i osi enportan *it's in regards to Providence Industrial Estate*.

*Or any other estate for that matter i annan health and safety assessment* ki ganny fer lo la. Ki an se moman ler ou regard Providence i vreman, vreman napa en bon nivo *health and safety* ki pe ganny antreprann anba la.

Savedir ki *in short i pa safe*. Providence i *pa safe* pou le moman e i annan serten travay ki nou pe fer ki nou ava *hopefully* kapab *mitigate* en pe sa bann *risk of bann lensidan* ki pe repete.

Wi an se ki konsern batiman avek sa bann *clusters* ki pou al pou bann zenn ki fek *graduate*. Petet kekfwa lafason ki nou ava fer li ki ava en pli bon nide, se ki sa bann dimoun letan nou pe fer sa bann alokasyon sa bann lespas, sa bann dimoun petet nou a kapab dir zot be si zot

pare, *in order* pou zot ganny plis pwen pou zot kapab ganny sa lespas, se zot langazman pou zot *train* bann manrmay ki pe sorti dan sa bann Lenstitisyon.

Alor i kapab vin en *cluster* ki kapab vin *sort of* en *training facilities*. Akoz sa bann manrmay lo konmansman zot pou napa sa finansman, pou zot lans dan sa travay espesyalman ou pe dir *heavy machinery* i pou koute.

So e pa zis sa akoz i bann keksoz ki petet *again health and safety* i en pe danzere. I a pli byen si zot annan sa *mentor*. I ava annan sa dimoun pou atrap zot lanmen pou ed zot.

So petet sa i ava *compel* sa bann dimoun ki pou vin pran sa bann lespas, sa bann biznes e i ava *allow* sa *transfer of skills*. Ler ou regarde tou le de kote i benefisye.

E ou katriyem pwen si ou kapab zis repet ou katriyem kestyon pou mwan *please?*

### **HON JOHAN LOZE**

*Minister* mon ti pe *enquire* si i annan posibilite pou nou annan kreasyon en *science park*, en *university park* ouswa en *techno park*?

En keksoz ki ava atrakte lenvestisman. Sa lenvestisman plito syantifik,

teknolozik e ede dan partaz konesans, *transfer of skills* avek lepe Seselwa *whilst*, a la menm enstan nou pe annan en nivo Lendistri pli avanse ki sa *pure heavy industry* ki nou pe diskite la an se moman. Mersi Mr Speaker.

### **MR SPEAKER**

Mersi Onorab. Wi Minis.

### **MINISTER DEVIKA VIDOT**

Mersi Mr Chair. Mersi Onorab pou sa kestyon an fet pou repet ou kestyon. Definitivman sa i en nide ki mon krwar apre ler ou pe regard nou pei zanmi Maurice sa i enn bann landrwa ki in envesti ladan. In vreman fer sa sekter bouze.

Me selman nou bezwen pran kont ki i pa pou kapab ganny mete telman dan en landrwa endistriyel. Plito nou pou bezwen rod en lot morso later.

So petet nou pou bezwen koz en plis avek Minister later pou regarde idantifye e fer *land use plan* ki ou met alokasyon, ou rezervasyon sa bann morso later pou sa bann aktivite parey. Mersi.

### **MR SPEAKER**

Mersi Minis. Onorab Clive Roucou.

### **HON CLIVE ROUCOU**

Mersi Mr Chair. Bon apre midi Minis avek ou delegasyon. Bon apre midi tou koleg Onorab. Mr Speaker, Mr Chair Minis dan son lントrodiksyon in koz lo moratoryonm lo transfer later, lodit ki'n ganny fer.

Alors mon anvi demann Minis avek bann dimoun ki'n fer zot prosedir byen e ki zot in konplet zot deposit lo later, konbyen letan zot pou espere pou zot ganny zot bout later e konmans re fer zot devlopman?

E anba 'current challenges' kot i dir "unable to meet demand for land and workshop spaces" mon anvi demann Minis si dan son investigation, zot in vvar konbyen dimoun oubyen biznes ki'n deza annan plis ki enn ou de bout later Providence ki'n re ganny ankor Perseverance?

E ankor dan sa dezord ki'n annan laba, si dan Bidze in fer okenn availability pou investigate bann morso later kot bann endividé in encroach lo en bout later, oubyen zot in menm bouz zot taso pou zot ganny en bout later pli gro? Mersi Mr Speaker.

### **MR SPEAKER**

Mersi Onorab. Minis, go ahead.

**MINISTER DEVIKA VIDOT**

Mersi Mr Chair. Mersi Onorab pou bann kestyon, vreman enteresan. Ok an se ki konsern *moratorium* e kan ki nou pou kapab relev li. I annan en kantite, kantite louvraz ki bezwen ganny fer parske sa *investigation* pe *reveal* en kantite defayans.

Par egzant later i enn me letan ou konsider lespas osi i en lot zafer. Par egzant dan diferan *enterprise centres* parey nou apel li, diferan grander lespas, diferan *tenant* pe ganny sarze diferan *rates*. I pa konsitan.

So lafason ki sa bann *rates* in ganny kalkile nou pa pe kapab ganny en konpran. E lafason ki dimoun in ganny *allocated* sa bann lespas osi nou pa pe ganny en konpran. E plis ki sa, sa bann *rates* i vreman *subsidise*.

Ou ganny ou *for instance* Union Vale ou kapab ganny ou en lespas apepre 50 met kare ou pou pey apepre R2mil, R3mil ki vreman, vreman, vreman ba. E tou sa letan napa okenn *review of rent* ki'n ganny antreprann lo sa bann lespas.

So i annan en kantite louvraz ki bezwen ganny fer. E an se ki konsern later osi plis ankor. Kestyon ki ou pe demande konbyen dimoun ki'n ganny bout plis ki en morso, sa bann *practice*?

Wi nou'n apersevwar letan nou pe regard dan *file* se akoz zisteman letan en dimoun in ganny *allocated* en morso apre i konnen en lot dimoun in ganny en morso, i kapab fer sa dimoun vann son *shares* avek li.

E finalman li ki vin *owner of* sa *lease*, li ki vin *owner of* sa later. E sa bann *practice* ti pe ganny lese, ki i pa ditou akzeptab parske ti annan en Polisi ki ti merit pe ganny swiv.

An se ki konsern – e osi parti ou lenvestigasyon ou'n demann en pe lo grander later, Providence an se moman i bezwen annan en legzersis konplet ki pe ganny fer, pou *demarcate* byen, pou refer en *survey*.

*Survey* i bezwen re ganny fer pou regarde bann dimoun ki posibleman zot in *encroach* lo later. Parske i annan en kantite konplent osi ki vin kot lofis ki sa dimoun i antre lo mon later ensidswit. Me i en lot legzersis ki bezwen ganny fer, wi. Mersi.

**MR SPEAKER**

Mersi. Ou annan klarifikasyon Onorab? Silvouple fer li vitman.

**HON CLIVE ROUCOU**

Mersi Mr Chair. Mr Chair zis mon anvi demann Minis apre tou sa bann *investigation* ler ki i terminen, eski ou Minister

pou annan sa kouraz pou zot pran sa ki pa ti devret gannyen ler ou *investigation* i terminen silvouple?

**MR SPEAKER**

Mersi. Minis.

**MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab le problem se ki ti annan en Lagreman ki'n ganny fer. E si sa Lagreman ouswa sa bann transfer in ganny fer e *IEA* in otorize. Alors legalman posiblement mon pa en *lawyer*, petet mon bann zanmi dan domenn Legal i kapab *advise* nou en pti pe plis.

Me selman si sa in ganny fer Lotorite in *allow then*, nou pou napa nanryen ki nou pou kapab fer, parske transfer in ganny fer in *accordance* avek prosedir.

So i pou annan bann ka kot nou pa pou kapab fer nanryen. Me an se ki konsern bann later ki zot pa ankor devlope e zot pe kas kondisyon, later ki zot sipoze pe pey zot *rent* lo la zot pa'n fer. E zot pe kas kondisyon ankor e sa sertennman zot pe kas kondisyon e *lease agreement* i kler. Mersi.

**MR SPEAKER**

Mersi. Onorab Poris.

**HON DOYACE PORIS**

Mersi Chairman. Minis konbyen i pe kout ou Minister pou sa proze semen e bann *utilities*, kot i konsern later endistriyel Ile Eve?

Konbyen morso later ou Minister in pran avek bann ki'n gannyen e pa'n devlope ouswa pa'n peye lo Ile Eve? Parey nou konnen ki ti annan en kantite trik dan sa bann later. Mersi.

**MR SPEAKER**

Wi Minis.

**MINISTER DEVIKA VIDOT**

Mersi Mr Chair. Mersi Onorab pou ou bann kestyon. An se ki konsern proze semen e devlopman *the initial contract sum* pou Ile Eve ti arriv 15.6milyon. Me apre avek to lenflasyon e bann keksoz ki'n monte e alors sa in ganny *revised* pou vin 20.3milyon.

Me selman ladan i annan 14milyon ki viz ver Kontrakter li menm. Epi pou esey redwir nou kou nou'n donn en porsyon avek *SLTA* dan en zefor pou bes en pe nou kou an vi sa sityasyon finansyel ki nou pe pas atraver, difikilte.

An se ki konsern later lo Ile Eve ou'n demann mwan later ki pa'n ganny devlope e ki nou'n repran mon panse an se

moman napa okenn later ki nou'n repran.

Me selman *out of* lakantite later, *out of 75 plot* ki ti'n ganny *allocated* i annan 49 an se moman ki pa ankor ganny devlope. E sa i demontre ou i plis ki 50poursan. Mersi.

### **MR SPEAKER**

Wi Onorab.

### **HON DOYACE PORIS**

Minis mon enplor avek ou ki ler zot pe fer zot tranzaksyon *tender please*, get en pti pe nou bann biznesmenn lo Praslin. Mersi.

### **MR SPEAKER**

Mersi. Minis ou'n note?  
Mersi. Ok nou a kontinyen, Onorab Ghislain. In sorti. Ok mon a pas Onorab Uranie.

### **HON ROCKY URANIE**

Mersi Mr Chair. Bonn apre midi Minis ankor enn fwa. Mr Collie e mon byen kontan pou vvar Barry Assary, nou'n lekol plis ki 12an ansanm. So *welcome* Barry. Minis mon vvar 20milyon pou *Zone 20*, mon vvar aepre 17milyon pou Eve Island. Prezan mon pe demande be La Digue konmsi ki zot plan? Eski pe ganny kit deryer dan sa bann demars la? Mersi.

### **MR SPEAKER**

Mersi Onorab. Wi Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab non nou pa pe kit La Digue deryer nou me selman ou konnen an vi sityasyon finansyel e tou sa. Me letan ou regarde La Digue touzour i dan panse Gouvernman.

Premye gro proze ki Prezidan ti pe pouse sete sa lopital La Digue. E alor non zot pa pe ganny kit deryer e Praslin osi mon panse zot in vvar ki kantite lanfaz ki Prezidan pe mete lo devlopman Praslin La Digue.

E sa santiman in ganny pase avek tou son bann Minis e nou okouran ki i enn bann priyorite pou fe sir ki sa de zil i progrese avek menm lanpler ki Mahe pe progrese. Mersi.

### **MR SPEAKER**

Mersi. Onorab Labonte.

### **HON ANDY LABONTE**

Mersi Mr Chair. Bonn apre midi Minis avek panel. Bon mon a dir byenveni e *congratulation* nou nouveau CEO Mr Collie. Bon mon kestyon pou plizoumwen lo *PSIP Zone 20*. Parey nou'n tande *panel* in dir nou i annan en 19.9milyon ki'n ganny mete pou sa lannen pou *infrastructure development*.

So petet nou kapab ganny en leksplikasyon kwa vreman devlopman zot pe mazin fer?

Rezon ki mon pe demann sa akoz 2019 ti annan 6.4milyon ki ti ganny mete anba la. Me selman i annan serten konplent par bann dimoun ki deza dan sa *area* ki dir napa *access road* vreman sirtou dan zalantour kot i annan *PUC sewage* avek kot Benoiton Construction, ki letan lapli i en *flooding* ki i enkrwayab e zot pa kapab sirkile vreman pou zot fer zot bann tranzaksyon ki zot annan pou zot fer.

E mon dezyenm kestyon i plizoumwen baze lo respons ki Minis in donnen konsernan sa proze *One District One Project*. So sa mon krwar i en gro problem akoz parey pe dir poudir vre gouvernman petet napa larzan pou vreman *invest* me i annan bann dimoun ki vreman pare pou *invest* ladan.

Me selman zot santi zot pa pe ganny sa loportinite. Akoz mon pou dir sa? Akoz i annan dimoun pou plis ki 40an zot in *apply* later anba *IEA* e zot pa'n zanmen ... Zot in ganny menm bann fo promes e Mr CEO i conn sa tre byen akoz i annan en *email* ki mon'n anvoy li mon annan tou detay, kot i annan en parcel number *V19221* ki ti ganny

promet avek Mr Hugh Hoareau.

Me annefe ex-Prezidan Michel ti vin vizit li 3 zour avan eleksyon, me selman i pa'n zanmen ganny sa later. E ou vwar poudir i annan bokou nou dimoun ki ankor pe espere e zot dezapwente. Akoz zot pa pe santi poudir i annan rekour. I montre ou kot i annan bann manboulouk ki pe deroule.

E la vi ki dan mon distrik i annan sa kare later – mon'n fer en fot. Sa kare later ki zot ti propoz Mr Hugh Hoareau i *V16976*. Me selman i paret mwan nou pa pe vwar li lo *GIS*. Mon pa konnen si i vreman egziste ou i pa'n zanmen egziste akoz mon pa pe vwar.

Me selman sa enn *RA* ki annan la kot *V19221* la i sipoze annan sa proze kot i sipoze annan en bout *daycare* kot nou, nou pe demande dan plas *daycare* nou ti a kontan lakaz.

Me solman sa bout ki nou pe donnen pou *One District One Project* vi ki nou annan biznesmenn dan distrik Rivière Anglaise ki'n pare pou *invest*, so ki sa novo Gouvernman pe mazinen pou *speed up* sa prosesis, ki nou dan English River nou kapab demare?

Akoz si pandan sa bann letan zot in napa en *MNA* ki'n debout pou zot e mwan mon

pe vin debout la pou zot. So mon dernyen kestyon Mr Speaker i baze lo sekirite. Vi ki sekirite ...

### **MR SEPAKER**

... Onorab, eski mwan. Ou pe lev ou lavwa en pe tro bokou. Koz en pe pli – mersi.

### **HON ANDY LABONTE**

Mr Chairman akoz mon eksite ler mon vvar poudir mon bann zabitan pe soufer.

### **MR SPEAKER**

Ale.

### **HON ANDY LABONTE**

*So ok, in terms of security enforcement i annan en alokasyon R1.7million ki'n ganny mete parey CEO in eksplike. Me selman i annan en antite ki ti vin la i dir ki zot in bouz avek Sensitive Security ki sipoze tonm anba Gouvernman. Eski zot, zot pa pe mazinen swiv menm larout ki a save nou sa larzan ki nou a kapab envestir en pe plis dan nou lekonomi? Mersi.*

### **MR SPEAKER**

Mersi. Minis fotespere ou'n tyonbo tousala.

### **MINISTER DEVIKA VIDOT**

Mersi Mr Chair. Mersi Onorab pou ou detrwa kestyon. Mon'n sey mon mye pou note.

Possibleman *CEO* in kapab *pick up* lo bann ki kekfwa mon'n manke.

*Alright, in regards to PSIP e sa Zone 20, larzan ki pe ganny allocated pou Zone 20 sa i esansyelman pou fer avek konstriksyon semen. So mon krwar sa ou konsern i ava ganny adrese.*

An se ki konsern *One District One Project* e ou pe dir dimoun en kantite letan pe espere demann later ensidswit ouswa lespas. Ou konnen i annan en *issue* ki'n ganny fer resorti atraver sa lenvestigasyon ki sa *waiting list* pa ti pe ganny zere byen.

Alor i pa kler ki mannyer sa waiting list ti pe ganny administre, ti pe ganny *maintain*. E i osi sa ki nou'n kapab refer sorti se ki *application forms* osi pa ti pe ganny servi ki fer li difisil, pou nou kapab vvar ki zistans laplikasyon ouswa ki lord laplikasyon ti pe ganny soumet.

E sa dimoun osi ki'n *apply* lamazorite letan i pe napa sa *proof* konmkwa in fer sa laplikasyon e kote *IEA* osi i pe napa. I pe napa rikord. Alor sa i en gro defayans ki nou pe bezwen travay lo la.

An se ki konsern later ki ou pe nonmen, later pa egziste annefe mwan osi kot mon lofis ti annan en *query* ki ti ganny met a mon latansyon. Ti

annan en *tenant* ki *upon enquiry* ti pe fer sir poudir i azour avek son bann peyman.

*Upon enquiry* ti ganny enformen poudir i dwa en serten larzan e nou ti pe ganny dir poudir i annan 3 *parcel* ki tonm anba li. Me apre ki mon'n *enquire* avek li ti annan en *parcel* ladan ki ti aktyelman baze Rochon ki definitivman ou vwar poudir i annan *issue*.

I annan bann *inconsistencies* la, i annan bann fot, so posibleman sa *issue* sa ka ki ou pe dir mon ava les CEO Collie donn en pe detay lo son kote. Sa ki mon pe dir ou la i mon leksperyans.

An se ki konsern bann *PPP* savedir bann langazman avek bann Kontrakter prive, *private sector* pou zot kapab angaze avek Gouvernman. Gouvernman *provide* later e zot fer lenfrastriktir, sa nou pou anvizaze fer *as soon as possible*.

Parey mon'n fer resorti yer i annan en Lalwa ki sipoze gouvern sa parske nou bezwen zer *basically* sa proze dan en fason ki responsab osi. E alor i bezwen annan en lankadreman Legal ki otour sa.

E sa i bezwen ganny pare avan. So petet nou ava pouse, nou ava pouse pou sa pour ki nou kapab bouz avek nou bann proze.

An se ki konsern *security services* mwan osi mon'n demann kestyon lo la. Pou le moman mon pa ankor tro ganny en konpran akoz sa bann sekirite ti ganny swazir pou sa bann landrwa.

Me nou'n demande, mon'n demande pou ki e evalyasyon i ganny fer pou vwar si vreman nou bezwen sa bann sekirite kot sa bann batiman.

E si non nou fer en *savings* o mwen apepre plis ki 1 milyon. 1.3 ou 1.7milyon par an ki ti ava vreman ede, ti ava al lo kote *rent IEA* ki li osi i pe ganny *rent* tou le mwan ki vin en *amount* en *pe significant* a lafen lannen. Mersi. Mon a pas la parol avek CEO. Mersi.

### **MR SPEAKER**

CEO wi azoute.

### **CEO ROY COLLIE**

Mersi Mr Chair. Mersi Onorab. An sa ki konsern *Zone 20* lenfrastriktir sa i – *in fact* semen i konmans depi *Zone 19 all along* ziska *Zone 20*. *Asphalting* in deza ganny fer. Mon pa konn kot ou'n spesifye selman mon konnen depi konmansman larantre ziska lo bout *as we speak asphalt* in ganny fer.

E louvraz ki reste zis bann *heavy duties* par egzanp bann *pump station* i reste pou fer, *electricity house*, en pe

drenaz *all along* ziska *Zone 19* reste pou fer. E vwala ki sa Bidze ki la ki reste i sa bann louvraz ki reste pou fer.

Ou dezyenm kestyon wi e sa *plot V19676* nou'n pran bokou letan pou nou rode, *search GIS* e parey ou'n dir wi sa later pa egziste. Kantmenm ou'n ganny let wi mon konnen sa let selman i pa egziste. Mersi Mr Chair.

### **MR SPEAKER**

Mersi. Nou a pran en poz la e nou a rezwenn 4.15.

***(BREAK)***

### **INDUSTRIAL ESTATE AUTHORITY (cont)**

#### **MR SPEAKER**

Mersi. Nou a repran. Onorab Henrie.

#### **HON GERVAIS HENRIE**

Mr Chair bonn apre midi tou dimoun mon annan de pwen. Premyerman i evidan ki i annan en dezord lo *Zone endistriyel* partikilyerman Providence.

E mon oule konnen lefet ki sirtou i annan en novo *management* aprezan, ki mannyer zot pou met sa Bidze aplik sa Bidze pou kapab met en lord, asire ki bann aktivite ki laba i baze selon *land use plan?* Dimoun pa pe reste,

dimoun pa pe lwe landrwa, dimoun pa pe fer *mansion* dan *Zone endistriyel*. Donk mon le konnen mannyer zot pou *deal* avek sa?

Mon 2enm kestyon Mr Chair i plito en pledwari avek *panel*. Ou konnen sa zafer *Zone endistriyel* biznes in en pe en zouti politik dan lepase. Mon dir sa akoz *from 2018* an montan in annan bokou lanons ki'n ganny fer me ki i pa ti vreman annan senserite ladan.

Si mon donn detrwa legzanp, dan SONA 2018 ti annan en promes pou reklam 400mil met kare later endistriyel pou asiste lendistri. Apre ti annan sa ki zot ti apel en *well planned allocation* ki ti pou transparan.

Ti osi annan sa ki zot ti apel en *lease area management survey* pou fer sir ki tou bann alokater la i pe servi sa landrwa selon zot *permitted use*. Ti osi annan plan pou transform sa Lotorite dan en Lotorite otonom e byensir zot ti promet osi pou anmenn lamannman dan Lalwa pou anmenn sa lotonomi.

E nou rapel ansyen CEO ti vin isi ti dir zot bezwen apepre R120milyon pou met tou bann lenfrastriktir neseser. E bokou sa bann lanons ti ganny fer ant Mars 2020 a Zen 2020 sertennman.

*They were looking down* pou eleksyon ki ti pe arive pli tar 2020.

So mon pledwari lo sa 2zyenm pwen se ki pa fer sa nouvo ladministrasyon pa bezwen fer sa. Sa ki zot pou fer e zot kapab fer *être* fran avek Seselwa dir nou pou kapab fer sa dan tel dele letan, pa bezwen promet keksoz ki zot pa kapab fer.

Akoz mwan letan mon retourn dan mon distrik Mont Buxton 2020, mon anvi anmenn bann legzanp tanzib, bann sanzman reel ki zot in fer pou dimoun kapab fer mwan konfyans avek ladministrasyon ki State House an 2025. Annou pa fer bann promes ki nou pa kapab garde. Mersi Mr Chair.

### **MR SPEAKER**

Mersi. Minis ou'n pare pou adres sa?

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon e ou senserite. Mon ava pas en pe lo ou bann kestyon. Definitivman pou *être* fran wi nou bezwen plis larzan dan sa Bidze pou nou kapab fer sa ki nou fer avek Zone endistriyel.

Me ki mannyer keksoz i ete nou pa'n gannyen sa finansman. *Already in regards to* sa de capital projects ki'n ganny met devan nou napa

ase funds ladan pou konplent li.

E alor ki nou pe sey fer, se pou sa rezon ki nou pe fer *maximum* ki nou kapab avek sa nouvo management pou sey kolekte en pe sa bann larzan ki *outstanding* pou nou kapab ganny en fon, ki ava al anver sa bann proze kapital.

So i en travay kot nou bezwen nou osi fer nou bout parske ou pa kapab tro blanm Gouvernman, akoz i pa'n donn sa finansman parske i annan larzan an deor. So nou bezwen al reklam sa larzan epi nou ava ganny plis bagaz pou nou vin demann plis ankor.

So i annan sa louvraz nou annan sa korperasyon ki bezwen *afford* avek Gouvernman la. Me mon donn ou mon langazman an se ki konsern resours imen vedir in *terms of management* mon langazman anver Minister, mon langazman anver Industrial Estate Authority.

Annefe letan mon'n pran lofis sa i en bann landrwa ki mon'n dedye en pe bokou mon letan pou kapab vwar ki sityasyon. So lo kote *human resource* mon kapab garanti ki nou pe fer nou *maximum*, pou nou met resours lo sa kote. Finansyerman mon'n eksplik ou ki nou problem.

An se ki konsern sa bann louvraz ki ti'n sipoze ganny fer dapre lenformasyon ki mon'n

gannyen ti annan en *survey* ki ti'n ganny fer en *lease area management survey* ki ti'n sipoze ganny fer.

E ti annan en larzan ki ti ganny peye avek en konsiltan pou fer sa. E mon krwar sa konsiltan i pa ti en Seselwa si mon ganny en konpran byen. Me sa louvraz ki ti sorti *from* sa Kontra i pa ti li.

I pa ti pe *serve* son *purpose* e *basically* savedir sa konsiltan pa'n fer sa louvraz ki i ti sipoze pe fer. So la ankor i met nou plis retar kot nou bezwen al fer sa louvraz ki pa'n ganny fer.

Me *in regards* ti lotonomi kot ou pe dir sa bann komitman ouswa sa bann propozisyon ti ganny fer mon pou pas laparol avek *PS*. Thesee i ava donn ou en pti pe plis detay an se ki konsern sa. Mersi.

### **MR SPEAKER**

Yes *PS* oule adrese?

### **PS DAMIEN THESEEE**

Mersi Mr Chair. Lide pou fer lotonomi ti vin avan 2020 aktyelman. Ti fer sa an 2019 akoz nou ti annan serten konstrent pou kapab finans bann demann, bann lenfrastriktir plizoumwen avek *IEA*. So sete sa lide ki ti vini.

Selman ek *COVID-19* in fer nou realize ki nou bezwen resanz fason ki nou fer, fason

ki nou *allocate* resours avek Bidze kapital. Parey nou dir tou kou nou'n tou kou donn priyorite bann Servis Sosyal par egzanp lakaz.

So ou touzour annan sa *challenge* dan okenn ladministrasyon, okenn pei ki mannyer ou balans finansman ant bann lenfrastriktir, kapital avek bann lenfrastriktir sosyal.

So sa ki gran *challenge* me mon krwar *COVID-19* in ouver nou lizye ki nou bezwen konmans envestir plis ladan. So nou ti fer diskisyon lannen pase avek *Management IEA* ki nou ti *commit* serten *funding* an 2020 pou zot akseler sa bann proze ki zot ti annan e ki nou pa pou *move* avek otonomi.

E si ou get Bidze 2021 i aktyelman R36.7milyon pou *capital projects* ki *the highest allocation ever* pou *IEA*. In touzour tre, tre ba R5milyon, R6milyon dan bann lannen 2019-2020.

Me solman *at the same time* *IEA* in touzour annan limitasyon pou egzekit proze. *So even if* ou ti pou donn li avan i pa ti pou zanmen fer.

Nou annan serten larzan osi ki pe asiz dan *suspense account* ek nou ki nou'n les li tenir sa larzan pou li kapab fer son bann proze.

So nou espere la vi ki nou annan nouvo *management* zot

kapab profite vi ki nou pe donn zot sa bann finansman pou servi li e *exhaust* sa bann fon ki dan zot *capital project* osi. Mersi.

**MR SPEAKER**

Mersi. Onorab Mondon.

**HON TERENCE MONDON**

Mersi Mr Chair.

**MR SPEAKER**

Onorab Mondon atann nou en pti moman.

**HON GERVAIS HENRIE**

Anfet Mr Chair mon ti annan en kestyon e sa enn kestyon ki mon ti annan pa'n ganny reponn. Mon'n dir sa dezord ki annan *right now* par egzanp lo Perseverance ki mannyer zot pe al - sirtou the *new management* pou met en lord pou asire ki bann biznes ki'n *allocate it's the right use?*

E an pasan zis pou klarifye Minis in mansyonn en kontra ki ti donnen. Konbyen larzan ti peye ki sa dimoun pa' donn sa - sa konsiltan pa'n donn sa travay alaoter? Mersi.

**MR SPEAKER**

Mersi. Minis ou a repran oubyen?

**MINISTER DEVIKA VIDOT**

Mersi Mr Chair, mersi Onorab pou ou kestyon. Annefe sa Kontra ki mon ti pe koz lo la

pou sa louvraz ti egzakteman pou fer sa.

Pou revwar Providence *Industrial Estate* pou regarde lekel sa bann dimoun ki pe *occupy* sa *parcel*, sa *plot* later, ki zot aktivite eski i anliny avek *land use plan*.

So sete sanmenm sa, sa louvraz ki ti merit pe ganny fer.

E la an plis i annan en lot louvraz ki konsern *survey* parey mon'n mansyonnen *earlier*, kot nou bezwen al re fer *survey* later pou fer sir pou remet taso ensidswit parske i annan bann *encroachment*.

So nou annan double louvraz pou fer. An se ki konsern valer sa Kontra mon pou pas laparol avek *Deputy CEO* ki annan en pe plis lenformasyon lo la.

**MR SPEAKER**

Yes *Deputy* ou kapab donne?

**CEO ROY COLLIE**

Mersi Onorab. *Anyway Deputy* i dir mwan i napa sa *figure* avek li, me nou kapab reserse nou a fer Onorab Henrie gannyen semenn prosenn. Mersi.

**MR SPEAKER**

Wi Onorab Mondon.

**HON TERENCE MONDON**

Mersi Mr Chair. Mr Chair lanvironnman dezord i

zisteman en lanvironnman ideal kot nou vwar tou form koripsyon.

E pou mwan ler mon get sa alokasyon ki mon pwen. Alokasyon later endistriyel nou konnen i en kantite dezord parey lezot Manm in fer resorti. Mwan mon konsern Minister i donn *early entry* bann biznes e biznes in mobilize fer depans.

Epi ou war Minister i repran later e la mon annan en ka partikilye ki i dir pou annan en novo konblaz ki zot pou *allocate*.

Mon anvi konnen premyerman kote sa bann novo konblaz ou ganny fer. E si Lotorite *Industrial Estate* i annan en *input* ladan?

Mon 2enm kestyon pou Minis, anvi ki ou ansarz sa *portfolio* biznes, ki kalite sipor ou kapab donn sa bann biznes ler ou gete zot in viktim move planifikasyon.

Akoz ler ou'n ganny en *early entry* ou'n la ou'n mobilize, ou'n konmans fer ou plan, ou'n fer en kantite depans. Apre ou ganny repran sa later ou bezwen aprezan respere ankor ziska ler i donn ou en lot bout.

Mon ti a kontan konnen ki kalite sipor pou nou kapab kree – parey manda *Industrial Estate* i dir fasilit devlopman endistriyel be osi kree en

lanvironnman favorab pou biznes? Mersi Mr Chair.

### **MR SPEAKER**

Mersi Onorab. Minis.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. An se ki konsern bann novo konblaz mon konnen kot *Zone 18* i *already* annan en – ti annan en plan ki pou fer en *extension* kot *Zone 18*. Sa i sa morso lo kote obor kot Leve Debourye sa *building* i ete. So ti annan en plan an se ki konsern sa.

Lezot plan pou reklam later nou ankor pe diskite me sa enn la ti'n fini annan en plan ase konkret.

An se ki konsern bann dimoun ki'n fini investir zot larzan, anfen ankor la i ava vin detrwa bann ka ki petet ti a bon ki ou fer sa dimoun anvoy en komunikasyon ver nou lofis, nou ava fer sa envestigasyon an se ki konsern sa.

Me ki mon kapab dir ou se ki dan *allocation procedures*, possibleman ki nou bezwen fer pou sa bann dimoun ki zot in fini *commit* serten larzan, ki zot in fini pey en sonm larzan anver Gouvernman.

*Then* nou pou bezwen donn zot en pe plis priyorite pou regarde parske zot in fini ganny komitman depi avan e possibleman zot in ganny en

*letter of offer* osi ki nou bezwen regard ladan. Mersi.

### **MR SPEAKER**

Mersi Minis. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi Minis avek ou delegasyon. Enn zot bann *current challenges* zot in dir ki – ler mon get sa 2enm *bullet* ki zot in dir i mank zot bann *trained staff* pou zot kapab desarz byen zot fonksyon.

E dan sa laliny mon ti pou kontan konnen konbyen *staff* zot annan? Apre pou zot kapab vin efikas parey zot ti ava anvi, ki bann post ki mank zot pou zot kapab desarz byen zot responsabilite?

An term kot i konsern bann dimoun ki *hold* en *lease* me ki pa ti pe peye. Mon ti kontan konnen ziska ozordi konbyen larzan sa bann dimoun letan in tande pou dir zot in – novo Gouvernman in vini pe fer mannyer ki pe rode, tou sa ki pa pe peye pou vin peye.

Konbyen larzan ziska ozordi eski zot in anmase avek sa bann dimoun ki pa ti pe peye? E eski zot in pey sa bann *arrears*, eski zot in pey sa bann *arrears* osi ki zot ti dwa?

An term kot i konsern konstrir bann antrepriz oubyen bann *Enterprise*

*Centres* zot in dir ki zot in fini idantifye later dan preski tou distrik.

So mon ti a kontan si zot ti a kapab fer available lalis bann distrik, limero later avek Lasanble, pou nou konnen egzakteman kot sa bann later i ete, ki distrik ki annan ki distrik ki napa? Mersi Mr Chair.

### **MR SPEAKER**

Mersi. Minis.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. An se ki konsern *training staff*, wi in ganny mete dan bann *challenges* la. Me selman mon'n sey fer en pe konsiltasyon avek *staff*.

E i paret mwan osi lo la par *management* ti annan en mank komitman pou fer sir pou dir *staff* i ganny sa bann *training* ki zot bezwen. Parske nou'n *regard in terms of* zot bann depans ki zot in fer. Konmsi ti annan en mank komitman *as well*. So sa i en pwen pou *take note*.

*In regards to* lakantite *staff* ki annan ki pe travay *IEA* an se moman i annan 14 ki konpri 2 *staff* ki ganny *seconded from Ministry of Finance*. Pou zot kapab pli *efficient* dan zot loperasyon zot bezwen annan zot en *Lease*

*Management Section ki vreman bon.*

Alor a *very good Lease Manager* nou bezwen met li la. E osi an term – akoz ou konnen zot pe zer larzan, zot pe zer en Bidze ki ase gro an term *CAPEX* osi. So en bon *Financial Controller or someone* ki annan sa – en *Accountant* ki annan sa *very good knowledge*, leksperyans pou *manage* zot *debtors* e an menm tan pou *manage* zot bann *spendings*. So sa mon pe mazinen at the top of my head like i pou ed en kantite.

E in terms of administrasyon bann staff administrasyon petet ki zot kapab fer se reservi pwiske zot annan staff ki petet pa pe ganny servi to the best of their potential. So re-regarde ki mannyer nou pou servi sa bann staff e *reassign* bann nouvo task avek zot.

Zot kapab etablir en pti Registry Section ki ava fer sir pou dir at all times i annan sa bann rikord ki pe ganny mentenir, swivi lo bann files, mouvman files.

E byensir nou bezwen move digital as well so sa osi i enportan. So petet pou en peryod e lo en baz casual, nou pou bezwen en pe staff ki pou vini pou ede pou fer sa bann scanning, pou fer sir pou dir rikord i available online.

E apre ou'n demann mwan in regards tou bann leases ki pa'n ganny peye e kantite la nou'n anmase. Sa CEO pou pran ou kestyon i ava donn ou sa figure.

An se ki konsern bann Enterprise Centres ou anvi resevwar sa lalis parcel nou kapab provide avek ou byensir. Me selman mon kapab donn ou langazman ki nou'n fini dan sa break letan nou'n ale. Nou'n kontakte Clerk pou li kapab aranz en meeting avek tou bann MNAs akoz nou vwar pou dir sa i en pwen konsern. So nou pe angaz ase vitman lo la. Mon ava prezan pas laparol avek CEO pou li reponn kestyon limero 3. Mersi.

### **MR SPEAKER**

Yes CEO.

### **CEO ROY COLLIE**

Mersi Mr Chair. In terms of figures ou'n demande konbyen bann dimoun i dwa. To be honest with you nou'n rekommans bann rekonsilyasyon pou find out konbyen larzan nou annan pou anmase.

E nou'n konplent almost 95 percent konplent pou bann sant lantrepriz. Nou annan 8 sant lantrepriz e as we speak now total ki outstanding pou anmase i en R10.2milyon. So bann dimoun pa'n peye e sa i

posib i al pou 1an, 2an, 3an pase.

*E to be honest as regards to bann lease sa process rekonsilyasyon i ankor an process. Mon pa pou kapab dir ou egzakteman, me nou'n konmans fer en serten travay lo la. So probably i pou close to sa figure ... or plis. So si nou azout total i pou en pe gro. As regards to konbyen larzan nou'n anmase so far depi ler mon'n vini mon ti fer sa interview lo SBC, mon'n anmas – well IEA in anmas R3.4milyon. Mersi Mr Chair.*

### **MR SPEAKER**

Mersi. Onorab Labrosse.

### **HON RICHARD LABROSSE**

Bonn apre midi Msye Speaker, bonn apre midi tou Manm prezan. Mr Speaker avan mon demann mon kestyon sa dernyen *statement* ki mon'n tande par CEO, i fer nou realize ki vre i ti bezwen en sanzman ler ou pe gete.

**(APPLAUSE)**

### **HON RICHARD LABROSSE**

Sansan – *anyway* mon kestyon ki mon pou demann CEO direkteman pou li sa. Sa i en kestyon personnel pou mon distrik ki mon ti demann Minis yer. I ti anvoy pou ozordi vi ki ou ti pe vin dan Lasamble.

I konsernan sa bann *micro enterprises* ki dan bann distrik la mon pe spesifikman Plaisance, akoz sa landrwa i paret mwan depi ler ki in ganny met la, la i pa paret ki in ganny okipe, ki i annan bann *maintenance* ki'n ganny fer lo la.

So la mon ti a kontan konnen ki zot plan pou sa landrwa spesifik ki mon pe koz lo la Plaisance?

E apre mon 2enm kestyon osi mon ti le koz en pe lo sa menm laliny, lo bann landrwa ki zot lwe ek bann pti biznes. Parey Onorab pou Perseverance in koz en pti pe lo la pli boner.

Mon oule zis met en pe lanfaz. Ki bann dimoun dan mon distrik in met devan mwan Minis se ki i annan bann biznes dan lepase ki'n ganny bann landrwa pou fer biznes, me selman ki zot in fer sa bann dimoun zot in plito lwe sa landrwa pli ser ek lezot biznes.

So la mon ti a kontan konnen dan bann ka parey ki pou arive dan bann ka parey konmsi? Eski zot pou al pran sa bann landrwa ek sa bann dimoun? Ouswa eski zot pou fer sa bann dimoun re-pey en larzan akoz zot pe fer en pe larzan lo Gouvernman osi lo sa kote, kot deor nou annan en ta biznes ki ankor pe espere lo lalis? Mersi.

**MR SPEAKER**

Mersi. Lekel ki konmanse Minis? CEO wi.

**CEO ROY COLLIE**

Mersi Onorab. Mersi Mr Chair. *In regards to maintenance* lo Plaisance i vre. Me avek sa pti resours Bidze ki nou'n gannyen nou ava sey nou mye pou nou kapab antreprann sa bann proze.

Akoz zanmen nou'n ganny Bidze pou nou fer en *very good maintenance* lo sa bann (*mec*)

So mon pa promet ou be avek sa pti resours la ki ou pe donn nou, nou ava seye pas en kou regarde bann major *maintenance* ki annan pou fer, nou a kapab *attend to*. As *regards to* 2enm kestyon sorry mon pa'n – repet sa 2zyenm kestyon si ou pa *mind* Onorab. Mersi.

**MR SPEAKER**

Yes Onorab.

**HON RICHARD LABROSSE**

Mon ava fer li kourt CEO. Mon pe get bann dimoun ki par egzanp ki dan lepase in ganny bann landrwa pou zot fer biznes ladan. Parey sa enn ki ou'n nonmen en legzanz selman pa Plaisance en.

I en legzanz se ki i annan zot ki zot pa pe neseserman servi sa bann

fasilite me zot pe lwe li ek en *third party* parey nou dir.

So la lo sa laliny eski dan ou nouveau plan la, eski ou annan en plan pou ou fer en *survey* lo sa bann keksoz parey? E si ou ganny bann larepons parey nou pe rode, eski bann lapros ki ou pe al pran la, eski ou pou fer sa bann dimoun re bours sa larzan? Esaki ouswa ou pou re-tender sa bann landrwa. Mersi.

**MR SPEAKER**

Yes Minis.

**MINISTER DEVIKA VIDOT**

Mersi Mr Chair. Mersi Onorab pou ou kestyon. Ok an se ki konsern sa bann biznes premyerman zot ti annan en agreement avek IEA. Alor si zot pa'n peye zot *in breach of* zot lagreman. Me sa ki ou pe dir se ki i annan dimoun ki *lease to a third party*.

*Now as regards to* zot lagreman mon pa krwar zot annan drwa pou fer en *sublease*. Alor zot ti an kontravansyon. Me selman sa ki ou pe dir i en keksoz ki ti pe go on en pe souvan parske as part of legzersis ki nou pe fer pou idantifye bann lalis dimoun ki pa ankor pey zot aryeraz, zot *rent*.

Nou'n vwar pou dir i annan de fwa i annan dimoun ki nou, nou pe panse dapre

rikord inisyal ti sipoze sa dimoun, me ler ou al vizit sa landrwa pou regarde i pa ditou sa dimoun ki la.

Parske li in pas lakle avek en lot dimoun. Me selman sa dimoun avan i ankor pe dwa larzan.

So sa i bann sityasyon ki nou pe fer fas avek ki nou bezwen al rod fason pou nou rezourd.

Byensir nou bezwen konsiltasyon legal pou regarde ki mannyer nou pou antreprann sa bann travay. Me sertennman si ou drwa ou pou bezwen peye, ou ti siny en lagreman ou bezwen honour ou lagreman. Mersi.

### **MR SPEAKER**

Mersi. Onorab Sandy Arrisol.

### **HON SANDY ARRISOL**

Mersi Mr Chair. Bonn apre midi Minis avek ou delegasyon. Msye Speaker mwan letan mon pe ekout Minis mon plizoumwen ganny en depresyon. Mon ganny en depresyon parske larepons ki Minis i rann nou se ki ti napa *accountability*, latransparans e rann kont anba vye ladministrasyon.

Eski Minis ou pe konfirm avek nou Lasanble ozordi le 24 Mars 2021 4:40 apre midi, ki Providence in egziste pandan tou sa letan e nou napa en rezis konplet ki konfirmsen

lekel Seselwa ki annan biznes laba oubyen etranze, ki kalite biznes zot annan, lekel sa bann dimoun, si zot pe peye oubyen zot pa pe peye? Eski Minis ou kapab konfirm sa pou nou ozordi apre midi?

Dezyenmman mon ti a kontan demann Minis sa *building* Leve Debourye ki mon tann tou dimoun pe koz lo la la. Lekel ki ti konstrir sa *building*? Lekel ki pe lwe sa *building*? Lekel ki pe anmas larzan ek sa *building* Leve Debourye la? Sa mon 2enm kestyon.

Mon 3enm kestyon ki mon ti a kontan demann Minis. Kan eski ou Minister avek ou Gouvernman pou donn nou en rapor konplent,, an relasyon avek sa bann biznes ki nou annan Providence, espesyalman bann dimoun ki annan 2 morso, 3 morso bann ki'n ganny pa peye, bann ki drwa Gouvernman e apre lot kote zot koz nou lasyet manze. Kan ozordi R10milyon anba zot Gouvernman pa'n ganny anmase?

Eski Minis ou kapab donn nou en konfirmasyon kan eski nou kapab ganny sa bann lenformasyon swivan pou Lepep Seselwa, ki pe ekout deor konnen kote son larzan in ale? Mersi bokou.

### **MR SPEAKER**

Mersi Onorab. Minis.

**MINISTER DEVIKA VIDOT**

Mersi Mr Chair, mersi Onorab pou ou bann kestyon. An se moman la *at this point in time* mon kapab konfirmen pou dir sa lalis i pa konplent. E nou pe antreprann louvraz. Parey mon'n dir bomaten e nou'n bezwen *start from scratch* parske an alan sa bann lenformasyon ki ti annan ki - ti annan en pe lenformasyon ki pa ti konplent, me an menm tan pa ti *accurate*. La nou annan de *issue* la.

So ki nou bezwen fer *start from scratch* parske nou pa pe kapab *rely* lo lenformasyon. E in ariv nou en pwen kot nou bezwen konpar lenformasyon *from pre sources*, e regard dan *file* an menm tan pou regarde lekel ki byen and *work from there*.

So sa i en louvraz ki nou pe fer e nou pe servi resours *within Ministry*, bann *staff* dan Minister li menm, nou'n ganny en pe *casual as well*, pou ed nou avek sa louvraz. Akoz nou realize ki nou bezwen fer sa louvraz en pe vitman.

An se ki konsern Leve Debourye sa i en *building* ki ti ganny konstrir par Gouvernman si mon pa tronpe avek larzan *Welfare, Welfare Protection Agency, which was the Social Security Fund*.

E sa *building* i ganny zere par *IEA*. Alor *rent* i sipoze ganny kolekte par *IEA*. Lespas ti ganny donnen par *IEA* alor *rent* i sipoze ganny kolekte par *IEA*.

E i sa menm *building* ki mon'n koz lo la bomaten ki i annan en aryeraz apepre R5.8milyon lo la. I vedir ki nou ti pe kolekte apepre zis 16poursan of the *rent* on a *yearly basis*. So i vreman petet en pti pe neglizans la.

An se ki konsern sa rapor ou ava apresye ki pli mon diskrit avek zot, pli mon pe esey donn zot lenformasyon i annan bann *issues* ki pe *crop up over and over again*.

Be sa louvraz i enn ki entans pou mwan kapab donn ou en dat egzakt i pou en pti pe difisil. Parske ler mon krwar mon pe bouz devan epi mon retourn de pa par deryer.

So mon pa pou kapab konfirm lo en dat egzakt. Sa ki mon kapab donn ou an se moman se ki i annan sa rapor preliminer ki'n fini ganny fer, ki en louvraz ki nou'n fer konzwentman avek departman dan Minister mon lofis ek departman ansanm avek *IEA*.

Nou'n fer en *preliminary report* kot sa bann lenformasyon ki mon pe pase avek zot ozordi ou pou kapab ganny li ladan. So sa mon kapab fer *available* avek ou.

Me an se ki konsern sa bann detay lekel ki annan de morso later sa nou pou bezwen pe fini sa *master list* byen avan. E fer bann *physical inspections* osi lo bann *site*. So sa i pou en legzersis ki pou en pti pe plito *continuous*. Mersi.

### **MR SPEAKER**

Mersi. Onorab Ghislain.

### **HON CHANTAL GHISLAIN**

Mersi Mr Chair. Bonn apre midi tou dimonn. Mr Chair plizyer fasilitate mazer Sesel enkli nou lavil, landrwa endistriyel, semen, *airport*, *housing estate*, batiman Lakour e menm nou Lasanble Nasyonal in ganny konstrir lo later konble.

Malgre ki konblaz in sibir bokou latak asarnen par SNP kont konblaz. Ozordi Sesel in reisir anmenn sa kantite devlopman lo sa bann later konble ensi ki bann reveni bokou ki ale pou pei.

E enn dan sa bann landrwa se sa landrwa endistriyel Providence. Apre ki in vin Ile Eve lo Praslin.

Mon kestyon CEO a plizyer repriz nou'n antann re dir ki bann dimoun ki'n ganny later lo en *Industrial Estate* zot pa ankor devlop sa bann later sirtou lo *Industrial Estate* Mahe mon pe koze.

Taler Minis in donn en pe osi lo Ile Eve. Mwan mon

kestyon mon ti anvi konnen ki kantite sa bann kare later isi lo Mahe ki'n ganny *allocate* e ki kantite ki pa ankor ganny devlope? Mersi.

### **MR SPEAKER**

Mersi.

### **CEO ROY COLLIE**

Mersi Onorab pou ou kestyon, mersi Chair. Ok mon annan bann detay later;- parey Providence an tou nou annan nou 379 kare later e ladan ki pa'n devlope i environ en swasantenn ki pa ankor ganny devlope.

As *regards to* Perseverance total bout later nou annan 57 e 45 pa ankor ganny devlope. As *regards to* Zil Eve nou annan nou 75 kare later e 49 pa ankor ganny devlope.

So an total 511 kare later ki nou'n donne. E nou pou bezwen fer en *survey* en letid pou konnen *why* sa bann kare later pa ankor ganny devlope. Mersi Mr Chair.

### **MR SPEAKER**

Mersi CEO. Onorab Monthy.

### **HON PHILIP MONTHY**

Mersi Mr Chair. Bonn apre midi e bonn apre midi delegasyon sorti *IEA*. Minis ler mon pe ekout tou sa bann mon kapab dir manboulouk ki'n arive.

Ler mon get anba programme 2 Estate Management mon vwar ki zot ‘wages and salary’ in ogmante. Eski sa i vedir ki zot pe *recruit* plis travayer pou zisteman ede pou *enforce* regilasyon pou fer sir ki i annan *monitoring* ki sa bann labi pa repet ankor ki’n arive?

Eski sa i leka e si ou kapab donn nou en pti detay en pe ki bann novo *post* ki zot pe anvizaze rekrite. Apre dan *Department of Lands and Housing* dan zot *major achievements* an 2019-2020, in fer resorti ki zot in *allocate* 18 *plot* later avek *IEA* pou konstriksyon bann *light Industrial Complex* dan bann distrik across Mahe e Praslin.

Donk eski ou kapab donn mwan en pti gin ou lenformasyon lo la e si mon distrik Cascade in benefisyé avek sa proze?

E zis finalman mon pou fer en pti *statement* dan menm laliny ki Onorab Desheila Bastienne in fer pou Perseverance, e ki Onorab Doyace Poris in fer pou Praslin. Silvouple Minis sey ed mwan bann pti *businessmen* dan Cascade ki pe soufer pandan plizyer lannen pe rod en bout later.

Zot bann *businessman* ki serye. Zot pa bezwen de bout later, ni en gran bout zot en pti bout pou etablir zot biznes.

Zot in ganny met a lekar tou sa lannen swa akoz zot lopinyon politik oubyen mon pa konnen pou ki rezon ankor. Ok. Alor ki ou war lezot ansyen politisyen i akimil enn oubyen de 3 bout later lo *Zone endistriyel*. Silvouple fer sir ki sa i arete enn fwa pou tou. Mersi.

### **MR SPEAKER**

Minis.

### **MINISTER DEVIKA VIDOT**

Mersi Mr Chair, mersi Onorab pou ou bann kestyon. An se ki konsern *recruitment of staff* wi sa logmantasyon i reprezent *recruitment of staff* nou anvizaze *recruit* en *Lease Manager, Project Manager as well*.

E nou’n ganny en komitman avek Finans ki nou pou ganny en *Accountant*. Pou le moman nou’n de ki *seconded from Ministry of Finance*. So nou pe bouze avek sa.

Sa 18 morso later ki ou’n mansyonnen mon prezimen nou pe fer referans avek sa *One District One Project* e Cascade i tonm dan sa lalis later. Aktyelman i annan 3 ki’n ganny idantifye pou Cascade ki tonm dan *Zone Providence*. So ou pa bezwen tro *worry in regards to* sa.

E keksoz ki nou'n apersewwar osi an se ki konsern alokasyon later, se ki parfwa sa bann later ki sa bann *plot* ki zot tire, i en pe larz. Ennler ou kapab ganny 1000 met kare, 1200 met kare e sa pe al ek en dimoun ki i pa ni menm fini devlop sa later.

So nou pe regard dan posibilite rewwar groser sa bann *parcel, subdivide* pour ki plis dimoun i ava kapab benefisy. Mersi.

### **MR SPEAKER**

Mersi Minis. Onorab William.

### **HON WAVEN WILLIAM**

Mersi Mr Chairman. Mon ti a kontan demann sa bann kestyon swivan. Premyerman mon ti anvi tous lo *bullet point* 4 avek 7 lo *major achievements*.

Mon vwar pou dir *Cabinet* in aprouv *the Industrial Land Allocation Policy. The land reclamation private individuals' Policy under Seychelles One District Project.*

Mon anvi demann avek Minis par lefe ki Grand Anse Mahe nou annan en sit i annan plis ki 16an, nou pe esper en *building* pou bann *micro enterprise project*. Me dan Bidze 2020 Vis-Prezidan ti dir ki sa pou ganny fer.

Mwan mon anvi konnen si sa lenformasyon i ankor *still*

lo rikord ouswa parey labitid letan i sanz bann endivid bann *file* i perdi?

Dezyenmman mon vwar osi ki lo bann *strategic priorities* mon anvi demande lo pwen 10, ki bann amannman ki zot anvi fer avek sa *Industrial Estate Act*?

Epi bann *lease agreement* pou nou kapab konpran en pti pe ki bann problem ti ete e ki bann amelyorasyon avek sa novo lapros dan konteks *more proactivity* avek *effectiveness?* Mersi.

### **MR SPEAKER**

Wi Minis.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. An se ki konsern sa *approval of sa land allocation Policy* ki pe ganny *referred to* dan sa dokiman. Sa ti ganny *approved by the previous Cabinet* e i ti en travay si mon pa tronpe an 2018. So i *date back* en pti pe letan e alor – eskiz mwan si ou kapab zis repet en pti git sa premye kestyon.

### **HON WAVEN WILLIAM**

Wi, vi ki sa travay in ganny fer petet pour presize. Ki bann Distrik ki zot in idantifye pou al sa bann sant. Eske Gran Anse i figire ladan? Akoz parey mon dir i annan plis ki 16an

nou pe espere, e nou pa ankor vreman vwar keksoz. Mersi.

### **MR SPEAKER**

Mersi. Minis.

### **MINISTER DEVIKA VIDOT**

Mersi Onorab pour sa klarifikasyon. *Ok so in regards to Land Allocation Policy* mon'n fini klarifye lo sa. Dapre lenformasyon ki mon'n gannyen pour Grans Anse ti annan en *redevelopment of an existing building*, me non pa en *construction of an actual infrastructure*.

Definitivman nou ava regard dan rikord pour vwar sa komitman ki in fer *in regards to* sa. Sertennman la an se moman sa *Funds* pa la avek nou. Petet Minister Finans i kapab konfirmen si sa *Funds* ti'n ganny *allocated* vreman, e si i ankor *available*. Me mon pa kapab konfirm sa.

An se ki konsern ou 3zyenm kestyony. *Revision of the Industrial Estate Authority Act*. Ok Premyer keksoz anba sa *Act* si mon pa tronpe anba Seksyon 5 i annan sa Seksyon ki koz lo *Powers of the Authority*. E ladan i mete pou dir *IEA* i annan pouvwar pour li *administer* later avek lespas.

Me realite se ki sa bann later i ankor lo Gouvernman Sesel. *On Government of Seychelles*, so i pa lo non *IEA*. So ler ou pe regard li sa lalwa

i pa korek an son term. So keksoz ki nou pe regarde selman en *possible* solisyon se, fer en *head list*.

*Issue* en *head list*, Gouvernman i avan *issue* avek *IEA* e prezan *IEA* son bann pouvwar i ava *in line* avek realite esansyelman. Lot gro keksoz ki nou bezwen travay lo la anba sa *Act*, se *in regards to enforcement powers*. So i sipoze en Lotorite alor i sipoze annan pouvwar pou li kapab egzers en serten nivo.

I sipoze kapab pran serten aksyon an se ki konsern bann later avek bann lespas ki i pe zere. E sa i pa vreman ganny resorti ladan, an se moman nou bezwen *refer to the AG's Office*. E sa i pran en pe letan parfwa. So si nou pou kapab fer sa *then* nou pou kapab *act* en pe pli vitman lo sa bann keksoz.

E keksoz ki nou pou osi fer provizyon ladan se pour nou kapab *achieve* sa *enforcement powers* ki'n ganny mete anba *Act*, se *inspection. The right to inspect*. So nou pou bezwen donn bann Lenspekter kot *IEA* sa pouvwar pou zot kapab fer serten keksoz dan limedya.

So sa i en pti pe bann *issues*. Sertennman tou sa bann propozisyon pou ganny mete avek *AG's Office*, ki ava donn nou gidans korek. Egzakteman ki mannyer nou

pou fer bann Lamannman baze lo lobzektif ki nou anvi achieve pour IEA. Mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi Chair. Bonn apre midi bann Zofisyen IEA. Mr Chair mon annan 3 kestyon. Premye an relasyon avek *Zone 18 Reclamation*. Eski in annan en konversasyon resan ki'n ganny fer avek *Energy Commission* konsernan sa konblaz.

Akoz mon konnen sa konblaz i en pe letan in the making. Me i osi annan en proze Nasyonal ki letan *Energy Commission* ti vini zot ti diskit lo la, se the *Floating Solar PV Project*. Eski sa de aktivite pa pou an konfrontasyon avek kanmarad?

Dezyenm Mr Chair konsernan, in annan bokou diskisyon lo *Lease Agreements*, e kot *Lease Agreements* in sanz lanmen. I enportan ki nou kler lo la, mon ti a kontan ki Minis ouswa CEO i sorti kler lo la.

Akoz i annan en kantite Biznes petet zot pa sitan kler. Zot pe ganny lenpresyon ki pou annan bann *repossession of Lease Agreements*. Dan serten ka biznes i annan dwa vann.

E ler ou vann Biznes souvandfwa i annan i annan assets ki asiz lo en later ki pa neseserman pour ou me later Gouvernman ki ganny *lease* avek ou. So ler ou vann ou Biznes ou vann ou assets, e dan en fason ou lot, bann dimoun legal i a koriz mwan, ou transfer osi sa – akoz sa asset i pa *movable* li, i la lo sa later. So ou transfer sa.

Pour bann dimoun ki'n fer zot bann zafer byen prop, i enportan ki nou donn zot lasirans ozordi ki pou dir zot pa pe ganny met an kestyon zot. Zot in fer zot bann tranzaksyon byen normal, e zot bezwen kapab kontiny zot Biznes dan lape.

Trwazyenm Mr Chair i konsernan bann dimoun ki ozordi nou konnen i annan en kantite dimoun ki dwa *rent over years*. Be i annan bann dimoun ki petet zot *rent or lease*, zot in dwa akoz petet difikilte dernyen lannen, dernyen 1an, dernyen 2an ki petet zot *in arrears*.

Sirtou avek sa sityasyon COVID-19, eski i annan okenn konsiderasyon ki IEA pe pran pou kapab met lespri sa bann *businessman* anpe, ki zot pa pou ganny difikilte pour zot ganny met deor? Ouswa *repossession of their lease*, zis akoz zot in war zot Biznes dan difikilte? Mersi Mr Chair.

**MR SPEAKER**

Mersi. Minis ou pou adrese, wi.

**MINISTER DEVIKA VIDOT**

Ok mersi Mr Chair. Mersi Onorab pour ou bann kestyon an ki konsern *Zone 18 reclamation*. Dapre lenformasyon se ki wi ti annan en konsiltasyon ki ti ganny fer. Me selman sa size reklanmasyon i pa ankor re pas devan *Cabinet of Ministers*. So nou pa pe kapab pran okenn, fer okenn deklarasyon lo la, plis ki sa.

Dezyenm kestyon an ki konsern *Lease Agreement* e sa ki'n sanz lanmen. Bomaten mon ti eksplik en pti pe lot kote latab. Si sa bann transfer in ganny fer an konformite avek sa Lagreman, si in ganny fer avek konsantman *IEA*, in ganny fer byen dapre prosedir ki *IEA* in *allow li, then zot in fer zot keksoz byen, IEA osi i okouran*.

Me mon pwen ki mon ti pe fer resorti se ki, sa sans pour zot fer sa sanzman se sa ki ti merit ganny revwar. E akoz lafason ki i ganny fer la, se ki *IEA – e i ti okouran*.

Akoz i annan de trwa sanzman ki'n ganny fer, ki wi *IEA* i okouran. E fini kot sa dimoun i ekrir *IEA*, i dir preznan aret kopi sa dimoun dan bann komunikasyon. Kopi zis mwan,

*I'm the only contact point from hereon ....*

Nou problem se ki lafason ki sa i ganny fer i ede ki en dimoun ki annan plis larzan, ki annan mwayen, i al kot en dimoun ki annan sa *lease*, kot annan en *lease already*, e alor i aste *shares* avek sa dimoun.

E li i *become the owner of* sa *lease*, e alor i ganny sans *skip the queue*. E i annan lezot dimoun ki lo *waiting list*, en kantite dimoun ki lo *waiting list*. So sa *practice* ki la ti merit ganny revwar parske in kree bann sityasyon kot i annan endividé ki'n ganny plis ki en morso later.

So zot in ganny en morso later anba *IEA, the proper process*. Apre zot ale zot servi sa lot prosedir, sa *back door*. E zot kapab aste plis morso.

Ou trwazyenm kestyon an se ki konsern bann dimoun ki pa'n kapab pey zot *rent* pour sa dernyen 1an, 2an.

Silvouple zis dir zot apres *IEA, have a word* avek Msye Collie. Zot ava annan en koze, zot ava kapab *sort out* en plan peyman si i neseser. Mersi.

**MR SPEAKER**

Mersi. Nou apel Onorab Michel Roucou.

**HON MICHEL ROUCOU**

Mersi Mr Chair. Bonn apre midi panel. Mon le dir

*congratulation* Mr Collie, en zabitan Mont Fleuri Hermitage. Mr Chair mwan mon kestyon mon pou aforsi en pti pe ki Onorab Arissol in tous en pti pe lo la.

An term ki nou'n war poudir i annan sa R10.2milyon ki zot pa pe kapab kolekte oubyen zot pe fer laranzman pou zot kolekte ek sa bann dimoun. Minis si ou kapab dir nou, si ou annan sa lenformasyon ek ou. Si ou napa ou ava donn apre. Si ou kapab dir nou konbyen bout later ki IEA in *allocate* depi ler i egziste ?

Si sa bann bout later, lekel ki lo la? Eski in ganny *allocate*, konbyen ki'n gannyen? Konbyen Seselwa ki annan e lekel sa bann dimoun ki pa pe pey zot *rent*, zot bann aryeraz ? Lekel zot? Sa i mon premye kestyon.

Mon dezyenm kestyon i en pti pe koumsa. Mon pa konnen si mon distrik Mont Fleuri in tonm anba sa proze *One District One Project*. Be selman byento Mont Fleuri nou pou benefisyé avek en pti bout later, i pa tro en gran bout. Petet mon ava envit ou avek *CEO* pour zot fer en pti vizit ansanm avek nou.

Pour zot war ki mannyer ou kapab ed bann pti biznes dan nou distrik, li menm li. Apre mon trwazyenm kestyon i en pti pe – Minis bokou bann

pti Kontrakter konmela zot pe reste dan bann *Housing Estate* dan bann *block flat*. Mon pe gete pour vi ki parey Onorab Bastienne in dir.

Se ki i annan bokou sa bann dimoun ki pe fer garaz, ki pe fer bann lezot keksoz ki an defo avek zot Lagreman ki zot annan ek *PMC*. Mon pe gete si zot pa kapab antre dan en Lagreman avek *Housing* pou gete obor bann *Housing Estate* si napa en landrwa ki petet zot kapab ler zot konstri sa bann *Housing Estate*, petet fer en ward kot i annan bann *store*.

Ki petet sa bann pti kontrakter avek en lagreman ek *PMC*, zot kapab store zot bann lekipman. Mersi.

**MR SPEAKER**  
Wi Minis *go ahead*.

**MINISTER DEVIKA VIDOT**  
Mersi Mr Chair. Mersi Onorab pour ou bann kestyon. *CEO* Collie in mansyonnen oparavan i annan 511 morso later ki anba *purview IEA* an se moman.

An se ki konsern sa bann dimoun ki *owner* sa bann later, sa legzersis i *ongoing*. Nou pe fer le neseser pour nou kapab *ascertain* poudir lenformasyon ki dan sa lalis ki nou pe mete i *accurate*.

An se ki konsern later ki'n ganny donneen avek

etranze pou le moman sa mon pa okouran. Me si sa in ganny fer zot ti merit pe rod en sanksyon, parske etranze pa annan drwa aste later san ganny sanksyon. An se ki konsern later Mont Fleuri, napa en morso later ki'n ganny idantifye pou lemoman anba sa *One District One Project Plan*.

Me selman si an ka ou'n kapab idantifye en morso later dan ou Distrik, ti a byen si ou ti kapab les nou konnen nou ava antre an komunikasyon avek Minister later ki nou ava regarde si sa later pa kapab ganny rezerve pou *IEA*.

E ou 3enm kestyon kot ou'n adres konsern bann dimoun ki dan flat, me selman ki pe sey travay. Ankor enn fwa si i annan posibilite ou idantifye later ti ava pli fasil. Ti ava pli fasil pou ed nou.

Alor ou ti ava les nou konnen petet si i annan posibilite. Parske nou annan en *existing* – ki mannyer mon pou dir sa. Nou servi *container* pour nou kapab servi komman lespas.

So i annan *Enterprise Centres* ki ganny formen a labaz *containers*. So posibleman sa i ava kapab en keksoz ki nou pou *venture* ladan. Me silvouple pran kontak avek lofis, avek *IEA* presizeman. Mersi

## **MR SPEAKER**

Mersi. Onorab Naidu.

## **HON SATHYA NAIDU**

Bonn apre midi Mr Chair Minis ek ou delegasyon. Laplipar bann pwen ki mon ti'n annan in fini ganny adrese.

Me selman mon swe se ki lo kote lenvestigasyon i enportan ki zot etablir en dele letan pou dir kan ki eski sa lenvestigasyon pou konplent. Akoz byensir i annan en *moratorium* osi.

Mon prezimen ki ler lenvestigasyon in fini se la kot *moratorium* osi pou ale. Pour bann dimoun ki'n atann pour plizer lannen, nou'n ganny dir ki i annan e *waiting list*. Zot dir osi pe *compile* en *waiting list* lo zot kote.

Eski i annan en demars ki zot, zot pou fer pou demann bann dimoun ki annan zot dokimantasyon. Parey Onorab Labonte in fer resorti enn son zabitan, in fer le neseser be finalman napa later. Alor sa i en keksoz ki pou bezwen ganny adrese.

Lo kote *DRDM* ler zot ti'n vin isi, Providence *Industrial Estate* ti'n ganny diskite, e i kler ki i en *ticking time bomb*. Avan ki en keksoz ekskreman grav i arive, kwa ki *Industrial Estate Authority* i anvizaze fer?

E lo kote dezord ki Onorab Henry ti'n tous en pe

lo la mon pou zis tous bann zafer ki tre senp. Dimoun i pran *container* zot met kot zot oule mete. I annan transpor – napa okenn lord ditou. Alor kwa ki zot anvizaze fer pou sey elimin sa bann problem? Mersi.

### **MR SPEAKER**

Mersi Onorab.

### **MINISTER DEVIKA VIDOT**

Mersi Mr Chair. Mersi Onorab pour ou bann kestyon. An se ki konsern sa lenvestigasyon wi i pou bezwen annan en dele letan definitivman, parske i en keksoz ki nou bezwen kapab etablir li o pli vit posib.

Me lo *moratorium*, louvraz ki nou pe target fini pour nou kapab *lift* sa *moratorium* se sa *review of* sa *Lease Agreement* pou fer sir pou dir i a zour. Napa *loopholes*, in ganny *revamped*. E once sa i ok i annan sa *Allocation Policy* osi ki nou bezwen re revwar, e ki nou pe fer. E tousala i bann louvraz ki nou'n fini fer.

An se ki konsern *Lease Agreement* nou'n *recruit* en *legal counsel* prive, parske nou konnen pou dir i annan en kantite louvraz ki *Attorney General* ti pe bezwen pe fer.

E alor la noun resevwar, nou pe bezwen fer sirkile pou ganny *feedback*. Pou fer sir poudir i anliny avek *Attorney*

*General Office's as well. Allocation Policy Minister*, Departman Lantreprenarya avek mon lofis nou'n fer en travay konzwent.

Nou'n travay lo *Allocation Policy*. Sa osi sa *legal counsel* pe *review* pou fer sir pou dir i a zour avek bann norm. E lo kote *waiting list* sa osi nou'n fini *devise* en prosedir lo ki mannyer nou pou *tackle* sa bann *issues* ki mon'n mansyonnen. E *going forward* ki mannyer *waiting list* i bezwen pe ganny trete. Ti osi annan en *priority list* ki ti pe ganny *maintain* kot *IEA*, me kriter pour ou met sa bann dimoun lo sa *priority list* pa ti kler. Sa osi i bann keksoz.

So i annan sa 3, 4 keksoz dan limeda ki nou pe travay lo la vitman ki sa nou a kapab – i ava permet nou pour nou lift sa *moratorium* menm avan ki leres travay pe ganny fer.

An se ki konsern *Providience Industrial Estate* e *Health and Safety*. Annefe nou an konsiltasyon avek en Konsiltan pour *Health and Safety* ki vreman kalifye.

E sa msye li nou pe angaz li pour li fer en *risk assessment* of *Providience Industrial Estate*. E mon konpran pou dir *DRDM* osi i annan serten travay ki in fer lo sa kote.

So alor once nou ganny langazman avek Konsiltan e

nou *review* sa ki *DRDM* in fer nou pou kapab vreman regarde kwa ki manke pour nou kapab *liaise* direkteman ek Konsiltan.

E byensir posibleman letan nou pou tourn dan Lasanble pour sa *Supplementation – Sorry for the mid-year review*, mon pou vin kot zot pou vin demann *funding* pour sa proze.

Parske parey ou'n dir Providence i parey en *disaster waiting to happen. Health and Safety* i vreman en keksoz ki nou bezwen met *top priority*, parske i annan *ammonia* ki ganny *stored* lo sa *estate*.

E i annan leksploziv ki ganny *stored as well*. E i annan serten bann aktivite endistriyel ki servi *flammable materials*. So i vreman en konsern.

An se ki konsern en pe lord ki pou ganny mete dan *IEA*. Mon pou pas laparol avek CEO Collie, akoz li i laba toulezour. Mersi.

## **MR SPEAKER**

Wi CEO.

## **CEO ROY COLLIE**

Mersi Mr Chair. Mersi Onorab. Yes ou annan rezon *its obvious* ki i annan en kantite dezord, kantite *illegal dumping*. Si ou fer ne letour Providence bout feray partou kote obor semen, obor nou

bann *pavement* kot nou ti sipoze annan *parking* dimoun in *illegally* met zot ta feray.

Vye transpor pa koz lo la, partou dan kwen semen. So alor parey monn fer pour anmas Reveni bann dimoun ki pan peye. Mon pe lans en lapel pou san bann dimoun ki annan zot bann *illegal dumping* pa esper mwan vin kot zot. Konmans *as from now*, konmans netwaye.

Akoz petet ler mon pou ariv kot zot pou mwan ... *notice* i pou en pti pe tro tar, e mon pou konmans aplik bann mezir ki pou en pti pe sever. I pa pou tro bon pour zot.

So mon pe dir bann *tenant* Providence, menm partou. Perseverance tou i annan, konmans tir zot bann salte obor semen. Si Providence i annan en problem trafik se possibilite osi ki nou napa ase *parking*.

E bann *parking* in ganny pran par *illegal dumping*. Nou bezwen sa bann landrwa pour nou fer nou bann *parking*, akoz sa bann *buffer* i pour *IEA*. So lapel i senp, silvouple tir zot bann salte.

An se moman nou pe koup pye dibwa. Mon pa konnen si zot in pase, nou pe koup tou sa bann pye dibwa nou pe fer li zoli. Konman nou fini ek sa mon pou vin ver sa bann dimoun ki an defo. Mersi

bokou Onorab. Mersi Mr Chair.

### **MR SPEAKER**

Mersi CEO. Onorab Vidot.

### **HON AUDREY VIDOT**

Mersi Mr Chair. Mr Chair mon ti le profite pour mwan dir avek Minis. Minis mon kontan letan ou'n reponn kestyon Onorab Henrie an referans pou fer sir ki ou met lord dan bann dezord ki annan. E asire ki ou pa promet keksoz ki ou pa pou kapab delivre.

Mon pou siport sa mon osi. Akoz novo Gouvernman in promet en kantite keksoz me i pa ankor ganny sans delivre.

Mon ti a swete ki ou, ou kapab delivre an term pou fer sir ki avan lafen lannen nou kapab ganny sa lalis. Akoz nou osi lo sa kote latab nou anvi vvar laklerte, nou anvi vvar lekel bann ki pe fer labi. Akoz lot kote nonm zot 2 later.

### **MR SPEAKER**

Eskiz mwan. Bann Onorab zot kapab ekoute silvouple.

### **HON AUDREY VIDOT**

Lot kote in koz lo 2 bout, me zot pa'n koz lo bann ki annan 4 bout. E mon pou siport CEO letan i dir met lord lo sa bann ki'n met zot ta feray dezord. Akoz i enportan zot tande. Sa i enn.

Dezyenmman mon lot pwen se ou'n mansyonnen – CEO in mansyonnen ki i annan 60 bout kare later Providence ki pa pe ganny servi. Onorab Roucou, Michel Roucou pa'n tande pli boner.

So mwan mon pe demande dan sa 60 bout eski ou kapab asir nou ki letan zot fini fer sa legzersis sa bann ki'n benefisye la, zot pa gannyen dan sa 60 zot.

Donn en pe nou bann distrik, nou bann dimoun ki lontan i pe espere pour li kapab ganny en pti morso kare pour li fer son devlopman.

Akoz parey lot kote nou osi nou siport pou vvar lekel sa bann dimoun ki'n benefisye sa bann kare later. Mersi.

**(APPLAUSE)**

### **MR SPEAKER**

Mersi Onorab. Wi Minis.

### **MINISTER DEVIKA VIDOT**

Mersi Mr Chair, Mersi Onorab pour ou de kestyon. Mersi pour partaz menm vizyon avek nou, mersi pour partaz nou konsern. Mon kapab garanti ou pou dir sa Odit i bezwen ganny konplete li osi, parske nou bezwen bouz an avan.

E alor nou bezwen konnen nou osi egzakteman ki pe pase. Parske a lafen dizour osi an menm tan nou bezwen

etablir pou dir sa lalis *debtors* ki nou annan i reflekte byen parey sa *master list* ki nou pou annan. So sa osi, akoz i *tie in* avek kanmarad.

So nou bezwen fer sir sa louvraz i ganny konplete *as soon as possible*. E ou annan mon langazman lo la. E mon pa krwar sa i en keksoz enposib, nou pou kapab fer li. Parske sa kantite louvraz nou'n kapab fer dan sa pti git letan i bokou, so mon pa pe vvar akoz ki nou pa pou kapab – pa arrive fer li.

Eksepte petet i annan bann konstrent parey ki nou pe fer fas avek kot *Registrar of Companies*. Kot kekfwa i annan bann *file* ki nou pa pe vvar *Lease Agreement*, swa in ganny *misplaced*.

So petet i dan en lot seksyon. Pou lemoman rapor ki mon'n gannyen se ki zot pa pe tro kapab *locate*. So nou pe regarde.

*In regards to* sa bann later Providence, sa 60. Sa 60 i aktyelman plots ki'n ganny *allocated* me selman i pan ganny devlope. Alor nou bezwen fer sa legzersis kot nou re pran sa bann later, si *in breach of* zot Kontra.

An se ki konsern fer sir pou dir dimoun ki *already* annan en *plot* pa ganny lot *plot*, esansyelman sa i pou form parti kriter sa nouveau *Land Allocation Policy* ki nou

pe vin avek, akoz sa i pa en keksoz ki ti pe ganny konsidere lo konmansman. So nou pou fer sir pou dir sa i ganny met an pratik. Mersi.

### **MR SPEAKER**

Wi Onorab si oule eklersi.

### **HON AUDREY VIDOT**

Yes zis en leklersisman. Minis eski zot bann lenformasyon petet ki zot dir zot pe rode an term *lease*, rezistrar pa pe kapab ed zot pour zot ganny sa bann lenformasyon vitman?

### **MINISTER DEVIKA VIDOT**

Aktyelman kot Rezistrar ki nou pe rode. Ki nou pe rod sa – i annan serten dokiman ki manke dan *file*. So petet kekfwa i kot lot seksyon. Me nou'n bezwen re al kot sours lenformasyon i ganny garde. So kote ki *Lease Agreement* in ganny *registered*, an vi ki nou pa pe kapab *rely* lo bann lenformasyon ki zis dan *file* kot *MHILT* avek kot *IEA* li menm. So nou bezwen *start from scratch*. Mersi.

### **MR SPEAKER**

Mersi Minis. Onorab Woodcock.

### **HON WAVEL WOODCOCK**

Mersi Mr Speaker. Mr Speaker mon bezwen konmans avek sa *Statement*. Konblaz in ganny fer avek *tax payers money*. Pa

akoz en Gouvernman in fer proze konblaz ki i bezwen abiz e donn al dan later letan. Sa later i pou lepep Seselwa, i pa pour okenn Parti Politik. Ni pour *SPPF*, ni pour *US*, ni pour *whatever* zot bann non ki zot pou apele byento.

Mr Speaker mon premye kestyon i kot i konsern i annan en *issue* ki'n deroule pour plizyer lannen.

Mwan mon en dimoun ki mon'n fatige koz lo sa size dan 6enm Lasanble Nasional. Kot i konsern bann gro Lakonpannyen ki sorti Mae ki zot ti'n ganny *allocate* bann zoli kopo later ler zot ti pe fer bann devlopman Praslin. Parey zot ti pe fer basen naze, zot ti pe fer lekol Primer.

Be apre ki nou'n war, sa bann lakonpannyen pa'n rann sa bann later. I annan Vijay *Construction* ki lo en kare later 5mil met kare, ki Gouvernman i sipoze repran *subdivide* sa bann later e donn bann Biznes Praslin.

Mon kestyon i eski la vi ki Gouvernman in sanze, nou annan en novo tim ki pe *head* sa *IEA*, eski zot pou get ladan e repran sa bann later avek sa bann gro lakonpannyen? Nou bann pti Biznes Praslin i ava benefisyé ek sa bann later.

Mon 2enm kestyon, i annan plis ki en santenn pti Biznes Praslin ki pe espere

pou ganny en bout later, Mr Chair. Me le problem ki pe arive se ki la mon'n tande pou dir byento sa bann later pe al ganny met lo *tender*.

Me mon annan en pe konsern e pa zis mwan ki pe eksprim sa konsern, me en bann pti *businessman* lo Praslin. Se ki i annan bann lalis ki tou lede Manm lo kote latab dan 6enm Lasanble nou ti gannyen.

I annan bann *Businessman* ki'n espere pou plis ki 12an. E mon santi ki zot pou ganny defavorize. Akoz la mon pe mazin Mr Cupidon ki annan Biznes Delwil Koko, Dile Koko. Mon mazin Mr Languilla ki annan Biznes ki fer *sliding door*, *sliding window*. Sa bann dimoun en bann lannen zot pe espere.

E mwan mon krwar priyorite i merit pour sa bann dimoun. Eski sa bann dimoun pou ganny konsidere ler zot pe fer sa alokasyon sa bann pre 75 bout later?

Finalman Mr Speaker, bokou labi in arive dan later *Industrial Estate* e Ile Eve i pa'n ganny eparnye. I annan dimoun ki'n ganny *lease* later R30mil, R40mil. Apre zot in revann zot *lease* pour milyon. Mon'n deza anvoy levidans laprev dan lepase kot bann dimoun ki mon konnen in revann zot *lease* pour en kantite larzan.

Me nanryen pa'n ganny fer. Me ki nou'n vwar Mr Speaker dan lepase? I annan bann later ki labi ti sitan bokou, ki menm i annan bann Manm Lasanble Nasyonal ki'n abize, ki'n ganny later ki zot pa'n devlope.

I annan bann ki ti *Leader* lo lot kote latab dan 6enm Lasanble. Onorab De Commarmond ek Onorab Simon Gill. E Audrey pe rode lekel bann dimoun ki'n benefisyé? Be Onorab Churchill Gill osi obor li i annan en gro bout later Marie Jeanne Estate. Ki ti ganny sezi avek la fanmir Grandcourt, ki ti devan *TRNUC*.

*(Interruption)*

### **MR SPEAKER**

Onorab!

### **HON WAVEL WOODCOCK**

Tousala i bann labi ki'n arive, e zot annan lolas ozordi pour zot vin koz bann keksoz koumsa, kan zot in abize lo later Lepep Seselwa ! 43an zot in abiz lo later Lepep Seselwa.

***(APPLAUSE)***

*(Interruption)*

### **HON WAVEL WOODCOCK**

Mr Speaker, mon a fini.

Alor mon kestyon Msye Speaker, i annan en lot zafer ki pe arive Minis mon bezwen met dan ou latansyon. La zot in evolye, zot in malen prezan. *Please* pa ganny vann li. Ou konnen ki zot fer aprezan Mr Speaker, Minis? Zot fer *partnership*.

Mwan mon annan en bout later mon pa'n devlope, mon antre dan *partnership* ek en boug mon pey li en sonm larzan. Li prezan i vini i fer en *building* lo la, e sa i en lot fason ki zot pou er *land speculation*, Ki Minis ou bezwen get ladan pou anpes sa bann move pratik kontinyen dan nou pei.

En lot keksoz, ler mon pe koz lalis tou sa bann dimoun ki'n *apply* pour plizer lannen. Laba ti en kales kase. I annan bokou Biznes Mr Speaker Ki'n *apply* later ...

### **MR SPEAKER**

Onorab ou pe al bokou long. Silvouple konkli.

### **HON WAVEL WOODCOCK**

Ma *shorten* mon dernyen bout. Pou *apply* en bout later i dir ou anvoy en email. *Email* i perdi, i annan dimoun plizer lannen in *apply* en bout later napa rikord. Akoz ou bezwen *apply* atraver *email*. Napa ni en form, napa ni en standar.

Ou konnen ti en nespes kales kase parey sa

Gouvernman avan ti en kales kase. Silvouple Minis met en lord dan *Industrial Estate Authority* ! Mersi Bokou.

### **MR SPEAKER**

Mersi Onorab. Onorab ti en long *statement*. Minis

### **MINISTER DEVIKA VIDOT**

Mersi Mr Chair, mersi Onorab pour ou bann kestyon ou bann pwen konsern. An se ki konsern later Vijay nou pe fer le neseser.

Ou 2enm kestyon an se ki konsern *tender*, sa lanons ki nou pe dir nou pou fer *tender* e konsiderasyon ki i annan sa bann dimoun ki'n lo lalis pour en pe letan. Nou bezwen al regard sa lalis. Definitivman i ava en keksoz ki nou pou bezwen pran an konsiderasyon.

Trwazyenmman an se ki konsern sa bann dimoun ki'n ganny *lease* apre ki'n vann pour en kantite larzan, pour milyon. *Again* mon problem i pour fer mwan tourn *back to* konsern mon ti pe eksprim avek Onorab Cosgrow, avek Onorab Loizeau bomaten. *Sorry earlier* apre midi, pa bomaten -

Se ki si – problem si ki si *IEA* in donn konsantman pour sa bann transfer ganny efekte, alor nou pa pe kapab fer nanryen ladan, so sa ki i problem. Me parkont si

laprouvassyon pa ti ganny donnen pour zot fer sa bann transfer la i pou diferan.

*Going forward as part of* bann reform ki nou pe al mete, se ki *lease* ou pa pou kapab transfer li. Ki ou pou bezwen fer, ou pou bezwen remet li avek Gouvernman. Mon'n en pe blyie *in legal terms* ki mannyer i apele. Me selman Gouvernman i a vin *the first Person* ki ou pou bezwen kapab re vann sa *lease* avek si ou pa pe kapab fer nanryen avek.

E from there i ava asire poudir sa later la i pou bezwen retourne kot Gouvernman premye avan ki i al kot en lot dimoun. So nou pe met sa bann – nou pe fer sa bann provizyon dan nouveau Lagreman.

An se ki konsern bann dimoun, lafason zot fer zot al dan *partnership* avek lezot dimoun. Wi nou okouran sa bann *practice* e se pour sa rezon ki as part of *Land Allocation Policy* osi ki nou pe fer, nou pou fer sir pou dir sa bann dimoun i soumet zot Plan Biznes kan zot fer zot laplikasyon.

E zot pou ganny dele letan dan ki zot pou bezwen soumet zot plan. So zot pou ganny zot *dealine* ki zot pou bezwen soumet avek *Planning Authority*. E zot pou ganny zot

dele letan pour zot fer zot konstriksyon.

An plis ki sa i bezwen annan serten komitman Finansyel ki zot pou bezwen montre *IEA*. Demontre poudir wi mon annan sa resours, mon annan sa kapasite pour mwan ganny sa finansman.

Akoz ki nou'n vwar poudir en kantite dimoun i anvi later, letan zot ganny *allocated* later zot pa kapab devlope. Akoz petet zot pa pe pran konsiderasyon valer sa devlopman.

E alor nou pe pran mezir pou fer sir poudir sa bann dimoun kan zot fer en laplikasyon later e kan zot pe fer sa komitman pour sa *Lease Agreement* i pou bezwen bann komitman ki serye.

An se ki konsern *application form*, dimoun letan i soumet *request* pou ganny later by *email* ouswa *through the form of* en let. Sa i bann means en pe pli *common* ki monn vwar. I vre ki - parey mon'n fer resorti pli boner, *application form* pa ti e ganny servi.

E ankor sa i en keksoz ki en pti pe dan limedya nou pe entrodwir, akoz sa i en keksoz fasil. Zot ti merit pe servi en *application form* zot ti pou kapab rikord bann dat ki laplikasyon i ganny soumet. Anba ki non aplikasyon i

ganny soumet, e detay sa bann dimoun. Mersi.

### **MR SPEAKER**

Mersi Minis. Wi Onorab Pillay i ou tour.

### **HON SEBASTIEN PILLAY**

Mersi Mr Chairman. Mr Chairman avan mon konmans mon long lentervansyon parey Onorab Woodcock in ganny sans fer, mon oule met en keksoz devan ou e mon pa konnen ziskan ki tan mon pou bezwen *raise point of order* ziskan ki ou Mr Speaker ou deside ki ler en Manm i al an deor *Standing Orders* ou penaliz li! Mon pa konnen ziskan ki tan mon pou bezwen fer li.

### **MR SPEAKER**

Dan ki sans in al an deor *Standing Order*?

### **HON SEBASTIEN PILLAY**

Dan ki sans Mr Speaker? Si ou pa realize dan ki sans in al an deor *Standing Orders* Mr Speaker *then* ou pa konn ou *Standing Order*.

### **MR SPEAKER**

Dir mwan.

(*Interruption*)

### **HON SEBASTIEN PILLAY**

Ou pa konnen Mr Speaker.

**MR SPEAKER**

Onorab Pillay. En enstan silvouple. Mon obzekte avek sa *statement* ki ou'n fer. Mon krwar i mank respe pour Speaker e ou pa devret fer li.

**(APPLAUSE)**

**MR SPEAKER**

Ou annan laparol pou fer ou *statement*. Si ou pe koz lo longer Onorab Woodcock in koze, mon konnen in long e mon'n dir li in al en pe long. Me selman mon pa'n aret li akoz i ti pe fer en *statement*, i ti pe fer son 3 pwen an menm tan.

Silvouple Onorab mon pou demann ou pou reviz sa *statement* ki ou'n fer e apre prosede. Mersi.

**HON SEBASTIEN PILLAY**

Mersi Mr Speaker. Mr Speaker mwan mon napa okenn problem dan reviz sa *statement*. Mon pou fer sa *statement* lo *Standing Order* pou ki nou kler lo la. Ou konnen *Standing Order* i kler lo *imputation* kont en lot Manm. Dan son *statement* ki i pe fer li, in er en kantite alegasyon. *And then* in trenn non en Manm lo mon kote latab dan son *statement*. *Ok*. Sa i mal e ou ti devret aret li le moman ki i fer.

**MR SPEAKER**

Wi.

**HON SEBASTIEN PILLAY**

Non tyonbo en kou Mr Speaker. Tyonbo en pti moman, akoz i paret pou dir sak fwa lot kote latab i lev lawwa mwan mon bezwen swiv *Standing Order* e lot kote pa bezwen swiv. Mon pa'n enteronp Minis ler i pe koze akoz Minis dan tou son larepons ki sa Minis pe donne depi bomaten dan sa Lasamble, sa Minis in donn nou larepons kler, *concise*.

E in donn nou tou lenformasyon lo kestyon ki nou'n demann li, e mon annan gran respe pour sa.

Me selman Mr Speaker mon bezwen met sa devan ou la akoz i pa premye fwa i arive. Sa i ava en desizyon ki ou ek mwan nou kapab *take up* apre. Mon pe al kontinyen lo la, lo mon kestyon.

**MR SPEAKER**

Aret en moman silvouple. Mon'n deza dir pou dir bann Manm pa devret fer alegasyon kont lezot Manm. Sa i dan *Standing Order* ou pa devret *impute improper motives*.

Selman fransman mon pa'n sezi okenn pwen kot – si mon'n manke, mon'n manke e nou a kontinyen. Me mon pa'n sezi okenn pwen kot Onorab

Woodcock in fer en – in *impute improper motives.*

Mon santi in dir sa ki'n arive, sa ki i santi in arive dan lepase, e sa i en lopinyon politik. Onorab Pillay eski nou kapab *move on* ?

### **HON SEBASTIEN PILLAY**

Mr Speaker mwan mon rol dan Lasanble se ki si mon vwar en keksoz ki mal mon pou dir li, mon pou dir ou, mon pou dir nenport ki. Me ou pou realize ki dan mon bann komanter zanmen mon servi ni non Prezidan, non en Manm, non en Minis, ou non, dan okenn komanter ki mon fer dan en lentervansyon.

Akoz zisteman mon respe sa lenstitisyon ki mon reprezante. So mon ti ava enplor ou Mr Speaker pour nou vin azour avek sa ki lalwa e lord dan nou Lasanble i demann nou pou fer. E ki tou Manm san leksepsyon ki ou LDS, ki ou US i ganny menm tretman ekitab dan sa Lasanble ! Mersi Mr Speaker lo sa pwen.

### **MR SPEAKER**

Mersi nou'n *deal* avek sa *Standing Order*, silvouple *proceed* la.

### **HON SEBASTIEN PILLAY**

Mon lot pwen ki mon oule fer Mr Speaker i konsern bann keksoz ki'n ganny ...

### **HON SEBASTIEN PILLAY**

Ou realize Mr Speaker? Ou realize ki pe arive dan Lasanble, ou realize en mank respe ki sa Manm i annan? Mank respe ki en Manm i annan dan... ? Mank respe pour Lasanble ?

### **MR SPEAKER**

Onorab kontinyen silvouple.

### **HON SEBASTIEN PILLAY**

E sa ki mal Mr Speaker ou *Leader* son parti pe mank respe pour ou.

### **MR SPEAKER**

Kontinyen.

### **HON SEBASTIEN PILLAY**

Mr Speaker mon'n asize la e monn ekout plizyer komanter ganny fer lo sa size *IEA*, e mon le retourn Minis e bann dimoun ki la an 2019. Mr Speaker avan mon kontinyen mon ti a kontan ki Onorab ki'n leve i *tender* en *apology to the Chair* pou sa ki'n arive, sa aksyon ki'n fer ki tou Manm laba anba in tandé ki in fer ekspre avan mon kontinyen. Si ou pa'n tandé Mr Chairman in pran son telefonn in met on. in fer son telefonn sonnen ok?

### **MR SPEAKER**

Onorab Pillay pa pou dir mwan ki ler pou dir en Manm *apologies*.

**(APPLAUSE)**

### **MR SPEAKER**

Mwan mon a deside. Silvouple kontinyen si oule koze. Manm eski mon kapab ganny en pe lord silvouple ! Silvouple mon ti a demann bann Manm kote *LDS* pou reste trankil, gard silans e permet sa Manm koze. Mersi.

### **HON SEBASTIEN PILLAY**

Mersi Mr Speaker pou aplik Lalwa. Mr Speaker mon oule retourn nou en pti pe letan dan lepase, kot nou'n deza annan menm problemm avek Bidze *IEA*. E sa ti an relasyon avek Desanm, 2018 kot R2.5 milyon ti ganny *frozen* dan Bidze *IEA*.

Pou bann ki pa rapel dan 6zyenm Lasanble, akoz ti annan problemm lo koleksyon bann *debts* ki pa ti ganny kolekte. E sa ti *amount to* zot ti sipoze kolekte *at least* R5 milyon, e sa letan sete Prezidan Ramkalawan ki ti *Chairman FPAC* ki ti *freeze* sa larzan. Ok?

*IEA* ti retournen e ti montre nou, ti eksplike poudir sa *List of Debtors* ki ti ganny *quoted* ti R13milyon, ti mal. Ti annan en koleksyon R7.7 milyon ki ti ganny fer an 2019, lo en revi total R7.9 milyon, e

sa ti ganny sertifye par Minister Finans.

Ziska sa letan i ti'n fini kolekte R3milyon dan bann *past debts*, ki bann *debts* ki ti'n *arrears* parey Mr Collie in koz lo la. E sa bann det in *arrears* pa la, fek ariv la, in ariv in *arrears* depi plizyer lannen, 10an pase eksetera. Prezan *FPAC* sa letan ti deside pou *unfreeze* sa Bidze. I ti deside *unfreeze* sa Bidze atraver son Chairman byensir e son Vis Chairman ki ozordi i Vis-Prezidan, akoz zisteman zot ti'n vwar zefor ki *IEA* ti'n fer.

So, premye kestyon ki mon bezwen demann *IEA* se, i bezwen annan lenformasyon ki ti ganny servi pou donn *FPAC* sa bann lenformasyon sa letan pou li *unfreeze* sa Bidze. So kote sa bann lenformasyon in ale?

Akoz ler mon regard rapor Oditer Zeneral pou le de lannen 2018 – 2019, i kler ki i annan lenformasyon ki malgre Minis in donn nou serten lenformasyon ki ankor la. Ki bezwen ganny met ansanm avan ki nou ganny en portre konplet lo *IEA*.

Akoz nou'n tann sa lenterpretasyon ki annan manboulouk isi, manboulouk laba. Me i paret poudir i annan en kantite lenformasyon ki nou bezwen met ansanm, pou kapab

ganny en portre konplet lo sa ki *IEA* pe fer.

E ki mon pa krwar in napa en zefor ki'n ganny fer, pou annan sa lenformasyon konkret. Akoz sa pou vedir ki 6zyenm Lasanble osi in *fail* dan son latas anver *IEA*.

Akoz nou'n fer en kantite travay lo *IEA*, nou'n pas plizyer letan pou nou diskit, enn son rapor an relasyon ek rapor Oditer Zeneral lo *FPAC*. E apre dan Lasanble ler nou'n pran son Bidze. So mon krwar ler nou, nou pe dir sa ki nou pe dir nou pe *actually* fer en travay, ki nou'n fer dan 6zyenm Lasanble vin irelevan. E sa i pa akseptab koman en Lasanble.

Nou bezwen regard kwa ki nou'n kapab fer pou ariv ziska la, e prezan ki nou bezwen fer an relasyon avek sityasyon ki pe ganny prezante devan nou. So sa i mon premye kestyon, kote sa bann lenformasyon i ete?

Mon 2enm kestyon Mr Speaker, ou konnen sa size konblaz, konble later pou donn dimoun pou mwan i en keksoz tris. I tris akoz ozordi prezan en kote i anvoy labou lo lot kote, e lot kote i reponn pou dir be pa zis nou ki'n gannyen, zot ki'n gannyen eksetera.

Be en keksoz ki nou, tou lede kote latab dan Lasanble i bezwen admet, e si nou pa admet sa nou pou toultan dan

problém. Se ki i paret i annan en group dimoun, en group dimoun ki zot ler nou, nou pe anvoy labou lo kanmarad. Zot pe byen pase dan *Industrial Estate* zot, e zot pa ni *care* si zot siport *LDS*.

Zot pa ni *care* si zot siport *US*, *as long* ki zot lentere personnel i ganny satisfer. E nou, nou pas letan anvoy labou lo kanmarad, e sa ki nou bezwen targete. Akoz mon dir i tris?

Akoz ler nou ti donn en dimoun en bout later, ler sa letan mon pa dir nou, mon dir ler Gouvernman sa letan ti donn en boug en bout later. I pa ti donn li pou li al vann, me sa boug in ale in al vann, e se sa ki ou vvar i annan dimoun i annan plizyer.

Akoz sa enn ki'n kapab aste ti annan larzan pou li aste, akoz i ti kapab vann, e se sa kot problem in vini. Nou pa kapab kontinyen blanm enn, blanm lot, nou osi nou kapab dir i annan dimoun, i annan sa enn ki ti fer bann biznes feray la.

Sa boug in pran en ta feray in kit partou, apre bann dimoun ki'n ganny later pa ti kapab antre lo sa later, akoz sipoze netway later. R250 mil pou sa bann dimoun netway later, sa osi ti en problem.

Me i pou irelevan pou nou kontinyen al dan en *mud slinging contest*, pour nou

kontinyen anvoy labou lo kanmarad pou nou pa adres vre sityasyon. E vre sityasyon i se ki, antretan ki le de parti pe kontinyen batonn kanmarad, i annan en group dimoun ki benefisye.

E si nou pa admet sa nou konman en Lasanble nou kontinyen fer sa, sa bann menm non ki dimoun pe nonmen tou lazournen, pou kontinyen monte. E nou, e zot pa pou kapab fer naryen pou anpes sa bann dimoun benefisye lo sa kontinyen lager, ki nou pe lager.

So mon kestyion i senp Minis, dan sa lalis ki ou pou *provide*. Eski ou kapab *provide* nou avek lalis tou bann endividé, ki ozordi i *owner* en propriyete anba *IEA* ?

Donn nou sa lalis. Akoz mon asire pou dir ladan, ler ou pou gete ou pa pou kapab *tag* ni enn, ladan pa pou 100poursan *US*, i pa pou 100poursan *LDS*. Me ladan i annan pou 100poursan pou son lekor. Sa i en keksoz ki zot bezwen gete, premyerman sa i enn.

Mon 3enm pwen Mr Chairman i pou kontroversyel, e mon konnen i annan dimoun pa pou kontan. Mwan koman en Politisyen mon viv *by* en prensip, e bokou mon bann koleg i konnen. Mon Prensip se ki koman en Politisyen mon

pa antre dan biznes. Akoz ler ou antre dan biznes ou bezwen rod later pou fer biznes, ou bezwen rod isi, e si ou al dan sa domenn apre i vin en problem pou ou.

Pou vin en problem pou ou, si ou ti avan annan ou keksoz avan ou antre dan politik sa i ou zafer pou ou. Mon pa kapab dir tou dimoun viv par menm prensip. Eski dorenn avan *moving forward* nou pa kapab etablir serten sistèm, akoz i pou diskriminatwar mon konnen i pou en problem. Kot ou pa pou kapab dir ou pa pou donn politisyen - en politisyen en bout later. Ou pa pou kapab dir ou pa pou donn sa enn en bout later.

Me i bezwen annan en fason, ki nou fer en kriter en *lead must test*, en *admissibility requirement* i ganny met an plas, pou ki nou pa gannyen sa bann deba ki nou pe gannyen.

Sel fason pou nou kapab rezourd li, akoz size annan later konble i en bon keksoz pou nou pei. Ti neseser annan later konble pou nou pei, *PNJ* ozordi i lo later konble. Bann lezot biznes i lo later konble, e zot *provide* en servis pou popilasyon ki nou tou nou bezwen.

So eski tou sa bann dimoun ki lo sa later konble i siport en parti, ouswa i siport

en lot parti ? Ou pa pou zanmen kapab konnen, kekfwa i annan i montre, be i annan ou pa pou konnen. Mwan mon pa kapab dir ou, demen probableman si ou fer eleksyon Providence mon pa pe koz lot landrwa.

Ou fer eleksyon Providence probableman mwan mon pou perdi, mon parti pou perdi e zot ki pou gannyen.

Egzakteman, so ou pa kapab dir, servi sa largiman. Mon pwen ki mon pe fer avek Minis se ki i bezwen annan en kriter *admissibilité* ki nou servi, pou donn sa bann propriyete. E en dernyen pwen ki mon annan Mr Chairman ki mon krwar mon'n swiv largiman Onorab Woodcock. I annan en keksoz ki ou'n dir ki danzere.

Si nou tou nou retournen prezan ozordi nou komans *lobby* nou'n donn sa Minis en manda. Nou'n donn sa novo lorganizasyon en manda, nou tou nou komans *lobby*. Me sa enn ti annan plis letan ti pe espere, sa enn ti annan plis letan ti pe espere e nou pa les zot fer en determinasyon. Nou pe kree en menm manboulouk, ki nou oule tire. Sorry, be i koumsa.

So eski zot pe met sa sityasyon devan Gouvernman pou ki zot annan en fason, pour ki wi, be i annan en

*fairness* ki ganny etablir lo, si sa boug ki pe rod sa later 15an, i *meet* son kriter, i bezwen dan sa lalis, i pa kapab pa dan sa lalis.

Pou li al dan sa *tender*, pou li ganny propriyete. Mersi Mr Chairman pou ou lendilzans.

### **MR SPEAKER**

Mersi pou ou bann pwen. Sa osi in en long *statement* Onorab Pillay, mersi. Nou ava pas la parol avek Minis.

### **MINISTER DEVIKA VIDOT**

Mersi Mr Chair, mersi Onorab pou ou bann kestyon. I enteresan ou premye pwen i vreman enteresan an sa ki konsern zefor ki *IEA* in fer, e sa bann sif ki ou'n mansyonnen.

Ou konnen akoz i enteresan? Se akoz letan mon'n antre dan lofis mon'n ganny donne en lalis *debtors*, ki ti ariv 15milyon. En pti pe plis ki 15milyon, e ladan letan mon pe zwenn avek dimoun, letan mon pe zwenn avek piblik.

Parey mon'n mansyonnen i annan en kantite konplent ki'n ganny fer an sa ki konsern *IEA*. Dan en bomaten ki mon pe zwenn dimoun, si mon pe zwenn 7 dimoun, 5 ladan i an relasyon avek *IEA*.

Alor lo sa *figure*, ti annan bann dimoun ki mon ti konn

zot personnelman. E mon'n apros zot mon'n demann zot, be akoz be ou pa pe vin pey ou det? E *for instances*, i annan ki ti pe dwa R300mil. E sa dimoun i dir non mon'n fini peye.

E alor ler mon al fer *checks* mon al regarde, sa dimoun in fini peye. So i montre ou pou dir sa lalis *Debtors* i pa ti *accurate to begin with*. E prezan kot ki vin enteresan se ki louvraz ki *CEO Collie* i pe fer la, ki in antreprann letan in antre dan lofis in *regards to*, la nou pe koz zis *Micro Enterprise Centers*.

Akoz pou le moman nou pe *tackle* sa enn premye akoz i pli fasil. I demonstre poudir i annan R10.2milyon ki *outstanding* zis avek *Micro Enterprise Centres*. So i montre ou poudir klerman i annan en de balansman.

E alor sa bann keksoz ki mon'n dir, sa bann *figures* ki mon'n pronons lo la sa i bann keksoz ki nou'n aperseewwar dan sa bann louvraz ki nou pe fer.

E se pou sa rezon ki nou bezwen fer sa travay konpreansiv, pou ki *once and for all* nou ava ganny rikord ki kler, ki egzakt, ki *accurate*. Akoz i annan tro bokou konfizyon.

An sa ki konsern bann rekomandasyon ki *AG's office*

dapre rapor ki'n ganny fer, dapre rapor ki *even* Minister Finans *following* sa *freeze*, Minister Finans ti antre kot *IEA*, ti fer serten travay, ti fer rekomandasyon.

E anba tou le de ka rekomandasyon ki ti ganny met devan, me in pa'n neseserman ganny adopte par *IEA*, aktyelman i pa'n ganny adopte. Espesyalman an sa ki konsern *maintenance of* zot *Master List*, akoz zot ti *even* ganny donnen en *template*. E ozordi zot pa'n *Maintain* li dan sa fason, e i pa'n konplet, i pa *accurate*. So sa osi nou bezwen pran konsiderasyon.

E dan sa rapor preliminer i fer resorti tou sa bann keksoz, baze lo levidans ki nou'n anmase dan sa travay ki nou'n fer. Dan sa ki konsern *Allocation Policy* ki sipoze annan sa *fairness*, la transparans sa i definitivman.

So lavenir ki nou pe anvizaze se sa *Allocation Policy* i pou enn ki transparan, ki fer ki i kapab ganny pibliye osi. Ki piblik i avar ganny akse avek, kriter pou ou kapab ganny *allocate* later.

Ou a kapab ganny akse avek pou ki ou a konnen, ki bann *steps* ki ou bezwen pran si demen ou anvi ganny en morso later. Ou ava konnen ki ou bezwen fer pou ou arriv lo sa pwen. So mon kapab asir ou, ki *Policy* ki nou pe travay lo la

i zisteman *fairness* e *quality* i form parti son baz. Mon krwar mon'n reponn tou ou kestyon. I annan en katriyem?

### **MR SPEAKER**

I annan kestyon ki pa'n ganny reponn Onorab Pillay?

### **MINISTER DEVIKA VIDOT**

Regardan Politisyen *that is the last question*. Ok, so an sa ki konsern sa osi, en Politisyen parey ou'n dir i annan posibilite pou li al dan en biznes, napa problem.

Me selman i annan en nouveau keksoz, en nouveau set kriter ki nou pe al anvizaze fer, met an aplikasyon kot *IEA* avek bann nouveau reform. E sa se sa prosedir *due diligence* ki nou pe al ranforsi li la.

Koman en Politisyen ou ganny klasifye koman en *politically exposed person* en *PEP*. So sa i pa pou neseserman donn ou plis lavantaz, so i pou donn ou en dezavantaz otour lezot dimoun.

So i pa pou defann sa dimoun pou li *apply*, me selman son sans pou li ganny *allocated* i pou redwir baze lo sa bann kriter. Mersi Mr Chairman.

### **MR SPEAKER**

Wi, Onorab ou kapab fer li kourt silvouple sa voyaz, akoz

ou'n gannyen bokou letan pou sa *statement*. Mersi.

### **HON SEBASTIEN PILLAY**

Mersi Mr Chairman. Mwan sa ki mon ti a kontan *query about*, in annan en transfer ki'n ganny fer from *MLUH* an 2017. E mon krwar *this is where* en kantite problem i stand from, se ler sa transfer in ganny fer.

Ler ou pe get bann rapor e ou *tabulate* ti annan ou en letan apepre R6 milyon, ki pa ti ankor ganny rekonsilye pou antre dan liv. E ki pa ti aparet me selman ti'n fini ganny peye.

So savedir eski ou pe fer tou le de travay an menm tan. Ou pe fer en travay rekonsilyasyon bann peyman, e ou pe fer en travay pou fer en lodit bann propriete. Lekel ki annan bann propriete avek Rezistrar.

E zis en pwen final i pa en kestyon Mr Chairman, be selman mon *maintain* ki si nou koman en Lasanble, nou pou *achieve* en keksoz avek fer asire ki sa bann later *whatever* proze ki Gouvernman i fer bann later, pou nou kapab fer li marse, *the only way* ki nou pou kapab *achieve* li se par zot ki pou bezwen fer li, i pa nou ki pou bezwen fer li me i Lasanble ki bezwen fer li ansanm.

E dan sa konteks nou bezwen tonn ansanm, e tonm

dakor ki the *only way forward* se pa get okenn endividé, ouswa okenn lentre. Me konsantre lo asire ki sa bann antite i kapab fonksyonn byen.

E si zot annan zot bann sistem an plas, tou dimoun i avar pas atraver menm sistem, e a benefisyé parey. Mon krwar se sa ki nou, nou pe rode, e lentansyon sete sa *all along*. Mersi Mr Chairman.

### **MR SPEAKER**

Mersi Onorab. Minis ou'n note, oubyen oule adrese?

### **MINISTER DEVIKA VIDOT**

Mersi Mr Chair, mon oule zis konfirm avek Onorab pou dir wi, nou pe fer en *three way reconciliation*. So nou pe met sa morso *Ministry of Land Use as well* lo sa lalis ki nou'n resevwar. E mon'n note ou 2enm pwen. Mersi.

### **MR SPEAKER**

Wi, Onorab Georges ou ti'n lev lanmen taler.

### **HON BERNARD GEORGES**

Mersi Mr Chairman. Mr Chairman mersi pou ou donn mwan laparol, e mon pran laparol koman Manm ki'n servi sa Lasanble pli kontan parmi nou tou isi la.

E mon fer sa pour remersye Minis avek son *panel* pou zot letan apre midi. Me

Minis ou 2zour ki ou'n pase avek nou, pe donn nou bokou lesplikasyon ki mon krwar nou, e osi bann dimoun deor ti byen bezwen. Donk mersi bokou.

Mon ti a osi kontan pran sa lokazyon pou eksprim nou regre pou annan de fwa, bann pti derapaz ki ariv dan Lasanble. Mon konnen ki ou konpran nou, nou bann Politisyen e nou pa parey tou dimoun.

Me *PS These* li i abitye avek nou, in vvar pir ankor me mon krwar nou merit en leskiz annan de fwa ler nou pa *behave* parey nou devret.

E si lo nou kote si i annan okenn mank respe pou ou Mr Chair, sa i ava ganny dil avek nou *Chief Whip* i la. E mon konnen ki i mark sa bann keksoz, e dan nou *Caucus* nou pran sa bann keksoz tre serye. E si in annan okenn mank respe apre midi pou okenn dimoun, mon profite pou eskiz mwan lo la par nou *Caucus*.

Mon annan en lot keksoz ki mon ti a kontan dir apre midi, e sa se sa kestyon *point of order* ki'n ganny leve en pe pli boner. Mon krwar mon devret fer le pwen Mr Chair, ki ler en Manm, si en Manm i ganny *targeted* par en lot Manm, se sa Manm ki'n ganny *targeted* ki annan drwa lev en *point of order*, e non pa nenport lezot Manm ki swa en

*Leader ou non.* Akoz se pa li ki'n ganny afekte, se sa dimoun ki swadizan in ganny mansyonnen.

E donk apre midi i ti ava Onorab Gill *if anybody* ki ti annan drwa *raise a point of order*. Me si Onorab Gill pa'n fer li, i annan son rezon. E enn bann rezon mon mazinen se ki nou Politisyen, e nou lapo i red, nou abitye avek sa bann barb, e nou pa reazir.

Nou menm nou lo sa kote latab 2 fwa par enn menm manm, sa semenn nou'n ganny akize voler, e nou'n ganny akize ki nou'n pran later en Madanm, e nou'n vann avek Endyen. Nou ti'n kapab fer, i pa en kestyon non, i en alegasyon.

### **MR SPEAKER**

Onorab Pillay ou kapab ekoute silvouple ou osi?

### **HON BERNARD GEORGE**

I en alegasyon ki'n ganny fer lo en *coccus* an antye, lo en kote latab an antye. Donk i pa zis enn, me i *burn* tou dimoun. Me ou konnen Mr Speaker, Mr Chair parey mon'n dir nou, nou Politisyen e nou konnen ki sa bann keksoz i arive. Nou bezwen ekspekte ki sa bann keksoz i arive, akoz nou lapo nou i red.

E la rezon ki nou pa'n reazir lo sa kote latab, se ki nou annan en Prensip. E sa

Prensip i sorti dan en vye proverb Arab ki dir '*le chien aboie la cavarane passe*'. Mersi Mr Chair.

### **MR SPEAKER**

Se tou, oule kontinyen Onorab?

### **HON BERNARD GEORGE**

Non, se tou mon ti anvi zis dir sa.

### **MR SPEAKER**

Mersi.

**(APPLAUSE)**

### **MR SPEAKER**

Onorab vreman ou pa'n sinal mwan ki ou pe aret koze, ki ou pe fini, alor mon ti krwar ou pe kontinyen. Mersi bann Manm, eski Minis i oule en dernyen remark. Mon krwar i napa kestyon direk ki'n ganny poze, i annan serten remark si oule. Non, Minis. Mersi.

### **MINISTER DEVIKA VIDOT**

Mersi Mr Chair. Petet dernyen remark mon ti ava zis kontan pou, mon ti ava remersye zot tou pou zot partisipasyon vreman aktiv la apre midi. Letan in pas sitan vitman, nou pa'n ni menm realize.

Mon ti avar swete ki zot tou, zot vot an faver sa Bidze, sa fwa si i enn ki en pti pe minim. Nou pa'n ganny *allocate* bokou resours, i

annan en kantite pou fer. Nou pou esey fer nou mye avek sa pti git ki nou'n gannyen. Me mon promet zot ki nou pou sey nou mye, e nou anvizaze vin kot zot.

E nou kont lo zot sipor pou ki nou kapab ganny *allocated* en pe plis resours dan le fitir, pou nou kapab fer plis. Parey zot konnen i annan en kantite demann ki'n ganny mete anver *IEA*. E alor nou ti a voudre fer keksoz marse, e ki al ver zot tou, e tou dimoun dan zot distrik pou kontan. Mersi.

### **MR SPEAKER**

Mersi. Nou avar vot lo Bidze *Industrial Estate Authority* ki lo paz 593 ziska 598, pou en total R47milyon 486mil. Manm ki an faver i ava lev lanmen silvouple?

Manm ki vot kont? Bidze pou *Industrial Estate Authority* lo paz 593 ziska 598 pou en total R47milyon 486mil in ganny 32 vot pour, 0 vot kont, e 0 abstansyon. Alor Bidze in aprouve par Lasamble.

Avek sa mon ava dir Minis avek son delegasyon mersi bokou, e nou apresye zot prezans parmi nou. Zis avan nou *adjourn*, mon'n ganny en remark ki piblik i apresye konnen lekel Bidze ki pe vini son lannmen.

Koumsa zot kapab fer en zefor pou *tune in* si zot

enterese avek. E mon ava dir pou dir demen, lo nou *Schedule* i annan biro Mer Lavil, *Creole Institute*, Departman Kiltir e *National Arts Council*.

Me sa i touzour posib revize, si nou annan konplikasyon avek bann delegasyon. Alor mon ava dir zot mersi bokou, e nou al re pas dan staz Lasamble pou nou *adjourn*. E nou a re pran travay demen bomaten 9er. Mersi, nou *adjourn*.

**(ADJOURNMENT)**